

痘科辨要目錄

卷一

窮玄·····	一
辨熱因·····	一
辨面上部位·····	二
面部八隅三傳圖·····	三
辨面部諸位配合口訣·····	四
面部諸位配合圖·····	五
辨面部六十位·····	六
面部六十位圖·····	八
辨七日五傳·····	九
辨氣血盈虧·····	九
辨四項口訣·····	九
辨神氣口訣·····	一〇
卷二一	
辨四節八證·····	一三

目錄

辨瘰癧毒痘證·····	一四
辨血熱痘證·····	一四
辨氣虛痘證·····	一五
辨血虛痘證·····	一五
辨表實痘證·····	一五
辨表虛痘證·····	一六
辨裏虛痘證·····	一六
辨裏實痘證·····	一七
辨順痘不服藥·····	一七
辨熱毒瘰癧肌肉痘不發透治例·····	一八
辨表虛氣虛血虛內虛治例·····	一八
辨血熱血實血毒治例·····	一九
辨火極治例·····	一九
辨雖利而可下治例·····	二〇
辨熱毒已解相繼用溫補治例·····	二〇

辨虛實不切脈審內外之證	二一
辨痘經用藥調養法七條	二一
辨用毒藥攻毒	二三
辨廣東人參	二三
辨清涼溫補之衷	二四

卷二

辨發熱三日順險逆證	二七
辨見點三日順險逆證	三〇
辨起脹三日順險逆證	三七
辨瀰瀰三日順險逆證	四一
辨收靨三日順險逆證	四六
辨落痂三日順險逆證	五一

卷四

辨初熱三日附戲猴出痘	五五
初發三日用方	五八
辨見苗三日諸證	六二
辨虛痘治例附可吐一治驗	六四

辨見苗三日清火治例附痘內夾痧一逆證	六五
見苗三日虛證用方	六九
清火用方	七〇
清補用方	七三

卷五

辨起脹三日	七五
辨起脹三日治例附經大病氣血未復忽然患痘一治驗	七五
辨起脹三日清火治例附火極一治驗	七九
辨清補治例	八一
起脹三日虛痘用方	八三
起脹三日清火用方	八六
清補用方	八七
辨瀰瀰三日	八七
辨瀰瀰三日虛痘治例附峻補一治驗	八八
辨瀰瀰三日清火治例附首尾用清涼一治驗	九二

辨灌漿清補治例……………九三

灌漿三日用方……………九四

灌漿清火用方……………九六

卷六

辨收醫三日……………九七

辨收醫三日虛痘治例附痘中見蛔一治驗……………九八

辨收醫清火治例附痘毒不混他病一治驗……………一〇一

收醫結痂用方……………一〇五

卷七

辨女子出痘……………一一一

婦女孕婦主方……………一一三

辨麻痧諸證……………一一六

初發身熱麻痧欲出之圖說……………一一六

麻痧用方……………一一八

卷八

辨夾蛔本原……………一二三

辨夾蛔諸證……………一二四

夾蛔用方……………一三七

附錄卷九

異證治驗十一條……………一四一

附錄卷十

方選百七十三方……………一五一

升堂門生姓名錄……………一八五

痘科辨要卷一

東都醫官痘疹科兼醫事教授

池田獨美瑞仙著

紀伊齋藤幸菴 順

男 瑞啓 參 門人

浪花大高元恭宗廣 校

男 瑞英 訂

京都清水祥助 剛

窮玄

夫醫之爲技難於衆流而痘之爲治難於他病何則痘之所患大率恆在小兒間焉不通其意察焉不由其脈乍起乍收變遷倏忽轉瞬之際死活之機分焉自非通變之手孰能治之雖然通變之妙非有他道生平研窮練綴然後隨局則其處置之方無往而不得其宜也此之謂通於神之玄機矣其謂漿期無涼瀉其謂初發無溫補通神應變必俟其人官筌之跡特傳其常階梯而已雖然不知常則不能應變不知變則不能全常有知此義則治痘之術思過半矣

辨熱因

夫人稟性於天地而萌氣焉資氣於父母而成質焉際乎此時未曾無淫火之毒故世歷今古人聞千萬無有免此難者也蓋淫火曠於有形之前必發於有生之後過於歲火太過疫毒流行則痘毒亦隨流布故痘之發也必先火熱而後見苗經曰少陰有餘則病皮痺癰瘍何則君相二火太盛則五臟百骸莫不擾動以故淫火與時氣相感觸火毒遂中於其中而外注於皮毛所以痘未見苗而先發熱也古語曰五穀不熟不透實痘疹不熟不透徹不其然乎但火熱太過者真元燦熱氣血不及者陽明繁劇故痘之呈見特顯熱之淺深如何而已

蓋上古簡質，未有痘名，唯以風候言之。故病源候論有傷寒登痘，或時氣蛇瘡之目，又名天瘡，以其爲天行疫癘也。肘後方又有天行斑瘡之名。今案諸家論雖歸罪於淫火胎毒，但以瘟病之藥投之，則其爲疫癘之屬明矣。且古有登豆等病，而今無其證，則今之痘瘡，即古之登豆瘡，而異其名者歟？或謂痘瘡之火，本起于腎，又曰腎在腑下，沉匿不受穢濁，何以知起於腎之由？此皆杜撰之見，不足論矣。吾曼公先生缺曰：疫毒客乎前陰，後陰之際，直侵大腸膀胱之絡，傳與命門相火相激，灼燦腎室，而鼻炎猛極，終治氣血之伏毒，內則振動五臟百骸，外則徹透肌肉皮毛，然後呈見痘形也。且夫心腎二者，統少陰之脈，故相火熾，則君火亦隨熾矣，而肺爲皮毛之合，肺金爲火鎔冶，則乾激皮膚，乾激皮膚，則皮膚自麻痺焉。故痘雖萌芽，而不知痛癢，蓋人發諸瘡疥，則或痛或癢，不可忍者，生人之常也。特以皮膚乾激之故，而不覺知耳。余家不言痘瘡之原，但以其見症驗之，蓋自古一患不再患，則可謂胎毒乎？又聞村舍家，傳染則爲疫癘，亦宜。嘗謂淫火食穢之二毒，內畜稀少，則爲害亦微，而其偶稠密者，氣血爲此虧損，加以疫氣之深毒，所以致有險逆之症也。痘之順逆無他，在胎毒之稀稠，與疫氣之深淺也爾矣。凡稱疹者多種，痘疹、麻疹、風疹、斑疹、癰疹、膚疹是也。蓋疹者謂初發赤點，隱隱皮下，而不作粒者，乃癰疹也。諸疹皆異其形，今稱痘者，從疹而起，逐日爲粒，其形狀肖豆，故曰之痘，而痘疹連稱者，提其總稱也。又少陽子曰：痘也者，豈也？因其形之類，而爲痘之名也。蓋豈字，聖劑總錄始作痘字，凡爲醫者，宜就其名，而考其症，庶幾瞭然於心目之際矣。

辨面上部位部

夫痘疹陽毒也，諸陽皆聚於面，吉凶善惡最易見焉。額屬心火，如印堂以上，髮際以下，橫兩日月角位，先見紅點，先發先盛者凶也。左臉屬肝，右臉屬肺，如兩臉見紅點，磊落者吉，如相聚作塊，其肉硬腫者死。額屬腎，承漿橫抵

面 部 八 隅 三 停 圖

卷一 辨面上部位

三



骨 瘦 肉 堅 色 蒼 黑 而 肌 膚 明 鑒 者 呈 吉

兩頤先見紅點者吉。鼻屬脾土。若準頭先出先醫者凶。腎之竅在耳。又云心開竅於耳。心腎皆少陰君火也。又少陽相火之脈行耳之前後。凡耳輪先見赤點者凶。惟口唇四圍先出先起先醫者大吉。陳序山曰。天有五星。地有五岳。人有五形。俱在頭面布列。以此視痘。猶雖射楊葉平百步之外。而無不中。不必待養由基也。

靈樞曰。頭爲清陽之府。故天庭印堂君主之官。山根兩顴輔將之職。手足卑賤之相也。如天庭輔官之瘡。平塌灰白。焦枯黑陷。則君主危。君主危。則十二官皆危。但手足卑賤。雖危又或無妨。所謂額顴焦枯。休歡喜。腿膝水泡。真慌張者是也。兩臂脾經之軸也。兩膝腎經之軸也。此處起發瀰漫。尤可充足。如見苗先自手足始者必凶。勿治之矣。又以氣色辨之。額角流霞火熱尤甚。鼻梁紫紋。肝腎病。紅紋心病。青紋肝腎病。黑紋腎病。黃紋脾胃病。白紋肺病。額前紫赤。痘終不起矣。

辨面部諸位配合口訣

身熱候面色。上停微紅明潤者吉。中停無黯色。光亮潮潤者吉。下停無滯色。明亮活潤者吉。又上停先放苗者逆也。中停先放苗者險也。下停先放苗者順也。蓋頭面爲諸陽之會。印堂輔官爲諸陽之首。故命官出瘡多少。乃吉凶悔吝之所以係焉。當現一點血時。明究五臟六腑之部分。推察其部氣血盈虧之微。詳辨其痘色紅白紫黑乾枯明潤之狀。配合面上六十位。以考內證平不平。而不以切脈加之。精驗唇舌之轉色。則拾遺要機。不在於此。而何在焉哉。

面 部 諸 位 配 合 圖

卷一 辨面部諸位配合圖



骨弱 肉厚 色脫 白而 肌膚 黯淡 者 凶

辨面部六十位


夫頭面陽會之地，印堂一名命宮，此部爲諸陽之首，命門之標，乃神明之所藏也，故出痘密則不吉，稀則周身首尾悉順美矣。一發熱而後痘先出于面之下部，面頤爲順，兩頰爲逆，額先出爲逆。臉屬心部，兩臉瘡如人形，則下部痘如桃花紅，必美潤而無損。兩頰心經之部，未至七八日，頰骨痘先潰爛，則生全之兆。滿岳鼻也，五岳皆在其中，五岳之痘，紅潤吐石榴花，則手足亦順美。自額骨以上，皆充灌滿足，縱下體凶逆而不灌，亦無妨。舌上舌下生黑疔，名曰捲簾，此心經鼻毒邪熱所發必死。五岳之地，勢穹隆，痘必於此先見，乃陽毒之正傳也，必吉兆。瘡稠密者，不論部位經絡之上下先後，一齊出現者凶，猶萬馬之齊奔，其中天痘先出，天痘或日餘痘隨出，故凶多也。六七粒相連出者，爲遊蚕，兩頰心部也，痘必成椒皮而難救治，三四相連出者，爲疊錢，痘必難鼎峻。青曰肝部也，目上下四五連出者爲凶，不可有哀後聚粒。青帝殺門，座于兩眼眶，肝之關也，兩眼眶上浮綠色，氣血充順吉兆也。眼爲肝竅，氣血之宗，必貴封結，肝榮花易充，若見灰煤應死兆，如流清淚痘必順美。眼乃肝之關，若眼眶紫黑，則鼻毒攻衝，肝木受傷凶。兩眼不封，則五氣散，而痘不起，稀則不妨，瘡密而眼不封，則傷肝而枯竭。額間肺部也，痘如黃豆之疎綻，吉兆也。額鼻地閣，爲三鎖痘，若美麗，名爲狀元。額以上俱肺部，額之方廣宜空疎，左太陽屬肝，右太陽屬肺，宜空地，兩眉間宜稀少，如密則神魂飛去。雙鬢紫黑，綠者，在兩眉梢之上，可看。與兩陽相近，如痘疎朗，則六腑無虧損之失，氣血調和而吉。鼻肺竅也，鼻封須逐去，蛻蟻，言竅中生鼻毒，聚煤黑，而聲亦啞者，肺絕必死。喉咽肺之樞也，脇疼咽燥，則毒攻腸胃，而聲必啞，宜逐脾毒清肺金。玄壁腮官俱脾部，痘如金錢懸珠，則身必安放，吉慶之兆。兩天倉，在眼角之上，屬肺，兩食倉，在脣之上，屬脾，如痘稀朗，則五經傳注，無他證吉兆也。兩頤脾部也，痘出色如梅花白，形似魚鉤，脾土受傷，必多泄。

瀉難收。兩腮堆錢。則脾傷而洩瀉之危難免。宜速治之。腮頰脾部也。倒珮之形。此棄痘也。脾土崩壞。口上下唇。瘡多爲雙鎖痘。形相鎖。主不食而死。諸痘未膿熟。唇先熱。唇硬鋪板黃。則水竭而土崩之患不免。沿口起水泡。則脾封亦虛泡。而脾土壞。口脾竅也。脾脾弱也。兩食倉脾部也。痘如蠶窠。則脾氣弱。有嘔吐瀉逆之危。正額間。疎黃豆。必雙林無幾木。方爲全笑之兆。額肺部也。鼻胃部也。地閣脾部也。是名三鎮。各一顆高竦。爲狀元。鼻柱胃部也。痘如盤珠之形。最吉之徵。額額鼻地閣。爲五岳。痘形稀朗。如北斗。美麗之象。鼻準鼻冲年壽。俱胃部流裔。灰煤紫泡。俱鼻壽主凶。交骨耳邊。前一寸腎部也。痘忌遊垂。紫黑則必凶。地閣放點。不可先發。乃腎之軸也。若先發。則痘必灰煤黑陷。腎爲玄武門。兩耳腎之樞也。故作腎竅之外候。已出痘。而耳先枯萎者凶。兩耳如堆粟。及如火者亦凶。兩耳欲墮急乾枯。或耳輪爲塵痕者皆凶。耳生黑疔者。名蒙虎。凶多吉少。額臉遊垂。痘見椒皮必凶。一顴冲心氣呵欠者。必凶痘也。頤堂如椒實盤麗者。大凶之兆。水形鼻柱。蛔蟲攻敵。半死半生。鼻直如煤。少陰蒸鬱多凶。年壽紫泡。鼻壽入天門必凶。痘苗齊。而人中投轄者。凶可生。人中司命之堂。不宜有鼻壽。方廣崇高。空片者。吉之兆也。眉心廣橫。雲遮冥路者。危痘不治。兩腮地位。憑虛屬吉。左陽肝。右陽肺。張兔羅眉上。看青灰黑色。必凶之兆。項頸盤蛇。鼻壽易峻發。凶之兆。兩倉豐溢。五經自順相。爲之吉。地閣榮枝忌峻發。必可稀。痘必少。痘欲出。天柱先垂折者凶。發熱。雙唇繼血珠者必凶。鼻紅單錦。胸口繼珠者凶症。食倉窪窠。脾君受困。吐嘔數聲。凶症難治。

先大人之所示。家秘六十圖訣者。明驗面部五岳七竅諸位。及部分之出苗。以占順逆險之模範也。所謂一百六十樣者。併言偏體手足之出形也。故候痘瘡者。以面部爲第一。他處次焉。

圖位十六部面

直科辦要



推窮經
終部分
以指頭
計之則
其矩不
違又窮
察環跳
之部當
其穴幽
微而動
脈應指
頭處乃
環跳之
部也

辨七日五傳

腎心脾肝肺五者。一二日。鼻發發。傳于骨髓。二三日。傳心血脈之分。三四日。傳脾胃肌肉之分。四五日。傳肝筋之分。五六日。傳肺皮毛之表而醫焉。七八日。膿盛。漸至乾收而愈。否則必成癰癰煩劇。凡十五時。有一傳。司天以十二日爲一候。金木水火土。應五藏。三陰三陽。應六府也。

辨氣血盈虧

凡臨痘時。先觀顏色之榮枯。顏色如榮潤。氣血相旺。枯澀。氣血相衰。故熱蒸者。貴和緩而嫌寒熱。貴安靜而嫌煩躁。色者。貴紅活而嫌慘黯。貴微紅而嫌紅赤。貴光彩而嫌黑黯。苗者。貴淡紅而嫌赤紫。貴圓淨而嫌破碎。貴高聳而嫌陷伏。貴稀疎而嫌稠密。皮者。貴厚實而嫌虛薄。貴緻密而嫌滲漏。根者。貴粗緊而嫌細散。貴明潤而嫌暗澀。膿者。貴渾濁而嫌清淡。貴飽滿而嫌乾空。貴黃黑而嫌光洞。痂者。貴厚突而嫌薄塌。貴紫潤而嫌焦黑。癰者。貴桃紅而嫌粉白。貴光澤而嫌赤紫。其出要參差。其形嫌不齊。凡氣血平準。則痘分陰陽。根脚收緊。爲寔者氣也。爲虛者血也。故痘之所要。是元氣也。元氣充實。則血亦隨之。猶良將之下。無弱兵也。其理然矣。

辨四項口訣

夫氣者。陽而無形。神爲之主。故浮沉聚散。使外成窠。天圓者。陽之德也。夫血者。陰而有形。重濁象地。故灌注滋潤。使內成壘。紅活者。陰之德也。夫毒者。爲陰爲陽。而依氣血盛衰。而爲之鼻焉。若氣血衰弱。而無制毒之力。則毒氣肆虐。精燥臟腑。或水噴氣血。若火毒燔灼。則火極而兼水之化。魂魄遂歸黃泉焉。夫元氣者。爲一身之主宰。乃一元天之氣也。光明健剛者。天之元氣也。陰濕滋養者。地之精華也。故陽勝則陰虧。陰勝則陽虧。常不宜偏勝。虧久則物病。相齊則物平也。在人則胃中發生之氣也。是爲元氣之本始矣。故胃氣和而能食。則元氣固于內。

而諸症自順美也。

書云。頂尖圓便是氣。根紅活便是血。毒則痘中頂上之黑是也。血載毒。氣逐毒。痘毒依氣血而發。凡痘窠尖圓起突者。氣之充實也。根脚收緊潤澤者。血之榮養也。痘出定。而後天地位極。天地位極。而後紅白兩分。頂白根紅者。陽內而陰外也。蓋頂白者。血爲水。水化爲膿。黃轉爲黑。此毒解之徵也。蓋榮衛者。氣血之德也。氣血者。痘毒之窟也。痘毒者。氣血之賊也。榮衛之德盛。則力敵其賊。則虛舍全。榮衛之德衰。則賊肆其虐。而虛舍剝。血不能載。則毒氣不能拘。則陷。故治痘調補氣血。血生則內固。氣益則外旺也。

凡看痘。必先看元氣。元氣所在。非有非無。惟心領意會而已。如形色初善。而後變惡者。元氣內竭也。形色初惡。而後歸善者。元氣內強也。元氣本也。形色末也。故善治者。未嘗不察本末之理矣。凡看元氣之強弱。惟在觀氣血盛衰。與痘之圓陷榮枯耳。蓋面頰發黃紅白色。及唇舌紅潤者。即五行之精華。發見肌標。而氣血相旺。元氣固內之驗也。是爲以外知內之圭臬矣。凡痘稟賦虛弱。而表裏共虛。臨局而熱微毒稀。易出易長。已至起發之期。不能播續氣血。而出瘡平塌。失綻突之勢。初善而後變惡者。神元不足故也。若稟賦氣血並壯厚。則痘雖爲初熱所困。而出瘡凶險。至六七日。多有起鬆鮮明者。是素脾胃壯健。而神元固內故也。凡治痘。先以形色候外。以唇舌候內。是常理也。乃於其際。拋出精力。以辨認之。則心通于神。諸症熙熙。宛在目中矣。凡窠頂堅厚光壯者。氣之足也。根暈潤澤。肌肉明榮者。血之足也。內外俱無壅滯。則諸症順美。反之。險逆二症並見矣。

辨神氣口訣

書云。時醫之見。泥于形色。不知形色變遷。由內症故。外症雖輕。內則神氣昏亂。睡臥不安。飲食不入。夾症疊出。頓將生變。凡五臟之氣實。則五內七竅。共壯實。五神精華。發見于外。而神明活動者。謂之神氣。心肝脾肺腎。位于內。

耳目口鼻位于外。合之爲九神。卽精華也。所謂形色者。言痘瘡也。臨期而內症平。則變呈吉。內症不平。則變爲凶。故治痘之要在察九神之微妙耳。又候痘有痘神。氣神。形神之秘訣。痘神者。痘出而成分珠。尖圓明潤。根暈紅活。勃勃發鼎峻之勢者。謂之有痘神也。反之。頂陷平塌。根血散闊。乾涸枯萎者。無痘神也。氣神者。心清爽快。寢食無故。其所意願。不異于常。言語對于人。事物應于心者。謂之有氣神也。反之。譫語妄談。心志昏亂。終日無安放者。無氣神也。形神者。身體溫和。起居安靜。手脈屈伸。痛痒忍其苦。二便覺其時。衣被自節厚薄。房中自避風寒者。謂之有形神也。反之。過身不護。手足無所安措。躁亂非常。捨衣摸牀。面顏慘黯。及天柱折。搖頭弄舌者。無形神也。苟備三神。則諸症順美。不藥自痊。若失三神。則凶險必立至焉。蓋痘粒輕少。而神氣昏亂者。本爲稟賦之虛故也。一發熱面赤。白。反膚柔弱。神情懶倦。飲食減少。大便易泄。氣血衰弱。不能送毒驟達于肌。標而放留遲滯不齊。則凶惡疊出。速將告變矣。

痘毒停留臟腑。擾平神氣。則痘標雖輕。其毒不能盡泄于外。將反攻于內矣。或火毒未解。亢盛于中。則神氣爲之不安。故不旋踵。將變爲枯涸矣。蓋痘毒壅鬱臟腑。則五神困于內。故煩躁悶亂。二便秘澀。寢食不寧。而夾症並起。益擾神明。如與托裏解毒之劑。而不鬆突。則內攻之兆將至矣。或痘出至三四日。而火毒未解。鼻炎亢盛。五內燔燥。而內外乾涸。則出落乾紅。或乾滯焦紫。頂陷不鬆。但神氣爲火熱昏憤。無暫安放。若唇舌赤色。中央白胎。如積粉。二便秘結者。內實也。急與清涼攻下之劑。若唇舌滋潤者。又宜別議矣。若外症雖重。內則神氣清爽。睡臥安寧。此卽毒已出于臟腑。或爲鬱熱不疎。或爲風寒外襲。致毒停留肌肉之間。不能盡達于標。故痘或不起。腰。指五或不成漿。指八日或氣血未交。毒亦不化。以藥攻之。則復能振起。或發腫毒。或作臭爛。而收功焉。以此觀之。形色其爲可泥哉。故特與氣。痘之本也。形與色。痘之標也。苟不辨標本而治之。則譬如治絲益棼。焉得使患者霍然起也乎。

凡外症重者。言出瘡稠密者。然神氣爽快。瘦食無故。則五藏六府。共無壅滯也。但毒熱壅滯。風寒襲外。而毛竅不疎。故毒停乎肌肉之間。而不盡發見也。急以托裏攻裏劑發之。則內外自解。瘡自峻爽。如至七日。而氣血不交。則不應漿。不應漿。則必不可為矣。又虛弱之痘症。至五六日。熱毒不全解者。以清補之味治之。至七日。而漿未起者。急宜溫補氣血。使漿提起。若熱毒未盡解者。於補托之中。加清涼。是即治痘之權衡也。若至九日。膿漿未充實者。餘毒鬱伏於肌肉皮毛之間。然胃氣壯健能食者。至十日後。發膿毒。或作臭爛。而得生者。十中六七。夫推究治痘之妙境。則以唇舌對于內。以形色察于外。為大緊要。雖然。是非人之所能知焉。況乃至變通之玄微。以形色候內。以唇舌候外者乎。夫然後赤水之珠。不待問象。而可探得也爾。

痘科辨要卷二

京都醫官痘疹
科兼醫學教授

池田獨美瑞仙著

土佐

小松久吾直親

男 瑞啓

參

門人

播磨

赤堀通珉宗綱

校

男 瑞英

訂

周防

都野道意以親

辨四節八證

夫人苟不一心專精。則雖小事。不能通其妙處。秋之於莠。庖丁之於牛。亦唯一心專結之所致也。況乃司命之官。制死活於一匙中者。其可以忽諸。大凡治痘之要。在於詳察八證。明辨四節。此二者。慎不可紊也。四節者何也。蓋痘瘡象乎天時。期十有二日。以日代月。以象一歲。三日一轉。分爲四節。以象四時。而生長收藏之令行焉。見苗三日。春之令也。言一二起脹三日。夏之令也。言四五灌漿三日。秋之令也。言七八收靨三日。冬之令也。言十一合十二日。以爲定期矣。夫痘聖瘡也。其變化難測。其勢若燃眉。其變如反掌。故驗認形色與唇舌。以探八症四節之妙境。而究陰陽虛實之玄機。是治未病之軌轍也。故業醫者。不明其常。則終始失治。不通其變。則巧無所施。必詳節次。以爲施治之繩墨。又驗唇舌。以爲用藥之樞紐。藥從舌而轉。證應期而愈。期有四節。藥有四法。故一二日。宜升陽散鬱。如升麻葛根湯。惺惺散之類。三四日。宜清熱解毒。如神功散。十神解毒湯之類。屬虛者。宜升陽補中。保元四君之加減。五六日。則驗唇舌之紅下。以辨之。七八九日。宜托裏行漿。如內托散。大保元湯之類。十一二日。以收斂爲貴。宜補脾滲濕。和諸氣血。通利小便。如保嬰百補湯。小蓮翹飲之類。是痘家之常法也。夫痘有先期而速。有後期而遲者。豈可執一以治之哉。若有不應四法者。是必三因所致也。凡六氣外感爲外因。驚恐內動爲

內因。調攝失宜爲不內外因。夫四法正也。三因奇也。奇正互投。經變相濟。則其治痘。如運諸掌矣。袁氏痘疹全書曰。痘之形狀。一百六十樣。是謂苗形也。非謂痘證也。鄭氏痘經。以表裏虛實表虛爲四證。朱氏因而益之。以毒壅血熱氣虛血虛。通爲八證。所謂一百六十樣。則在其中矣。凡八證。一百六十品。痘之證候備矣。然痘之爲症。休咎無常。機變不測。吾曼公先生。精窮其理。乃撰次八舌八唇之妙訣。以大盡其變。然後治痘之術。無復餘蘊也。余既以世傳先生之術。頗有曉斯技之妙。常慨其傳之不弘。而先業之無嗣矣。故茲擢其秘錄。撰次作八證辨略。述其梗槩。以告後學。若夫唇舌精微。余門別有舌鑑。而其奧必俟口授。非筆力所得而傳之也。

辨毒癰生痘證

發始身熱如灼。放苗稠密。不尖不鬆。形似針頭瓊屑。而爲片爲塊。或肉色慘黯。隱躍皮膚。欲出未出。或帶深紅。漸變焦紫。或連肉鋪紅。大熱不退。至齊而猶不齊。煩燥悶渴。肌膚不潤澤者。此痘毒內壅。火鬱不散也。其治在陽明之標。先用升陽散鬱。開提毛竅。取微汗爲要。蓋表和則裏自寬。火鬱解。則痘得盡顯於肌表。而內壅自散。標瘡順軌。易以成功。透發之機。在此一時。若失其機。而驟治則鼻毒之勢。延蔓難出。朱氏曰。其始治毒火。中治實火。終治虛火。此之謂也。

辨血熱痘證

發始身發壯熱。腮紅臉赤。毛焦色枯。將出未出。痘點深紅。瘡色與肉色俱赤紅。或放苗嫩發。乾紅紫艷。先現赤色。倏變紫黑。頂陷不鬆。夾疔夾斑。至三四日。口燭氣粗。睡臥不寧。小便赤澀。大便不利。唇舌赤紫。無胎而熱者。血熱也。蓋痘症屬氣虛血實者。固多矣。凡熱毒熾盛。則血爲之泛溢。妄乘氣位。色如紅霞。氣亦無制血之力。熱毒彌盛。而無所分消。只宜重用升提發散。使毒得達表。而從外解。引以蟄泄。使熱得瀉下。而從內消。佐以清涼消毒。行血

涼血之劑。則雖稠密亦能消散。易於易化。若妄投峻涼。則痘成冰硬。誤投參芪。則毒爲蘊蓄。焦枯黑陷。至不可救。費氏曰。治血熱無氣虛。此之謂也。

辨氣虛痘證

發始身熱悠悠。乍熱乍涼。肌慢神倦。遍體汗出。面色晄白。眼眶虛浮。睡中微悸。或發驚搐。目睛上吊。呵欠頻聞。嘔頻起。頭溫足冷。飲食減少。口渴不飲。嘔吐便澀。小水清利。痘點方現。隱隱不振。淡紅皮薄。頂陷不起。摸不礙手。或雖鮮明。根脚不收。疎地如寒栗豎起。枯澀不活動。至三四日。陸續不齊。此元氣虛弱。不能送毒達于皮膚也。一二日宜微補其氣。氣和則痘出自快。若至出齊。猶不齊者。急以升陽補中。微加桂與之。元氣內實。則痘出不致內攻。若妄用攻表解毒。則氣血愈虛。至不可救矣。初發最宜以補氣實之。勿驟投升麻葛根湯。敗毒散之類。蓋法當以補氣爲要。補血次之。翁氏曰。氣虛不補則必死。此之謂也。

辨血虛痘證

發始身強微熱。面色青晄白。皮膚潤。肌肉萎。外見青筋。及兩耳鼻準俱青白。痘點色淡影影。根暈淡白。根闊脚寬。痘色與疎地一般無異。兩目彷徨。小便清白。大便秘澀。神靜氣倦。唇舌淡白滑潤者。血虛也。凡治血虛痘證。先依氣虛例治之。今治血虛。而補氣不補血者何也。夫氣有神而無形。補之則易充盈。血有形而無神。補之而難收效。氣陽而血陰。陰從陽而血從氣。故氣衰則血亦從之而虛。氣旺則血亦從之而實。況補血之藥。皆雖能潤燥。而過用之。則滑腸大便澀泄。標瘡平陷。倒塌之勢。立至焉。故謂治血虛。以補氣爲要。補血次之。經曰。急則補氣。緩則補血。此之謂也。

辨表實痘證

發始身熱。燔灼如炙。肌膚乾炮。頭痛如裂。惡熱無汗。皮燥毛焦。煩渴引飲。口氣如火。兩額乾紅。耳目俱赤。眼張如怒。喘滿氣急。身體疼痛。啼聲日夜不絕。或腰腹時痛。眉宇不宣。或脈惕筋抽。如欲搐之狀。痘苗隱隱于皮下。累日不見不起。而紫紅紫黯。乾枯不鬆。或陸續出來。後期不進。有此等之證候者。必身無暫安時。是爲表實。急當以發散透肌之劑。先發其汗。開提毛竅。使痘有出路。不則凶惡疊出。悔至噬臍。如誤用黃芪。則腠理一密。瘡無出路。鬱伏不出。其死可翹足而俟矣。胡氏曰。初發不可切用黃芪。此之謂也。

辨表虛痘證

發始身熱如爐。頭汗如蒸。手足似濡。痘苗已呈。色淡脚弱。易出易長。一齊湧出。肥大明亮。而皮薄似於嬌脆。至二三日。顏面虛浮。先期進速。微熱畏風寒。時呵欠。時噴嚏。二便清調。神情昏憤。睡臥安靜。色雖鮮明。而根脚不實者。表虛也。大抵表虛。必屬陽虛氣虛也。凡表虛痘證。毛竅疎鬆。陽氣從汗而泄。故忌用清涼發散解毒之劑。惟宜參芪飲加減。或加減補中之類。實表補氣。只以辨認不差爲要。如誤失治。則以實攻虛。誤人不少。或至漿期。皮薄水泡清淡。或爲斑爛漏痘痒塌之患。而至不可救。翁氏曰。表虛痘症。易出難收。此之謂也。

辨裏虛痘證

發始身熱。頭溫足冷。自汗微微。面青皖白。精神倦怠。時時呵欠。飲食減少。大便易澀。小便清白。或吐利並起。或嘔食不化。或瀉利青穀。或口不渴。便泄嗜眠。並起居安靜。痘苗雖成分珠。而頂陷。或粟粒不鬆突。根暈不束領。邪邪不長者。此皆裏虛也。其治以補血爲主。補氣次之。蓋補氣血。則脾胃自壯健。而三四日後。又無陷伏之患。不可必拘在初當發之說。首尾宜用補益溫補之劑。隨其證之輕重。而參酌之。其痘色以轉紅活爲善。若補湯太過。則致虛輕變實。當以痘色與唇舌詳辨之。翁氏曰。虛症變實者。非真實也。是病淺而用藥過深之失也。凡逢此證者。先

用平劑。暫時待之。以審詳陰陽虛實。而後施治。蓋痘證氣不及則陷。血不及則塌。氣過則泡。血過則斑。始終以氣血和平爲貴。魏氏曰。氣盛則泡。血盛則斑。此之謂也。

辨裏實痘證

發始遍身。大熱如蒸。前板齒乾燥。血絲鼻孔乾黑。口氣如火。兩耳如塗朱。白睛似瀉血。面頰紅赤。或紫黯。毛枯皮燥。時惡寒時惡熱。無汗肌膚乾細。大便秘結。小便赤澀。煩渴引飲。乾嘔狂悖。譫語狂亂。如見鬼狀。熱入膀胱。則小水如紅花膏。或如鮫魚汗。痘點已出。紫黯乾紅。曾不懸突。或隱躍於皮下。逐漸紫赤焦腐者。裏實俱熱實也。若伏火伏毒。燥灸於內。則鼻毒壅遏肌肉。不能發透。或有面眼兩耳如火者。或有面脫白。口內黑氣如煤者。或有頭面如火。手足如水者。或有皮膚乾紅。痘點如水珠者。或有唇舌赤紫。乾燥欲裂者。或有唇裂舌胎如積粉者。其形狀多端。不可備指。餘可推而知也。是爲裏實。而表肌不和之證也。其治在陽明之本。宜急用清涼攻下之劑。以利爲度。若不早圖。則必有失血喘滿之患。謬投攻表之劑。則三日若六日而死。不可必泥在初當發之說。如下後內外懸解。痘出快者。隨症治之。胡氏曰。裏實不泄必死。此之謂也。

辨順痘不服藥

發始見苗之時。面頰微紅。而無黯色枯滯。皮膚潮潤。磊落出來。形尖圓色淡紅。肥澤明亮。頭面胸背俱少。放苗先起口角兩腮。二三聯綴。痘出熱減。諸症自退。神氣爽快。飲食如常。二便無故。易齊易長。無諸雜證者。必順美之徵也。不藥自愈。凡治稀痘。有三禁之戒。勿清涼。勿攻發。勿解毒。謂之三禁。氣血壯者。其毒易化易消。不待服藥而自愈。若妄施治。則紊亂氣血。而失鎮載之功也。若參芪太過。則不膿成水泡。芎歸地黃太過。則赤色發斑毒。尤若過用。則瘡乾涸不漿。要之溫補過用。則發餘毒。若強欲服藥。則藥性不寒不熱者可也。如五味異功散。加當歸桔梗。

一大匕之類。其首尾順症。則當用此湯。不可易方。至十日後。於補脾滲濕中。微加解毒之味。以省餘毒有無。是亦宜小速輕飲。醫者不可不知也。

辨熱毒壅遏肌肉痘不發透治例

初發見苗之時。大熱如燎。放點赤色。顯腮紅赤。隱隱皮下。欲出不出。及遍身如堆粟。或粟粒不鮮明。既至三日。而不齊出。此痘毒壅遏於肌肉。火毒不能發越于外。故表裏俱病也。急宜發表開提。以升麻葛根湯。或羌活散。或麻黃解毒湯之類。從其輕重與之。蓋陽氣升。則毛竅透。毛竅透。則毒自臟腑出。而達于肌表。火鬱散。則痘得盡顯于皮毛。內毒自通。若輕治之。則其毒不留滯於裏。或停粘肌肉。雖有良方。難以成功。起痘之機。在此一着手矣。其歸重者。在陽明之標。其所用者。皆陽明之標藥也。此際切忌寒涼。使痘冰伏。并遠辛熱。恐痘枯涸也。必用清輕之劑。使痘有生發之機。方無變證。此初一節之成法也。若放苗位已定。則亦宜斟酌焉。古人有言。痘場援以手者。權也。治痘不可不知此意也。

辨表虛氣虛血虛內虛治例

初發身熱悠悠。肌膚錄嫩。自汗微微。乍涼乍熱。精神困倦。面晄白。飲食減少。頭溫足冷。嘔吐便瀉。痘點方見。隱隱不顯。淡紅皮薄。三四日來。陸續不齊。難長大者。則氣虛也。氣虛則不能載毒達外。故不問已出未出諸症。急以保元湯。加紫蘇白芷防風治之。見點位定之後。本方加川芎桔梗與之。若見內虛證候者。宜加減益氣湯。或人參白朮散。使其元氣內實。調養脾胃。諸向外出。不致內攻。縱雖血虛痘證。勿妄投滋補之藥。滋補太過。則病未愈。而腸滑有大便洩泄之患。蓋諸虛痘證。率皆依氣虛例治之。故自發始。確爲虛證者。不宜投升麻葛根湯。人參敗毒湯。惺惺散。參蘇飲。黃連解毒湯之類也。

辨血熱血實血毒治例

夫血爲陰。重濁象地。必資輕清之氣。以滋養一身。故見其虛。則無證爲實。見其實。則無證爲虛。所謂治血熱無氣虛。其理明矣。蓋血熱證。熱毒壅盛。而毒氣無所分消也。只宜以十神解毒湯升發之。蓋血實者。其治同于血熱矣。又痘疹而血陷不起者。是氣虛而不能領至其血。血寒不行也。急宜補其氣。獨血毒者。發始毒熾。血熱。色深紅不潤。肌肉慘澹。煩燥悶渴。二便秘。腹膨脹。大熱不退。三四日期。誤失清解。則毒愈枯。不能上升而運化。血悍自聚。毒陷血中。爲紫變黑。如至黑陷。則乾枯焦黑。致不救矣。凡隨證之輕重。急宜以清涼消毒。行血活血之劑治之矣。若毒火衝突血分。或成血毒。或成血瘕。循經界地不分。鋪紅肆溢。眼赤如朱。或迫血妄行。有從口鼻而出。有從大小便而出。有鮮血數升從上下而出。有從九竅而出。有從癰瘡之頂而出。其痘或嫩紅。或紫艷。或發血泡。或發紫泡。或發疔斑。身熱蒸熱煩渴。二便秘。舌赤紫乾燥者。陰血爲毒火所煎熬。而失其榮潤。細著肌肉。而蝕正氣也。故急宜峻瀉血中之火。清毒活血。涼血攻毒。飲之類可也。諸書多載九竅走血者。皆絕證也。然亦費氏有言。非棄之。有屬可治者。涼血攻毒。飲主之。此證希如晨星。瘰癧者宜驗諸。

辨火極治例

發始身體大熱。燔灼。口氣如火。兩耳灼熱。兩睛瀝血。口渴煩燥。悶亂時如狂妄。氣粗聲啞。喘急不寢。面目浮腫。舌上生胎。及唇裂舌炕。此舌三焦。白胎通明。中二便秘結。毛焦皮燥。肌膚火熱。是謂純陽無陰。若爲火極明。則尖黃黑胎。焦燥者是也。宜急下之。連則不能轉旋。三日即死矣。惡熱者單下之。惡寒者雙解之。皆以胎減爲度。切不可拘在初發之觀也。宜用十神解毒湯。加石膏大黃。或清涼攻毒。飲之類。此證百中一二。不可執以爲常。若下後裏已寬。而肌熱未解。或泄瀉不止。或痘不現者。並續以升麻葛根湯。或錢氏白朮散之類。若下後內外鬆解。而痘出快者。宜忌升散。

亦不必清熱解毒。若初起之。或與升散。是故促趨乎黃泉也。如唇舌滋潤者。雖見急證。尤忌妄下。不可不慎矣。

辨雖利而可下治例

初發火燭大盛。原非積熱之證。既行升散之後。出齊之期。而有煩燥悶亂。乾嘔燥渴不食。譫語狂言。唇舌胎如粉。眼怒腹脹。或大便秘結。或利青黃汁水。加之身熱乾涸。痘色焦紫者。四五日之間。以涼膈散。加蜜下之。以救陰氣。下後唇舌滋潤者。六日後。宜溫補之。若熱毒鬱積腸胃。則面頰如火。手足如水。時腹痛利膿血。或有利如漆。如膠數合者。如唇燥舌胎。如積粉者。宜清涼攻毒。飲主之。如唇舌赤紫。無胎而燥裂者。宜涼血攻毒。飲主之。如自發始。便秘失下。七日後。乃變澀澀。標瘡平陷不漿。則必死矣。是四五日期。而失下之過也。行下雖遲。不過六日矣。俞氏曰。先泄者後結生。先結者後泄死。蓋以脾濕不解之故也。

辨熱毒已解相繼用溫補治例

初發熱毒太甚。則先宜以升提發散而透之。至三四日。火燭彌盛。身體煩燥如炙。煩燥悶渴。無暫安放。先用峻涼清火之劑。至四五日。內火漸退。裏證略和。痘色未鬆。舌胎滑潤者。必勿太過峻涼之藥。恐致內傷脾胃。外冰肌肉。脾胃一受傷損。澀澀頻頻。忽變虛寒。至六七日。肌肉冰硬。則痘囊失綻突之勢。及七八日。而不充肥。則不離變。欲倒陷。是熱證變虛。其速如反掌矣。大凡五六日期。而便一泄。則熱氣自散。神氣自虛。是痘證之常也。故驗唇舌紅白。與胎之潤燥。於此虛幾不可補。毒幾不可清。所爭在子一線之微。容少時緩之。以待其機之判。膽力不雄。先迷向往之路。雖外症未盡除去。已知爲內虛。急與參芪丁桂附之輩。宜溫養脾胃。如鐵見不真。遂歸廢弛之地。故虛寒既徹透于表裏。則雖用峻補。不可及矣。如不曉熱毒已解。而失溫補之機。則致痘毒陷伏。所謂用藥勿省。寒用熱勿省熱。此之謂也。

辨虛實不切脈審內外之證

張實賓曰。按人身以脈為主。三部九候。脈之源也。七表八裏。脈之流也。傷寒諸證。非切脈。不能以探其源。而痘之一證。徒驗其外。而不切其脈。其故何歟。曰。珠產于合浦。欲求夜光者。必入其窟。玉出于崑岡。欲得連城者。必詣其地。痘之不切脈者。非脈之不可據也。蓋病自外發者。如風寒暑濕之感。病自內傷者。如飲食憂勞之所成。若不診切。焉得其詳。痘乃稟受形賦之時。吉凶已判。內重者外亦重。內輕者外亦輕。故鑿形辨色。預知其悔吝之機。範實測臬。深得其死生之奧。不必切其脈。而存亡得失。已炳然矣。痘疹要訣曰。範實謂推明其部位之精微輕重。先吉凶生死者也。

曼公戴先生所傳。候痘之法曰。蓋嬰童一熱。現一點血。先詳肌膚榮枯。而一觀其形。二察其色。三驗唇舌。是為治痘之準繩。此外無復餘蘊矣。蓋痘者。胎元無形之毒。積日延蔓。以呈其證。本正病也。比之雜病大異。故治法亦異也。治術亦殊也。其證自裏達表。裏陰也。表陽也。故陰病發于陽者生。陰病發于陰者死。血陰也。氣陽也。陽道易化。陰道易鬱。故毒發氣中者生。毒發血中者死。而脈首尾見陽脈者順。見陰脈者逆。所謂驗唇舌。而不切脈者。其證與脈大異故也。若到中間期。內寒綿綿。却見陽脈者。陰病發于標故也。若痘見陰脈。則陰病發於陰故死。缺曰。臨痘勿論脈之陰陽。宜詳其內外之症。及唇舌之紅白。以為施治之準。如以脈施治。則難任溫補。難任清涼。識見不真。則惑焉。治痘之要。但在於研精陰陽盈虧之至微。提挈唇舌。以為綱領。此乃用藥之權衡也。

辨痘經用藥調養法七條

鄭氏曰。痘瘡熱蒸。毛竅俱開。寒暑易於感冒。故寒月勿使寒氣襲之。暑月勿使熱氣襲之。雖然。庸醫有以寒月用烈火于房內。薰蒸痘兒。使痘長發。致兒燥渴瘁壞而死者。又有以暑月縱冷飲風涼。致表裏感寒。痘反陷伏而

危者。是皆偏勝之害也。

又曰。製砂法。用辰砂爲末飛過。再用麻黃荔枝殼煎。濃汁濾淨。再入辰砂末。同煎乾晒過。聽用。多則三五分爲度。正氣弱者勿用。蓋砂能泄心氣。世人發熱。便預服朱砂辰砂。致痘沉伏不起。斯可鑒矣。

又曰。至於飲食。則不可失餓過飽。如脾胃所好。有不宜者。但少與之。以順其意。不可禁固。使之忿怒。反緣火邪。亦不可過縱。致生他病。痘本稱熱病。十常九渴。世依陳氏禁水。致渴死者千萬。深可哀痛矣。

又曰。痘家最忌房事月婦。腋氣外人。孝服及醉酒。穢腥硫黃。蚊煙燒髮。溝穢糞土。殺性諸般臭血。蓋血氣聞香則順。聞臭則逆故也。亦不可以此之故。常使蒼朮香煙氤氳。反致悶蔽變證。又不宜對面梳頭。不宜掃房內。睡時不可驚擾。恐傷精神。乳母經來。易衣佩香囊。

又曰。小兒多不肯服藥。故用藥宜大劑濃煎。惟用頭服。則藥力能勝病矣。又云。病深藥淺。不能去病。病淺藥深。真氣受傷。煎藥每兩。用水二碗。煎五分。以此爲例。

又曰。煎藥之法。原有經權。大約補藥一兩。用水二罐煎五分。利藥一兩。用水一罐煎六分。是痘家常度也。然兒幼者。藥不得盡劑。如一劑五六錢。則於補藥。用水八分煎三分。利藥。用水八分煎五分。在人括變善用。所謂大劑濃煎。補不厭熱。利不嫌生者也。

又曰。人身元氣爲母。胃氣爲子。胃納香而忌臭。逆之則胃氣不暢。子能令母虛。故四黃散。人牙散。皆不可用。蓋穢濁之物。痘中最忌。人服貓糞則耳聾。人服犬屎則痞不消。人牙則咀嚼百物。極毒猛烈。兒胃脆弱。難堪其勢。故二方棄而不用也。

痘疹心印曰。虛弱之痘證。用人牙散。則痘必爲斑爛。以其勢猛峻也。禁不可輕用。古法雖備錄之。醫家宜慎戒之。

矣。

辨用毒藥攻毒

管氏保赤曰。世有見痘不起。以蠱魚腥貼。毛血牙骨。鱗角等毒藥。以發之。謂其以毒攻毒也。殊不知毒藥損人元氣。元氣既伐。毒亦愈熾。加酷烈之性。復爲內攻。更有何法。以救之哉。雖萬有一中。此乃兒輩本厚者耳。不可爲常例。余往往看世間嬰童未痘者。一熱不問爲何證。概用一角。愚以爲大謬矣。蓋痘證雖火毒所致。而身熱一發。其內自虛。腠理開通。汗出而後痘瘡始見。是常例也。所謂順者。不服藥自愈。其或內外實者。火毒鬱伏。不能發透。毛竅緻密無汗。或發或解。若毒瘰血熱者。先以清涼解毒涼血活血之劑治之。不得已。則用一角可也。不用亦可也。宜相時隨症。一角何必專用之事焉。夫一角者。骨之餘。其性寒。其勢猛。等入牙四黃之屬。故虛弱之人服之。難堪其勢。凡痘症極寒。無可用之藥。極惡。無可治之方。其險者。在可死可生之界。若認認投之。大傷人命。大抵痘瘡。先實後虛者多。先虛後實者少。如自發始。虛證繁多者。切勿與一角。以實攻虛。豈有可救之理哉。夫猛烈之藥服之。折神元。敗脾胃。損傷血肉。若胃氣一受傷。則內氣敗壞。滯泄不禁。標瘡平陷倒壘。其勢如反掌。若至焚期。而內虛甚者。不免利青黃。或寒戰咬牙。及內攻外刺之患。當此時雖大補氣血。終無益矣。世醫好妄投之。而令痘兒夭札甚多。實父母之過也。業醫者。宜鑑之矣。

辨廣東人參

我邦自享保年中。有一種稱廣東人參者。人不詳其產處。嘗按本草綱目。有山漆者。張受孔醫便。謂之金不換三七云。能治血症。其味似人參。今所謂廣東人參者。與古三七形狀相類。而氣味功能亦相似。疑是其屬。敢用諸血症。奏功太速。亡友醫官桂川甫周。嘗謂余曰。寬政戊午春。荷蘭入貢。余依例。與使人對語。其次質問方法。手術及

藥物其醫列得吉云。貴邦稱廣東人參者。原出北亞墨利加玉兒。古西土謂之亞墨利加人參。我曹得而致之廣東。但未能躬涉其土。欲求生苗種子。而無因焉。此藥廣東人甚貴重之。以貨換之。再轉鬻我邦。故邦人謂之廣東人參。往往驗之雜病。乃凝血之藥也。其功與韓參不同。能燠血。凡大人小兒。諸走血。或金瘡流血。或血痺血勞。或婦人產後諸症。或痘中經水先期而至。及變崩漏。榮血愈脫。瘡色忽然灰白平塌不漿者。其功如神。雖然。痘之一症。異於雜病。大抵氣不足。血有餘之體甚多。血熱。血實。血毒。是也。若不顧者。驟過用之。陰血凝滯。泛溢肌肉之間。頻血熱血毒。或出瘡赤色。嫩發如火。或作疔斑。或乾枯焦黑。乍發癢痒。外刺內攻之患立至焉。雖偶有所生者。而餘毒遷變引日。至危篤者多。是皆不詳其體。而妄用之。令氣血凝結之失也。藥醫者。不可不知也。若見虛寒之症候者。只宜將國產之官揀參。濃煎用之。勝夫假韓參之名。而誤生者矣。

辨清涼溫補之衷

夫天地以陰陽爲紀。以五運六氣爲綱。運有大小。大運六十年而一周。小運一年而一周。歲有太過不及。氣運遷變無窮極矣。是故古今痘疹之方法。亦各隨其氣運而作焉。蓋錢仲陽費建中。俱因大運立言。故聚主寒涼解毒。而少用溫補。陳文中森久吾。俱因小運立言。故專主托裏溫補。而少用解毒。可謂俱有偏勝之失矣。要之察陰陽虛實之變。而悟痘厄之的。合乎五運。則治痘無不中綏矣。雖然。余自寶曆年間。至於今日。親痘不下乎數千人。其與托裏補益之劑。十中常餘六七。與清涼攻利之劑。十中不過二三耳。若夫鼻炎爛灼。二便秘結。唇舌赤色者。爲貴清涼攻利之峻。虛證繁多。餘症平準者。爲貴托裏補益之常。但病無定證。方無常策。不可拘拘執一。辨認氣血盈虧之至理。隨症治之。爲良醫之手段矣。且據傷寒諸證。古今同其規則。至遺世殊其治。且考古今之治。有年季相同。有方法相違。錢氏宋熙寧中人。費氏清乾隆年間人。熙寧乾隆相去。凡八百餘年。然二子所據相同。其以大

運主焉。陳氏宋淳祐年中人。孫氏明萬曆年間人。淳祐萬曆相距凡七百餘年。然二子所據相同。其以小運主焉。夫大運者。積歲既久。五運四節。互有緩急。故歲氣順逆之變。累累積至爲彼凶年。是必然之理也。是故歲位主少陽相火。太陽寒水之歲。則人悉感燥熱之瘴氣。其病必熱。是固歲氣之所以令然也。即因大運治之可也。夫小運者。積日不多。雖有風氣相違。亦不失其常理。故守其常而合其變以治之。則何過不及之失之有。而今治痘者。不究事實之明鑑。妄懷偏辟之陋心。往往多用清涼攻利之劑。不知用之之過。氣血虛耗。不能收功。遂陷黃泉者。不少也。雖乃天稟素厚之兒。不幸遇此庸醫。詎得免非命之夭哉。嗟我邦數百年來。無一人顧及此失者。故余備錄于此。以示門人受業者。雖然。非志此術之至深。則安知此言之不誣。亦唯俟千載之子雲也爾。

先君嘗示。治痘須知大運輸。始出費德對教偏瑣言。而及其自序所言。尤爲詳審。其略云。民病固因六氣而轉。六氣之運。本陰陽太乙而分。時行物生。寒暑代謝。陰陽在歲位也。終持歲紀。充積其數。陰陽有大運也。必甲子一周。而一氣之大成始伏。將來乃進。自不規規於歲位。而得滿充積之數者。是則民病之改易其應大運可知。蓋大可以覆小。小難以該大。萬化皆然。逐年歲氣。大運之散殊也。計歲位而紛更者。不明運氣之大局也。執一局而不移者。更令造物無陰陽。化工無運氣矣。往昔痘多虛寒。大運在寒水也。今多烈毒。大運在相火也。相火之爲令最厲。民病多暴。邪陽烈毒。亢極似水。惟此運焉然。痘值其運。無惑乎。血熱更多惡暴。間有氣虛。陽中之陰。終非昔之虛寒並例。往昔事無血熱。陰中之陽。終非今之烈毒等象。乃知痘之不同。出自陰陽。而陽在相火。更見獨異。無論與濕土寒水陰陽殊絕。即如風木。木爲火母。風且動焉。非純陽之自平。雖火令有待。而陽局蓋之。是將乘未乘之象也。如燥金。金屬秋陽。燥因火至。非純陽之後平。雖盛餘必謝。而火局猶存。是將除未除之象也。二氣不得與亢陽比擬。猶謂其陰陽之界耳。乃若君火。旺夏而衆難。數榮暢茂。物皆賴焉。火故名君。純陽

得令之象。若過而及熾。不幾與亢陽無別。然君火雖熾。水一制。而正令即可復也。相火獨異焉者。大虛之邪陽。不藉木生。不受水制。五行常道不能關其局者。應痘烈毒如斯。令不禦之於格外。垂斃何挽。是道不求合運氣。總以四大機關。一一探求。而參合之。速知病裏之所在。便覺運氣之所致。不求合而自冥合。得其時措之宜。操縱惟我。人見焉異。我得其常。亦何偏之足云。神理不踰常道。惟在會心者得之。余之妄作。恐在暗中摸索。此費氏追補之文。學者所當參考也。然而虛本陰病。其治常宜溫補。萬古之通論也。法曰。痘出七日。氣血送毒。悉出肌表。以此日爲界限之期。內必空虛。空虛則靜。靜則生寒。又曰。血化爲水。水化爲膿。膿者生。不膿者死。膿之約。後多實。膿之盡。後必虛。皆所謂所以宜溫補者。而歲運在陽時。猶當不離此常理。矧時運在陰乎。費氏其非不知之者。彼專在以偏救偏而已。後學不會微意。妄執殺人。實亦費氏之罪人也。汝徒當靜思焉。此齋筆數年所佩服。而及觀本條論運氣。既述此大義。錯謬亦多。蓋因生徒妄作。確豈可不辨哉。其曰錢費因大運。故舉主寒涼解毒。陳壽因小運。故專主托裏溫補。此似以大運直爲陽運。以小運直爲陰運者。殊不知大運小運。各自有陰陽。大小之名。始非陰陽之別。此蓋不知費氏者之言耳。抑與篇首謂大運六十年而一周。小運一年而一周者。亦相抵牾。決非先君之筆也。再觀凡例云。凡痘疹必因歲氣。故今舉前哲歲氣說一二。而今篇中併無載前人歲氣說。及考初稿本。乃有辨歲氣一篇。舉朱噓萬。大都症候相似。氣運令然也。同時同地。一槩無異。非氣運而何。大乾個者。火勝勝。吐瀉肉腫者。土勝勝。枯燥喘促。金勝勝。彼此擬伏。水勝勝。鬱而不出。木勝勝。火勝勝。之土勝平之。金勝潤之。水勝溫之。木勝發之。書云。責之於症。不必求之于經。其此之謂歟。及費氏前文。此正與凡例所言者符。而其篇末有附折清涼溫補之表一篇。及以與本條比較。大有異同。如上層所注。觀者請詳察焉。

痘科辨要卷二

東都醫官痘疹
科兼書事教諭

池田獨美瑞仙著

男 瑞啓 參 門人
男 瑞英 訂

長門能美玄順安和
平戶日高遊齋彦和
仙臺竹中道穩玄暢 校

辨發熱三日順險逆證

夫物有其機。事有其聯。君子見微以知其顯。見幽以知其闇。若待理判勢決。然後知之。則是肉眼也。不足共語此術之盡也矣。

順證勿服藥

一凡小兒皮膚堅厚。瘦黑光彩。此骨勝肉也。見其眼中。神光如秋水澄清。而唇舌紅潤。或滋潤。或潔淨者吉。此氣血兩盛。痘出必輕。若肌肉浮脆。而肥白者。此肉勝骨也。見其目中。光浮多白不明。兼之多痰多火者凶。此氣血兩虛。痘出必重。

一身熱和緩。或進或退。神清氣爽。飲食二便如常。無雜症者吉。

一初熱先發驚。隨痘出而驚自緩者吉。以痘從心經而出也。是謂之驚痘。必順美也。

一初熱時。或吐或利。隨痘出而止者吉。蓋熱毒從內解。邪氣上下得泄。毒氣內洩。吐利自止。而正氣不耗。虛者爲吉。

一發熱三日。即無大熱。腰腹不痛。淺見點。而堅硬礙手者吉。

一凡吐瀉而精神不減氣不粗口不穢痘自出而次數差頻者亦爲吉焉雖大熱膏舌滋潤者痘出必順。

險證宜加治

一發熱時吐瀉不止身熱口渴者先與升陽散鬱而發之切忌溫熱止澀之劑若誤用則致遏熱毒而不出猶以火助火也宜三思焉。

一初熱壯盛頭體腰腹俱痛吐瀉咳嗽兼見者其外感固不輕而內毒亦必重宜與荊防敗毒散以疎散焉。

一風寒癰盛以致紅紫斑影痘不起者宜肌表發透汗令其通身皆出臭汗則毒氣自散升麻葛根湯主之。

一發熱痰甚譫語昏迷驚搐者是外感風寒而內動心熱也宜急散風去痰兼與利小便之藥則心熱自減驚搐自愈清解散主之。

一發始時毒盛熱擁不諸失血者並宜涼血攻毒要之痘出兼雜痘者多由毒氣不盡出故宜以表藥發其汗不則痘無出路小毒積成大毒先用升陽散鬱以發汗而猶血症不止者宜投清涼行血涼血之劑以十神解毒湯加犀角黃連蠶紅花治之血證甚者涼血攻毒飲主之。

一初熱而聲遽變者重宜以清肺利咽爲主利咽解毒湯主之。

一發始腹痛大便秘痘留赤色乾枯者宜攻毒清利敗毒和中散加酒炒大黃主之。

一痘盛行之時雖未發熱先頭痛先腰腹痛或頭面腫者由受時候不正之氣也當臨出痘而毒甚痘出必重故宜預解散先用荊防敗毒散而發汗發後諸症不穩腰腹痛不止發熱痘點隱隱皮下大便秘者宜敗毒和中散加酒炒大黃以微利之或四順清涼飲亦可也。

逆證不治

一發熱。頭面一片紅如塗胭脂者。六日必死。

一初熱時。用火照心窩間。乳盤赤色如火。或遍身皮肉成塊。其色紅赤。或紫赤者不治。

一發熱時。身不大熱。惟腹脹眼合。狂躁大渴。唇燥舌裂。或無胎而乾燥者。毒根于血中。必作凶逆。宜用清涼攻下之劑。利後證不穩者必死。

一發熱頭溫足冷。或昏悶。目時開乍閉。煩渴沈吟者死。

一身熱如火。兩目紅。兩臉赤紅成塊。口唇紫黑。或破裂。舌白胎乾燥。生芒刺者不治。

一發熱時。婦人經行不止。唇舌無紅色。發驚搐者死。

一發熱時。以手擦面頰。如紅色隨手轉白。自白轉紅者。是謂血活。雖危重多生。如擦之不自。舉之不紅。是謂血枯。雖輕症亦必死。

一初發腹中大痛。或腰痛如被杖。攣屈曲臥者死。

一初發時。七孔二便。鮮血如紅花膏者死。

一發熱時。不大熱。而遂見青黑藍斑者死。

一初發欲見痘苗。而胸乍嬌突。喘呼者死。

一初發時。面額浮青氣。或舌尖純黑。生紫黑斑點。或聲啞咽澀。神昏慢者死。

一初熱之時。肚腹大痛。泄利膿血。唇舌紫赤。而白胎通明乾燥者。六日必死。

一發熱時。婦人胎墮。而血不止。唇舌無血色。及胎不墮。而大熱不退。痘苗不見者凶。

一發熱時。吐瀉見蛔蟲者。十中難全二三。

一發熱未見痘形。先眼沿浮腫。黑色而映見者凶。

一發始一日。即現紅點。密如蠶種堆聚。焦紫乾枯。手摸不礙。平指者必死。

一發熱不見痘點。照火候之。如有如無。而煩躁不定。及唇舌赤紫。是謂之鬱伏。發始三四日而趣死。

辨見點三日順險逆證

順證勿服藥

一痘潮熱三四日。熱退而後出者。是氣血充實。毒少易收功矣。氣血充榮。灼火難療。其痘必稀而易愈。如續熱半日一日。而即出者。由氣血怯弱。毒多易感動矣。氣血衰敗。則烈火易焚。其痘必密。而難痊。初出三五相連。而見點細者。必密也。單見磊落。而肥大者稀也。

一熱一二日。而見點眼眶不腫。二便如常。脛不軟。臂不浮腫。兩頰不模糊。肌肉未浮腫者吉。如三四日。面腫增進者凶。

一痘出稀疎。表裏共涼。則毒必輕。瘰癧大小磊落分明。不相粘連者。則托裏和中之劑。宜略飲之。以助其起發。黃膿收靨之勢。如出太密。粘連模糊。雖出而毒猶盛。則托裏解毒之劑。宜多飲之。以防其陷伏。痒塌黑靨之機。如雖過體模糊。獨面上喉頸胸背之處。稀朗分珠者。必可治。

一凡痘疹一色者吉。若二色三色相合。而為難者凶。

一先吐而後痘見。吐即止者吉。又有大吐變凶者。胃敗不能逐毒。故痘現復陷伏也。

一目光精彩。神映瞭然。且唇舌紅潤。而口角兩腮。無枯暗黯色者吉。

一痘作二三次出。至三日後。手足心機出齊。而頭面胸背稀少。摸之堅礙。根窠紅暈。大小不一。肥滿光澤。痘窠與

皮膚紅白分明。勢如笋出土形。朝暮安靜。而熟睡者吉。

一凡骨處先見點。而稀者必吉。若軟肉無骨處。先見點而密者必凶。但忌頭額先出者。以毒盛而安參陽位也。此症必吉少凶多。

一涼而復熱。熱而復涼。連綿數日。而後從口角額骨處。三兩成對報點。至三四五日。出齊者順也。

一看痘之法有七。一看天庭太陽方廣。二看頸項。三看地閣。四看胸背。五看肚臍。六看兩肘兩膝。七看穀道之處。此數地俱稀少者吉。視膿色亦以此部位候之。是緊要也。

險證可加治

一痘初出。頭焦帶黑色。紅紫慘黯不明。譫語狂亂。大熱不退。煩渴飲水者。此毒在血分。爲血熱毒盛之證也。宜以涼血解毒爲主。乃十神解毒湯。加酒炒芩連治之。如大便秘者。加酒炒大黃以微利之。或宜清毒活血湯。若不早爲之圖。則及乎黑陷致不救焉。

一痘初出。色白皮薄而光亮。但根窠微帶一線紅色者。此毒滯氣分。爲氣血不足之症。治之宜急以補氣調榮爲主。人參歸芪湯。或十全大補湯主之。如不早圖。則痒塌而死。夫痘初出。惟是不過輪氣虛血熱二證耳。治之之法。白轉紅活。黑轉淡紅。而根窠明潤。瘡皮堅實。能食。二便如常。則起脹黃漿收靨。一路無餘恙矣。

一周身勻稱。惟喉獨密者。名曰纏喉。宜清肺利咽。射干鼠粘子湯。加桔梗治之。六日後。參麥清補湯主之。應早防八九日間。水噎不食之患。如三四日間。誤失清解。必發咽喉腫痛。飲食不入則多死。首尾甘桔湯。加大力子主之。

一自見點後。身熱不退者。毒氣太盛也。始終宜清解。如唇舌赤色。而大便秘者。急以四順清涼飲。微利之。如利後

熱氣稍退者。宜從症而用托裏補氣之劑。加減益氣湯主之。

一痘出二三日。身熱不退。是即血耗。而根窠無紅暈也。忌用清熱解毒之劑。如痘色淡白。唇舌淡白。而大便秘泄者。內虛也。加減益氣湯。加桂治之。

一初出而胸前稠密者。曰攢胸。宜急治之。如痘色赤紫乾涸者。宜清毒活血湯主之。

一初出灰白。頂陷不起。或起不礙手。根窠不紅活。身涼而靜者。虛症也。如身涼而痘灰白。唇舌淡白。飲食不進。或嘔吐腹脹。寒氣上逆。或泄瀉水。而手足不熱者。此純陰之證也。宜大溫補氣血。以木香散異攻散。輕重從宜治之。

一手指及頭上先見者。爲肝甲痘。可治。又沿眼邊先見三四點者。爲攢眼痘。可治。又陰囊兩邊先見者。爲囊眼痘。可治。又頭上兩角先見者。爲日月角痘。可治。又穀道邊先一二點現者。爲關門痘。可治。如臍中及肛門。反爲堆聚攢簇之狀者。不治。

一頭上先見數粒。中有一粒極大深爛者。名屬羣痘。宜急排破。以油胭脂和珍珠細末封之。必待膿成毒化。方可脫去。不則後聚成穴。血氣爲其所奪。諸痘難長。即類疔痘。主方神功散。加茶連治之。

一凡起勢雖密。而根脚自分。太陽稀少。周身無成塊之狀。色不乾紅者。多屬可治。神功散主之。

一根盤已具。而頂不起。肌未潤鬆。痘色淡白。飲食減損。便易泄不渴者。乃氣虛也。宜加減益氣湯。應急與之。

一有一等白痘。似粉有盤。有頂而軟肥者。是氣血兩虛也。宜大補氣血。急以十全大補湯治之。

一痘白肉紅者。固係氣虛。不能拘血。然亦有因火熱遊行而致之者。宜涼血托裏。以清肌表之熱。參麥清補湯主之。

一痘內黑外白者。是毒在裏。宜以解毒行血清熱爲務。清毒活血湯主之。若痘內白外黑者。是毒在表。急以升陽散毒發之。升麻葛根湯主之。

一痘出完。而熱甚氣滯。其肉腫亮。痘根縮不長者。見毒氣在內。宜急補氣托毒。以固陽散火湯治之。過則其表虛。皮薄嬌紅易破。遂成痒塌之患。待平穩期。而內攻必斃。

一因夏月暑熱薰炙。以致煩燥發渴。而出不快。如唇舌赤色乾燥。大便秘者。宜人參白虎湯。加減治之。

一因冬月寒氣所侵。以致肌膚粟起。鼻塞聲重。咳嗽而出不快者。宜參蘇飲加減。如重者。宜桂枝葛根湯投之。

一因觸邪氣。而出不快者。外用荆芥大棗。煖燒以避其氣穢。如因被侵霖雨。而出不快者。宜燒薰蒼朮楓樹避之。

風俗謂實也。形如絲依名焉。在干東都官園。及仙臺侯別墅。他處有一二樹俗呼曰大葉加伊天。其形如此。

一因前有勞力。而元氣虛弱。出不快者。宜溫中益氣湯。或加減益氣湯。

一因吐瀉胃虛不食。出不快者。參苓白朮散主之。

一大便秘結。口渴而出不快者。是內有實熱也。宜清涼解毒。若便利口渴渴。而出不快者。是內虛而津液下陷也。

宜溫中補脾。如內實者。四順清涼飲主之。如內虛者。參苓白朮散主之。若便利口不渴。而出不快者。氣虛也。惟

驗唇舌紅不。以辨別之。如氣虛者。宜補中益氣湯。加減主之。

一見標一二日。喉痛眼紅。唇腫兩耳如火者。肝肺胃火共旺也。如痘色氣血俱交會者。宜清涼攻下治之。若色慘

暗乾紅。則氣血離散。七八日內。鼻孔出血者必凶。

一痘出而實窠陷伏不起。時從兩眼中失血。流及數合者。六日必死。勿治。

一大熱壯盛。痘苗隱隱不起。其色紫艷紅。煩躁狂妄。口渴不寢。及唇燥舌胎乾燥者。宜清涼攻毒飲主之。

一伏火伏毒內熾。則面眼如火。手足如水。大便秘結。小便如紅花汁。痘色乾紅帶色。唇舌紫赤。無胎而乾裂者。毒在血中。宜急涼血攻毒飲主之。如遲則難及矣。

一敷點灰白。如桃窠肥大。按之硬手。而紅活者。尚可救。色不變者。黃泉在邇。不可救回。

逆證不治

一發熱一日。忽爾擁出。形如蠶種。灰白稠密。身熱腹脹。瀉渴不止。頭溫足冷。及色紫黑乾枯者死。

一初熱即見點。太陽額角髮際印堂司空方廣之處。先顯紅紫色。目紅唇裂。痰鳴聲啞者。是氣滯血凝。妄參陽位也。不治。

一唇上先見痘。如堆粟者。不治。又牙床見痘。連串者不治。

一初起全不起頂。形如湯泡火刺者。是氣血兩敗。必六日後瘁塌。至九日而死。

一痘已出。而熱一過。痘又出一次。前出者或沒。或乾黑者死。

一連肉紅紫一片。兩臉如橘皮紅。不分肉地者死。

一痘自腹下見。而腹上不見者不治。

一痘色白而皮薄。光潤易敗。根窠全無紅色。三五日即長。如菉豆大者。必不墮膿。日久後。成一包清水。擦破必死。不可錯認妄與下藥。

一初出頂陷。中有黑點。如針孔者不治。

一周身勻稱。獨口脣細密者。名曰鎖口。須豫防九十朝不食之患。如發熱而口中灰黑色。則後如鵝口瘡而死。一胸前偏多者。名曰橫胸。須早防九十朝失聲之患。如腹脹咬牙。喘渴者死。

一肩背甚密者。名攀肩痘。脚下湧泉穴。肩上海井穴。乃暗水潛行之道路也。津液潤布於皮膚之內者。皆此井泉之水。而以腎爲源也。毒盛於此地者。水道絕也。五臟皆附於背。背上太密者。臟氣傷矣。故發熱聲啞。躁渴而死。宜預防之。

一起勢不進。根脚肥闊。面色覆青氣。肌肉晄白。熱盛神昏者。名反脚痘。至六日必死。

一初先發天庭方廣太陽處。見標一粒。突起光亮。少頃而陷伏沒者。此名賊痘。猶賊之欲陷城壘者。先以奸細探其虛實。此痘爲賊之鄉導。若發之者不治。

一初熱腰痛。及報點而猶大痛不止。見苗如蠶種。面赤氣粗。煩躁昏亂者。過二三日。而口中大臭。遍身出紫黑斑。或口唇青黑。舌上發黑疔而死。勿治。

一胃熱發黃狀。如橘皮黃。而下利者死。

一陰囊上兩邊先見痘。而他處不見。後必黑陷者不救。

一發始已報點。照燭看天庭百會巨關人迎等處。如紅點斑。而不成分珠。乍變作紫黑塊者死。

一發熱未透。而即報苗現標。已而又沒不見。既而又出又沒者。謂之弄標。蓋痘憑熱透。透則肌肉通暢。自然易出。今熱不透。則皮膚不鬆。故隱而又出。而又沒。氣血衰弱之甚。無發洩之力。故爲難治。

一凡痘疹俱極稠密。而疹亦不先解。此名特痘不治。

一痘未出。而身有紫赤紅點。或有數點黑斑。鼻血昏沉。身熱煩悶者。死在五六日之間。雖出。道出不齊者。六日死。死先期必速也。故特謂死在五

六日之間也。驗之可知矣。

一手足面部俱見。而身熱煩燥不穩。耳輪耳背。獨無痘者。凶症也。惟周身稀少。紅活滋潤。標粒分明。耳上不出者。

無妨。

一痘至三四日。脚軟弱。而不能立者凶。又天柱忽折者死。

一痘出時。謔語狂言。如見鬼狀者。且好飲冷。或斑從腰眼起者不治。

一發青紫黑斑如痣。及肌肉成塊。色青黑者。六日而死。

一肌肉裏如被杖者不治。又遍身紫泡。刺破出黑血者死。

一初出身有斑點。嘴脣崩裂。或唇腫。口出臭氣者。此胃爛發斑也。其證必死。如唇燥裂口惡臭。舌乾黑者死。又上

唇紫黑色。突而如嘴。口臭衝人者死。又舌卷囊縮者死。

一凡先發無名腫毒。而後痘出者。十中八九死。

一痘出齊。而吐瀉不止。或生蛆自大肛中出者。後變壞證。而淹淹引日至死。此症九死一生也。若在初發時者。多無妨矣。

一痘稠密陷伏。煩燥狂叫。口中腥臭衝人者。此邪火煎熬。肺爛胃敗也。必成失聲。乾嘔喘促。六日而死。經曰。肺絕者。七日死。痘之一症以六日為死期。難病以七日為死期矣。

一痘出陷頂。而臍窩內有瘡二三粒者。無妨。如至四五粒者凶多。此腎經之痘也。後必加嗜睡。而寒戰咬牙者。即死。

一痘出謔語不止。昏睡不食。手足厥冷者。必死。

一發熱痘苗。手足先出現。而後見于他處者。必死。

一起勢因循。而面上見青氣。其瘡隱隱不起。唇舌紫赤者死。

辨起脹三日順險逆證

順證勿服藥

一凡放痘三日。逐漸起脹。先出先起。後出後起。痘胖一分。則毒出一分。胖已盡。則毒出完。根窠紅綻。頂肥癢手。面目漸腫。飲食二便如常。而無他症者。吉。此是氣盛血榮。充滿於內。發揚於外。毒必受制。化毒成漿。不藥自愈。

一凡痘瘡自初至結。以痘內暗晦而外光潤爲善。所謂外陽內陰。少陰君火之象也。反之爲凶。若內外皆光。爲純陽無陰。治當補血。內外皆暗。爲純陰無陽。治當補氣。

一凡痘瘡之毒。必氣以煦之。血以濡之。而後可得成熟也。故起發時。光壯者。氣有餘也。肥澤者。血有餘也。氣血有餘。表裏俱和。不須服藥。

一凡至起脹。其痘頂必有小凹。名痘眼。若根脚散大。漿色淺白。頂無痘眼者。此水痘。非正痘也。

險證可加治

一痘雖起發。乾枯無水。謂之不肥澤。乾紅帶黯色。謂之不紅活。其變爲黑陷。乃血虛也。宜用四物湯。加人參麥門冬地骨皮治之。外用胭脂塗法。

一形長大。而色枯燥者。此氣至而血不榮也。治宜補血。色紅潤而形平塌者。此血至而氣不充也。治宜補氣。形平塌。色枯萎者。此氣血俱不足也。治宜大補氣血。色灰白者。氣虛也。當補益。紅紫嫩發者。血熱也。當清涼行血。紅紫退縮者。血滯也。宜清毒活血。

一痘頂陷不起。而年壽之上。痘起者。不必憂慮。如年壽上。顆粒不起者。急與補托。及痘當起發。而天庭印堂不起者。亦宜以溫補爲主。否則漸變氣脫。而至死。

一痘雖紅鮮。但乾燥而不充肥者。此火盛而血不足也。治宜神功散。加酒炒黃芩與之。

一痘充肥而帶濕者。此脾中有濕。而氣不足也。治宜去濕補氣。兼風藥以勝之。錢氏白朮散。加防風白芷之類。不可太過。若太過。則損膿膜之機。

一浮囊虛起。案中無漿水者。此氣不拘血。血不附氣。輕者。必發癰腫而生。重者。即瘡爛而死。宜急人參歸芪湯主之。使氣血交會。方能化毒成漿焉。

一有因諸獸或生人驚嚇。而痘隨伏。色變者。是心失其主。血不能歸附。而氣不充托耳。宜托裏之劑。兼與安神丸。一痘正脹之時。瘡雖起發。然皮薄不礙手。按之清水忽出。而痘色不暗者。此假脹也。宜急用大保元湯之類。提氣實腹。方可成就。不則十二日。必不能回。謝不收。結而死。

一痘因觸穢氣。致倒陷。如石白硬者。宜急用參芪內托散。又外用荊芥大棗肉。以薰燒痛。

一痘漸平塌。頭面漸紅腫者。唇舌赤色。痘色乾紅。則宜極清解而起之。如唇舌淡白。瘡色灰白。則宜極溫補而與之。

一痘紫陷不起。或黑如疔者。此血分火熱。急以清毒活血湯。去參芪投之。或以辰砂益元散。和冷水藥與。

一凡夏齒噤牙者。是腎氣衰。而真陰不足也。痘主陷伏。宜補陰而逐之。潔古白花蛇散主之。以龍眼肉酒。溫服之。

一痘當起發。如四圍起。而中心平陷者。其輕有二。血化成水。四圍高起。但中心略凹下者。俗呼茶黃痘。此由中氣不足。發不透徹耳。治宜補托。斟酌從輕治之。或宜參歸鹿茸湯主之。又有四圍沸起。中心落陷無水。是乃死肉。其形如錢者。此名鬼痘。宜急攻發。實氣飲和桑蟲汁與之。或兼與奪命五毒丹。不則漸變黑點。束手不可為焉。一起壯之時。光澤滋潤。勢如水光。而根下紅色。僅有一線。以火照之。如琉璃燈樣者。此為虛起。宜大溫補氣血。托

裏救表。如及六日。爲此症者。參歸鹿茸湯。加桂丁子熱附治之。不則八九日間。發瘁塌。而及十二日。爲內攻。若痰喘氣急者。必死。

一痘瘡起發。彼此相串。皮腫肉浮。或於本痘四傍。旋出小痘。攢聚漸胖。成一塊者。最爲重。宜內托消毒。切守禁忌。以防瘡痒之變。其方內托散。加陵鯉種蠶治之。

一痘瘡起。發中心突起。四圍乾平。無水者。或裏紅外黑者。此由皮膚閉密。滯而不行。痘毒鬱而不散耳。治宜辛涼解肌。桂枝葛根湯主之。

一痘紅活充肥。以指捺之。隨破者。此血有餘。而氣不足也。宜涼血補氣。人參歸芪湯主之。不則後必瘁塌而死。

一痘久遇陰雨。而不能起者。治宜發表。而兼燥濕。內托散主之。

一痘因傷飲食。而腹中飽悶。或痛以致中氣鬱。而不起發者。治宜發毒。兼以神麴麥芽消導之。

一過身俱起。手足獨不透者。是脾胃虛也。宜急以錢氏白朮散。去葛根。加黃芪肉桂治之。

一痘舊有瘡瘍。未愈者。凶多。其初熱實者。以清熱解毒湯療之。熱毒既退者。但宜倍補氣血。佐以托裏內托散。去桂。加穿山甲大力子治之。

一痘形板實而不鬆者。血滯而毒絆也。平塌而不充拓者。氣弱不能洩毒也。滋補充托。猶可救之。若毒滯者。清毒活血湯治之。如氣虛者。參歸鹿茸湯主之。

公證證勿治

一過身痘皆壯。而頭面不起者死。

一腰腹俱痛。過身瘡色紫點如蚊蚤所咬。全不起脹。或發泡。而紫灰色者。六日必死。

一痘頂陷灰白頭面延蔓根窠血散更加泄瀉煩渴唇白痰滿不思飲食者是氣血俱敗也不治。

一過身黑陷悶亂不寧神氣昏憤者死。

一起脹時啼哭不止日夜呻吟煩躁不寧狂言悶亂如見鬼狀者不治。

一吐利不止乳食不化或二便走血者死在旦夕。

一起脹時有六七粒細瘡成塊其形如巨擘者屬關歪斜者不治惟於手足腿膝之間發一二處者宜銀針挑破。

以油胭脂塗之。用針有訣。

一起脹時痘癰如煙霧罩定者不治蓋痘出六日而氣血不分色焦紫而面紅腫如瓜痘癰伏不出或猶煙霧罩定者。頭面手足。瘡伏不出。則在皮下。或紅。或紫。或黑。或如鋪紋罩定者。名曰罩癰。不治。如或舌白至脣者。爲內潰。急死。實熱未解而死。九日十二日死者。虛寒而

死。至此共無治法矣。

一起脹時手足起發而復沒起而復塌者此根本已壞枝葉先萎之象也不治。

一凡全不起脹變成灰陷者或紫陷不起乾尅成陷伏慘澹不明者或發水泡瘡塌者此皆血癰氣背毒致下陷而外刺也不治。

一凡起脹時色如白飯平塌不起者死此毒盛血滯不可認爲虛寒之證唇舌必赤紫又有舌尖赤色中央白胎者。

一痘將起發其中有發血泡者此毒伏于心也不治又有發水泡者此毒伏於肝也必旋見瘡塌而死。

一起發時根窠太紅頭面皮肉紅腫如瓠瓜之狀者六日死若過身痘頂皆黑其中有眼如針孔紫黑者六日死若兩腮虛脹成塊肩膊腰背皆有塊毒堅硬者六日而死若先出痘形以漸不見者三日死若毒而不出者三

日死是也。五證俱因實熱未解而死也。

一痘出而不齊者。六日死。其證痘出。郭郭不長。而先出者。沉伏不起。或帶紫黑色。後出者。雖紅復沒。不見煩躁悶亂。唇燥舌尖赤紫。而黑紫點如痣者。六日必死。

一初出之時。半是水泡。或纔起發。而戴白漿。或未成膿。而乾收者。是皆火性躁急所致也。早發過先發。要之毒火所爲。倏忽之間。倏患氣絕而死。

一凡起發之時。痘瘡稠密。又見陷伏煩躁狂叫之症。口中出臭氣者。此毒火熏煎。肺爛胃敗也。或不食失聲者。咽喉潰爛也。寒戰咬牙者。邪傳腎也。悶亂者。神氣喪也。體寒者。陽脫也。或嘔或瀉者。腸胃俱敗也。經曰。五臟氣絕於內者。利不止。六腑氣絕於外者。手足厥。凡見上證者。皆不可治。

辨灌膿三日順險逆證

順證勿加治

一痘毒必由膜而化。故有膿則生。無膿則死。然膿者氣之所拘。而血之所化也。是以頂肥光潤。根窠血聚者。則自有膿。生之兆也。若見頂陷灰白。根窠血散者。則自無膿。死之徵也。

一凡四五朝。身發潮熱。根紅頂白。飲食俱進。二便如常。神氣安靜者。其熱薰蒸標瘡故也。必生。

一痘最宜守諸禁忌。蓋在起發之時。其病未久。氣血猶強。足以禦其乖戾之氣。至養膿其氣耗血虧。精神減損。少有乖戾。不能任之。況正在秀發之際。而令內氣成充實。向往足免凶險。

一痘至五六日。毒化成漿。初色發白。次變綠色。後如蒼蠟色。而肥滿光澤。根窠紅結。以手按之。其蟬皮厚實。無他證者吉。

一凡根窠紅活。爲陰血得宜。痘頂變白。爲陽氣得宜。乃氣血交會。陰陽通運。兼之變白之中。而膿漿濃厚者。是血之所化。而毒之所附。陽中有陰。此乃陰陽交泰。吉之兆也。不則內爲空殼。外爲菜莢狀。氣血俱竭。其欲不死。豈可得乎。

一凡不先不後。腫過頸項。漿到胸前。其膿方帶黃色。此爲真漿。頭頂與陽物。亦要漿最充滿爲妙。

一兩肘兩膝。漿色不充滿。則醫後生怪疾。是肘脾經所主。膝腎經所主之故也。

一凡看痘。更須詳察。痘形先出者。光潤漿膿充足。則餘痘次之。終亦無害。俱宜以補托爲主。

險證可加治

一痘起脹。光澤可觀。然以手摸之。則軟而皮皺者。此漿未滿而無殼。唇舌淡紅者。卽宜大保元湯。否則難漿。如腸鳴下氣者。加丁香七粒。如大便利者。加熟附子五分。

一痘灰白。漿不滿足。皮薄易破。寒戰咬牙。欲成倒塌者。宜急回陽反本湯主之。

一痘色紅紫。漿不滿足。欲成乾枯黑陷者。急與清毒活血湯主之。如大渴引飲。好飲冷水。大便秘結。數日不通。唇燥舌胎乾黑者。急與清涼攻毒飲。或兼以退火回生丹。調和冷水與之。如見血症者。涼血攻毒飲主之。如漿膿半足。色淡白而停漿。大便秘泄。而兼血證者。驗唇舌紅白。以宜急溫補十全大補湯。加熟附子主之。如誤用犀角地黃湯。則謬人速也。

一痘遍身黃腫。大便忽一泄泄。瘡直變灰白。兩眼乍開。腸鳴下氣者。是真瘡虛也。宜溫補脾胃。陳氏異攻散主之。如不及。則以參附湯兼與。又復不及。則重以參附一倍進之。或與俞氏一粒金丹。須臾安睡。舌白轉紅者。其

一痘色紅紫。而失綻鬆之勢者。痘欲枯涸。如唇舌赤色者。屬實熱。宜急用清涼之劑。亦有因邪觸者。宜千金內托

散加減與之。

一痘已起脹。灌漿至七八日。大便久閉者。必漿色實於外。如便秘膿漿不充者。是毒壅於內。宜驗唇舌。以微利之。如至九十日。大便不解。則必醫後。發乾熱而死。或有大便不通。而唇舌滋潤者。雖見急證。而忌妄下殺人。宜鄭重焉。

一痘灌膿。飽實作痛者。不可加治。如血熱熾發。紅紫帶色作痛者。治宜涼血解毒。十神解毒湯。加減治之。甚則恐作血滯停漿。

一兩頰鼻準。額前印堂等。高突之處。稠密者。是五臟毒氣所聚。最易擦破。此地一傷。則諸痘盡伏。其毒內攻。故切宜守護。如誤抓破。即將牢封。若標瘡淡白。而根暈不收。或水疱多者。急以參歸鹿茸湯。加桂附治之。若復起充滿。他痘如常。或於空處生出贈痘。謂之歸空痘也。點雖細小。易墮易回。是餘毒得復出也。爲吉兆。

一凡眼眶紫黑者。是鼻毒攻衝。而肝受損也。或因久嗽亦然。

一方黃連。即有回意太早者。須防元氣不足。宜用加減排膿湯。而兼托裏補氣。要以養血爲要。

一灌漿時。聲音低細者。不妨。如忽熱聲啞。腹脹氣粗。其四關緊要之處。必有疔賊二痘。宜急辨認而剔破之。以抽油脂。和珍珠末。牢封之。四關即兩肘兩膝是也。用針有訣

一頭面行漿。而下部空虛。則毒陷標於上。可免危亡之患。若手足漿實。而上部空虛。則毒陷標於內。難免喪生之害也。

一痘破成坑者。此內陷也。外敷白龍膏。而內襯托之可也。千金內托散主之。若連片皆破。或處處二三箇。類疔蝕瘡者凶。

一方將膿膿口渴煩熱發瘡端向逆者須用托膿之劑兼與以甘桔湯加大力子。

一灌漿時發泡如彈丸大者宜四君子湯合參芪飲加防風白芷治之要在壯脾胃以利皮膚之水若發紫泡者不治。

一灌漿時痘似充肥而中洞窠突空軟者此名空倉痘極惡症也窠略有清水根窠起脹血附紅活者宜急用人參歸芪湯加糯米一百粒人乳好酒治之。

一灌漿時成片作爛膿水不乾者宜大補氣血兼投漆水之藥外以敗草散或蕎麥粉或松花粉或象牙粉或赤小豆末等敷之內以十全大補湯加荊芥防風治之。

一灌漿時色白如水晶內無膿汁者切勿輕下手十一二日後宜防瘡癰十四五日多致命終宜早投內托散加丁香穿山甲與之或木香散治之如寒戰咬牙者回陽反本湯主之。

一七八九日間其漿方欲成就而寒戰咬牙者此裏虛故也虛即寒也先與異功散而不止者森氏建中湯重投之如凶症退而結痂者佳也。

一七八日漿膿半足瘡泄一兩行忽然標瘡頂陷者倒陷也如大便青色者胃寒也急用峻補之劑治之主方異功散建中湯宜參考焉如泄利甚者兼與七味菟絲丸或翁氏一粒金丹亦妙。

一灌漿已滿熱毒已解至平穩期數日不乾者痘色如故則無妨此非氣虛也若不能收斂或脾虛不能收斂者宜錢氏白朮散去葛根加黃芪內桂治之。

逆證勿治

一夫毒假漿成毒從漿化故不膿者死。

一痘色紅紫焦枯。貼肉不起。而皮厚黑如鐵。堅如石。摸之不破。無漿血。謂之鐵甲痘。乃氣逆不榮。血枯不潤者。必八九日死。

一癰腫時。忽然眼閉者。及目中神光不明。瞳子漸轉紅赤者。不治。

一起發時。純是清水。頂白皮薄。與水疱相似者。後三四日。必抓破過身而死。又有內含清水。外帶黃土色者。不可認爲老漿。以致不救。宜急溫補。十中生者僅一二。

一痘乾枯。全無血水者。名曰空倉痘。必死勿治。

一抓破天庭山根之間。鮮血流出者死。又抓破無血水。乾黑者。或紫黑者。必死。

一兩臉光硬。色如橘皮紅。二便俱秘。目閉聲啞。腹中脹滿。肌肉黯黑者死。

一吐利不止。或二便下血。乳食不化。藥食直下。肛門如筒。及痘爛無膿者死。

一諸痘有漿。而天庭不起者。九死一生。

一紅腫早退。瘡陷無膿。目如魚睛者。不治。

一痘腫時。眉心鼻準耳輪唇口兩頰瘡。先焦枯黑陷者。名側陷。不治。

一頭面腫大。瘡盡抓破。黑陷深坑。惡臭異常。咬牙噤口者死。

一寒戰悶亂。腹脹煩渴。氣急咬牙。頭溫足冷者死。

一七八日間。有一等充實飽滿。挨摸不破者。不可認作好痘。以致後悔。此名鐵殼空痘。宜用酒浸麻黃一錢。生附子一分。再加托裏之味。而變成爛痘。如此則屬可治。否則乾枯牢封。如鐵石必死。

一時時張口。似吐不吐。有聲無物。及聲嘶者。此胃中有瘡腐爛。爲至惡之候。急用犀角消毒散。加甘草桔梗玄參。

牛蒡子。早則當得生。如遲則喉爛不食而死。

一中心黑陷。四圍突起。戴漿者。此血隨毒走。氣不爲用也。若中心戴漿。四畔乾陷焦黑者。氣附毒出。而血不爲之使也。若爲血泡。色紫而易破者。此血熱妄行。而不能附氣也。通爲不治。若爲水泡。溶溶易破者。此火毒併行。氣血不能以斂束也。此痘若能食便調者。宜調養氣血。補脾滲水則愈。

一痘膿後。膏渣淨。而時瀝血。口臭衝人。甚則至頰爛穿鼻。牙齒脫落者。名爲走馬疳。是腎絕必死。

一痘出正盛。或至痘後。而聲啞氣噎者。及藥食嚥下。而腹中即鳴者死。

一痘如針孔。漿水自出者。此衛氣已敗。其液外脫也。必死。

一痘四弦突起。中間有凹。形雖光亮。看之內實。收板不化。名曰石白痘。極不穩熾。必死之症也。

一口中無物。而時嚥者死。脾絕也。

一不起脹者。九日死矣。其症痘出五六日。雖成窠粒。頂陷平塌。根暈淡白。不鬆突。如其似有漿。而或清淡空殼。乍發瘰癧。正無漿水。瘰破處。乾涸紫黑者。九日必死。

一不墮膿者。十二日死矣。其症六七日。稍有膿路。而或清水水泡。窠囊不光壯。而中間瘰癧頻頻。不稠膿。根暈離散者。十二日必死。

辨收靨三日順險逆證

順證可加治

一凡痘到三日。是謂收靨之期。其證雖順美。宜必加治。但於補脾滲濕之中。少加解毒與之。後來可免餘毒熱之患而已。

一凡痘毒。自上而下者順。按自上而下者。言自口角兩腮等處收結。非言天癸印堂也。從脚上循腰以上者逆。必回斂至心窩。便死。若早提起元氣。使回斂自上而下爲妙。惟口角與陽物先收者。此又爲佳候。非自下而上之例。

一痘至血化毒解。膿色如蒼蠅。從口鼻兩傍人中。上下面部收起。漸至胸腹。次至兩腿而終者。爲順。又額與脚背。一齊結。內症全平。飲食如故。神爽身輕者。并手足心。或手指尖。及陰處先收者吉。

一痘色蒼蠅。而有微熱者。乃燒癰之候也。不必要治。

一痘回至頸。切忌過用黃芪。蓋痘欲回。而芪復托之。則升降不定。毒必攻內而死。

一痘後忌食五辛。恐熱熏肝隔。眼生翳障。

一凡痘係危證。氣血大虛。多服補劑。漸有膿色。而將收斂。雖有熱者。當於補劑中加涼藥。若欲斂而去補劑。單與涼藥。或用下利之藥。必速其斂也。蓋虛者復虛。反內攻致死。此必然之理也。又已然之驗也。治痘之醫。宜審辨焉。

險證可加治

一痘當斂。而流漿不已者。或因過表。以致斑爛。或因飲水過多。乃水溢皮膚。宜用白朮茯苓白芷防風之類。去濕滲水。

一水濕太過。痘被浸淫。是以潰爛難斂者。脾強則生。脾弱則死。然有因前膿未會瀝透。而色似灰桃。至十三四朝。復隨行漿。此雖危期。其治宜補脾滲濕。

一恣食毒物。透托太過。是以熱鬱於中。作爛痛極者。治宜清火解毒。汪氏解毒飲。加酒炒黃芩主之。

一十一二日。其痘收時。有如火燒煙薰之狀者。此時當看生死如何。腎舌潤。音聲清。咽喉清快。飲食能進。二便無故者吉。反之爲逆。

一痘至八九日。鼻梁上先微焦者。雖凶不死。如面部諸痘未悉漿。先鼻梁乾收者死。脾經之毒鬱伏。不宜故也。

一痘當壓不壓。發熱譫語。小便不利。大便秘結。煩燥口渴。微喘者。是熱毒乘肺經。無陰氣以斂之也。急用清金解毒。如甚者宜下之。清涼攻毒飲主之。

一漿未稠濃。頂先飽滿。面腫忽退。目閉忽開。瘡脚散開。色白皮破而乾燥。似壓非壓。或如豆殼者。此因氣血虛極。津液枯竭。不能外續。其毒乘虛內入。名曰倒壓。此症之極險者也。急用峻補之劑。如復腫起。庶幾可治。故痘始熱毒盛者。最要預解熱毒。而後大補氣血。以助灌漿。否則氣血不周。故爲是證候也。

一膿汁不乾。身熱能食者。至十一二日。當壓不壓者。汪氏解毒飲主之。如煩渴者。加五味麥門。

一面上痘子稠密。而忽一時盡黑者。此爲假收。勿作正壓。不早爲之圖。必死。先驗唇舌以治之。屬氣虛者。宜補益溫補。輕重隨宜。

一痘壓時。有臭氣帶腥者可也。若全無臭氣者。名爲正痘。尚有餘毒。未發者也。若氣臭如爛肉。而不可近者。即毒火敗壞之氣。是雖似結痂。未可便爲吉兆。急與清利解毒。緩則其變多難救矣。

一痘當壓不壓。泄瀉微渴。寒戰咬牙者。此虛寒之極也。建中湯主之。如至十日。猶不乾收。當回水期。膿熱而不收者。溫表調中湯主之。如痘臭爛深坑者。宜生肌散搗之。

一痘欲收。而唇口乾紫。連結渣滓。而兩頰紅。聲喘氣喘者。是乃將成肺癰之候也。治宜清肺解毒。

一痘臉上未收。兩耳先收者。其治有二。耳冷者。汪氏解毒飲。加枸杞枝故紙川芎治之。如耳熱者。則於前方中。加

酒炒黃芩黃連與之。

一醫至頸至腰而數日不醫者。有熱能食。唇舌赤色者。宜清涼托裏。如便秘者利之。四順清涼飲主之。如無熱。腹食不寧者。宜補脾滲濕。錢氏白朮散。加防風桂枝梗治之。

一痘成就之際。其色淡紅。或白者。宜用補養氣血之劑。白轉紅者吉。若痘痂赤紫黑。唇舌赤紅者。是熱極也。先用大連翹飲。防餘毒變。或忍冬解毒湯。宜參考焉。

一凡喉內鎖緊。腫痛難醫者。且飲食難嚥。煩燥作渴者。是熱留肺胃也。宜急清利。勿爲泛常。倘足冷自利者。乃上熱下寒。宜隨其證。引火歸源。切忌涼藥。錢氏白朮散。去葛根。加黃芪肉桂。

逆證勿治

一痘醫期。而遍身未見稠膿。惟口脣上下之痘。先黃熟者。是毒氣內攻於脾也。諸痘未醫。而口脣先腐爛。及脣白到舌者。並皆不活。是謂內潰。胃寒之極也。

一痘至收醫。口中無物。而空嚼嚼頸者。必死。

一面部肚腹未醫。而脚先醫者不治。是陰先陽也。

一遍身臭爛。而不可近。痰壅氣促。目閉無神者死。

一發癢抓破。而不見膿血。痂疤捲如乾豆皮者。不治。

一當醫期。而寒戰咬牙。手足搖動。禁口目閉。腹脹足冷過膝者。不治。

一遍身雖醫。尙數粒似醫不結。卒痂脫。而如蛇退皮者。必死。

一被傷節氣。熱退不全者。終死。不可不慎。

一唇時項頸胸前耳前後環跳之處。毒聚作腐爛。住定不愈。服藥不效者死。夫胸受氣之地。項頸陰陽升降之道。路也。耳之四邊。乃少陽脈之所會也。故爲死候。

一痘皮薄而乾。色白如梅花。而唇薄易落。疤白血色枯者。此爲假醫。必十一二日。毒氣內攻而死。急宜溫補氣血。如加泄瀉喘渴腹脹。寒戰咬牙者死。勿治。

一兩腮乾硬。按之如石。及泄瀉不禁。色青。遍身潰爛。而聲啞足冷者死。又唇後弄舌蛇舌者凶也。

一唾水失聲。或乾嘔不止。痂皮不脫。不思飲食。昏憤悶亂。睡臥不寧者死。此症多依蛔厥。而爲壞證。急用附子理中湯。加烏梅山椒黃連治之。

一牙齦腐爛。口臭不可近者。胃爛也不治。

一痘中有首尾見蛔者。在初發多無妨。中間後見蛔者。既妨痘功。其證有乾嘔續不止者。或有不嘔不瀉。心下蛔厥者。又有肚腹膨脹。似寒非寒。似熱非熱。寒熱雜起。及危篤者。其形狀無定候。如黃死蛔者。十中救二三。養生蛔者。九死一生。若至醫期。不脫痂者。痘痂牢封無潤色。不思飲食。目閉鬱鬱眠。情昏神憤。寒熱往來。變壞症。三七日後必死。勿治。

一痘後傷風傷食。而痂脫者不治。蓋脾主肌肉。是土崩脾敗也。

一內攻之證。皆十二日而死。蓋八九日。漿將足而泄瀉一兩行。眼已開。鼻已通。痘頂平陷。氣血離散者。是內攻之兆也。十二日必死。

一膿功半成。至結痂期。而不成痂者。十五日後死。蓋至十一二日。而不收結。膿水淋漓不乾者。是爲倒靨。若煩躁悶亂。寢食不寧也。延延引日。而後必死。

一如重證變虛壞日久而陽不復者，後必死。

辨落痂三日順險逆證

順證可加治

一凡痘程首尾候衣食二事所係匪輕，亦當詳審。蓋痘證前實後虛者，證之常也。故五日以前，衣被宜照常。六日以後漸加暖，至於飲食藥忌，亦如此。若至此期，諸證平準，則終始宜於補脾益瀉中，微加解毒治之，小連翹飲主之。

一痘收結痂落後，癢色紅潤，而無凹凸，飲食二便如常，睡臥常安者，吉。

一瘡稠密，顛頂生蛆者，不死。

一凡自食痘痂者，雖有他症，不死。

險證可加治

一痘已結痂，而不焦落者，是餘毒爲害也。或過服辛熱之藥，而熱留肌表也。或過身盡落，惟頭面不焦脫者，毒聚於陽會也。並宜大連翹飲加減服之。

一痘痂至二旬，或一月，粘肉不脫，或發癢者，此因表發太過，氣虛無力煦之，或血虛無力濡之，治宜用八物湯加防風荆芥與之。如有寒者，加桂以達肌表，更微燄理鬱伏之火也。

一有發癢以刺去痂皮，仍復腫癢，如瘡疥者，此血熱氣虛也。宜用保元湯加丹皮地骨地黃連翹等，涼榮之味。

一痂不落，而反昏迷沉睡，不省人事，此脾胃虛甚也。宜人參清神湯主之。

一痂後痘癢紅紫者，血熱毒盛也。當與涼血解毒藥主。

一痘痂成而後唇不蓋齒者。急與敗毒涼血。否則變爲走馬疳。輕者宜清胃瀉火之劑。重者與清涼攻毒飲。其最甚者。牙齒脫落而死。或因血氣枯槁。而不能潤養。任二服。如二脈急縮者。當從補養。甘露飲主之。

一痘後口禁。腫直。腹痛。遺精。冷汗如雨。其痛定汗止。而脈弦緊者。是因癰瘰受風寒也。宜散風養血。鉤藤湯主之。

一痘落後。眼赤痛者。餘熱留肝經也。輕者大連翹飲加減與之。重者急宜以涼膈攻下治之。最忌塗藥洗藥。多損瞳子。終爲盲人。是醫之過也。

逆證勿治

一痂後腫滿不止。目中無神。而面色覆青氣者死。

一忽發大喘。面頰枯槁。舌白唇白者死。

一痘痕如梅花白者。是氣血俱盡也。如不大補氣血。必死。

一痂後發驚者。是心氣已絕。而神無所依。不治。

一凡嚔作噎。喉中如鐺鐺。腹脹虛鳴。痰喘頭汗者死。

一醫落後。一病未已。一病復生。神氣虛脫。寢食不寧。時白吊者。變慢驚風。必死。

凡痘雖有數千百種之形狀。不越氣虛血實之兩途。雖有數千百種之候症。不過順險逆之三項。既言順者。不藥自愈。險者。藥所能及。逆者。治之無功。反受人之謗而已。雖然。順而陷逆者。是謂中惡。卒然趨死。順而變險者。誘治而生。又險而加逆者。甚重。復逆而加逆者。必死矣。且有純虛者。有純實者。有初虛而後實者。有初實而後虛者。有虛症變實者。有實症變虛者。千緒萬端。無一定局。故欲窮其妙境。則先審脈舌之紅白。及胎之潤燥。以爲準。應表裏虛實。有不詳之。則無所施治。切不可無知妄作。以貽殺人。世之業醫。不熟痘術。祇拙謬短。偶治

其善痘不難治者。以自誇世者亦不少矣。余恆見世人。有係痘毒而死者。十纔二三。係醫毒而死者。十中恆居六七。夫人命者至寶也。王公之貴。不以換之。珠玉之重。不以代之。所謂天爵。此之謂乎。奈何視之如塵芥。視之如敵讎。屬之於庸醫之手。以速非命之夭。庸醫者。其可以慎矣。應轉者。其最不可以不慎矣。

痘科辨要卷四

東都醫官痘疹科兼醫藥教授

池田獨美瑞仙著

常陸高野昌碩 龍

男 瑞啓 參 門人

京都進藤玄之履道 校

男 瑞英 訂

築前渡邊昌伯 恕

辨初熱三日

夫天象雖雜陳乎推步者。見其有條而不紊。地理雖雜敷乎堪輿者。知其有脈而不斷。醫之於痘亦然。痘疹之症。千狀萬態。不可備指。雖然。精究此術者。絲分毫析。隨症投藥。未嘗謬認一症。誤投一味也。所謂多多益辨者。何獨兵耶。此之謂通神之手矣。又此之謂拉鬼之手矣。

初發身熱悠悠。是宜氣血和平。惟熱輕則痘亦輕。熱重則痘亦重。又有熱重而痘輕者。有熱輕而痘重者。又熱一日而出者甚重。熱二日而出者次之。熱三日而出者又次之。唯四日而身涼見苗者爲稀。如火燭太過。則正氣不勝邪。故面色爲昏暗。爲枯澀。爲黑燥。氣血充榮。則面色爲潤澤。爲光彩。爲淡紅。此乃勢之所必至也。

發始身熱溫和。皮膚潮潤。面眼無澀萎。兩耳如常。音聲清亮。睡中微悸。二便如故。及口渴食減。食眠。唇舌滋潤者。順痘也。凶逆者反之。先一二日。用輕揚發散之藥。以取微汗。

似是而非。若同而異。此病之所以能惑人也。小兒痘疹。其初不免乎發熱。似傷風食傷驚熱。爲痘未真。是謂疑似。雖曰夏工。而難辨明。於是欺世盜名之輩。妄言詭辭。令父母驚惶失措。是可哀哉。孟繼孔幼幼集曰。痘疹欲出。必先發熱。目睛黃眩。耳後紅紋。耳尖尻骨獨冷。面色四肢俱赤。惡熱而不惡寒。此痘疹之所有。而傷寒之所無也。若

夫疑似之間。辨認未真。先以升麻葛根湯。惺惺散探之。朱巽痘科鍵曰。如初發微熱。面色淡白。皮膚凝嫩。呵欠竄眼。吐利並起。精神倦怠。自汗者。虛證也。加減益氣湯主之。

發始先腰痛者。爲重症。腰者腎之府也。乃人身之樞紐。諸骨之根柢也。故痘家最大忌之。腹痛雖惡候亦次之。諸書所謂。發始先腰腹痛。而後發熱者甚重矣。先發熱。而後覺其痛者險也。宜急發其痘。如四肢酸痛。額前發青氣者。爲大逆。如攻發痛止者無妨。毒久舌活。幼心法曰。有腹痛腰痛。而煩悶者。此其毒誠重。然只當用敗毒和中散主之。大便秘。則加酒炒大黃。微利之。

發始吐利二證。俱非寒也。諸嘔吐暴泄。皆屬於熱。水穀傳化之道路。爲熱所迫。輸送失常。吐利併作。朱氏曰。嘔吐者。初緣毒壅于中。不能發越也。只當發痘。瀉屬于脾。爲毒壅于脾。不能上達。雖爲濕熱下泄。亦有分消之義。其初出二證。俱不可止。唯宜發痘。主方和解湯。加減升麻湯之類。宜參考。如至三四日。猶不止者治之。

發始發驚搐。痘隨出而驚自止者。爲驚瘧吉。大抵驚搐。雖屬于肝木。而痘之驚搐。屬於陽明。故宜先發痘。痘出則止。然木能勝土。又歸心火相爭。脾土不足故也。若四日不止者爲凶。丹溪捷徑曰。凡痘發熱。有驚搐者。以導赤散加辰砂末服之。毒久舌白。毒壅盛於皮。不能驟發於外。而驚搐狂躁者。宜用清解散以宣之。又血氣虛弱。送毒氣不出。而驚搐狂躁者。宜用溫中益氣湯以托之。費建中救偏瓊言曰。拾痘前驚跌發搐者。宜此湯。疏肝透毒散主之。

發始大熱。譫語狂言。見鬼見神者。緣毒炎亂心魂。是謂純陽無陰。朱氏曰。凡見積熱形證。一熱即下。遲則不能轉旋。三日即死矣。如其爲證。發始身熱如炮。二便秘結。口渴。兩睛如血。兩耳灼熱。煩躁狂妄。譫語狂亂。唇裂舌胎如粉。甚則舌炕。惡熱者。單下之。以胎減爲度。惡寒者。雙下之。不可泥在初當發之說。此症百中一二。不可執以爲常。

如聲舌滋潤者。忌妄下殺人。主方清涼攻毒飲。或涼膈散。

凡升者。提清氣以上達也。發者。開百竅以四播也。俗但知以毒透毒。不知升發之義。俞仲仁金鏡錄曰。實熱壅遏。不得透表。氣粗喘滿。腹脹煩躁。狂言譫語。睡臥不寧。大小便秘。毛豎面浮。眼張若怒者。並爲風寒外搏。與出不快者同治。宜羌活散鬱湯主之。

凡有一日熱而出者。有二日熱而出者。有三日熱而出者。或五六日熱而出者。因風寒襲外。腠理不疎故也。丹溪捷徑曰。熱三朝便出者。此常期也。如過四五日不出者。熱綿綿無休歇。吉凶之徵未卜也。急與解毒托裏。分內外因而治之。疎者吉。外邪壅遏。而不易出者。此外因也。麻黃解表湯主之。

方發之後。所出不多。氣候和平。無他症者。卽是瘡本稀。不可更發也。所謂發不至太過。守不至不及。乃用藥之圓活也。森氏曰。其或增寒壯熱。頭痛咳嗽。鼻流清涕者。多因於外感。不可不發散也。當視見強弱。而用藥發汗。見體氣素壯實者。用加味升麻葛根湯汗之。體氣素怯弱者。用加味參蘇飲汗之。然皆不可出汗太多。恐發虛其表。後難起脹滿也。既經發汗。而身熱漸緩。兒頗安靜者。其痘出必稀少。此爲順候。且勿服藥。以待之。

漢唐以來。當痘疫流布時。不編大人嬰童。一發熱。專用升麻葛根湯爲治。痘疹初熱之定奪。然余嘗稽古人之意。升麻葛根湯一方。蓋治痘瘡之常。不治痘瘡之變常者。森氏曰。先用升麻葛根湯發之後。或身熱不退。而煩躁者。且勿峻攻。姑少待之。其或煩悶燥渴。而妄語者。用敗毒和中散清之。如大便秘結者。加酒炒大黃。微利之是也。痘自包孕之地。萌動而起。未形是謂無極。於此爲氣虛已明。則先可知三禁。一勿攻發。一勿清涼。一勿解毒。始終以保元四君之加減治之。俞氏曰。治虛證痘瘡。以元氣爲主。元氣充實。則毒易出易化。故善治痘者。惟保元氣於虛弱之前。使不致於耗散爲貴。然其治法。一曰。實腠理。而固肌表。二曰。節飲食。而保脾土。肌表固。則外陷之患不

足處。脾土實。則下陷之患不足憂。更加以參芪補益之功。

夫痘有輕重。人有強弱。治有緩急。不可不辨。然挽回調劑。古人必按痘之形色。而後推駁。故施之於緩者則可。其重且急者。痘雖未形。而見體之生命。已在涉春冰而蹈虎尾。其痘未及見。則毒雖猛。而尚未有定位。火雖烈。而尚未及燎原。此誠轉危就安之機。起死回生之會也。宜用攻發解毒之劑治之。如及悶痘定位形色已凶。則鼻炎不易破矣。况形以氣見。色以血呈。凶顯形色。逆亦非淺。虛實同然。補瀉用法。胥舌是準矣。

戲猴出痘

嘗聞俗諺野猴患痘。其機關癰出痘必稀。向者余在巖島。偶見友人畜野猴。教以戲技。一日猴乍伏臥不起。異物不食。且如驚搐狀。翌日面上磊落。生小孢子五六粒。始如血點。痘狀。余問之於狙公。乃云。此即痘也。按尋久。吾曰。胡地極寒。其人無屋居。鮮火食。冒風霜。犯冰雪。腠理極密。若禽獸然。即有胎毒。尙焉別症。不能宣發于皮膚。而爲痘疹。是以胡人不出痘。今野猴過平畜養。失其山野之性。不冒風霜。不犯冰雪。熱食得臥。與人同居。故觸遇疫氣。遂致然歟。抑亦不知野猴皆患痘。而人不遠見之歟。記以備參考。冀世醫諒余苦心至此而已。

初發二日用方

升麻葛根湯 初熱發解痘疹之良方。古方三日前後用之。

升麻 葛根 芍藥 甘草各等分

右四味剉細。水一盞煎七分去滓。溫服無時。一方加羌活。

和解湯 古方三日前後用之。

升麻 芍藥 葛根 人參 川芎 防風 羌活 甘草各等分

右入味。生薑三片。水煎溫服。

加減升麻湯。無論痘與非痘。但見嬰兒身熱。呵欠煩悶。睡中驚悸。嘔噴眼淚。鼻出氣粗。手足酸軟。即宜與服。如有雜證。再兼雜證藥治之。

升麻 乾葛 芍藥 甘草 前胡 紫蘇 當歸 連翹 桔梗

右九味。水一鍾半。薑三片。葱白三寸。煎服取微汗為度。如有汗。當以小劑疎發之。

敗毒和中散。發汗之後。或身熱不退。而煩燥者。且勿峻攻。姑少待之。其或煩悶燥渴。而妄語者。此散清之。

連翹 牛蒡子各等分 酒炒黃連 枳殼炒各七分 防風 荆芥各五分 桔梗四分 前胡五分

升麻 紫草茸酒洗家 蟬退去頭尾 小川芎各四分 木通五分 甘草四分 麥門冬去心八分

共十五味。大便秘結者。加酒炒大黃一錢。微利之。不秘者勿加。服此覺煩悶少解。即止勿服。聽其痘出外。

則中自安也。

導赤散。凡痘發熱。有驚搐者服之。

木通 生地黃 防風 薄荷

右燈心引。共五味煎服。加辰砂末可也。或加蟬退牛蒡子。

清解散。治毒氣壅盛於內。不能驟發於外。而驚搐狂躁者。

防風 荆芥 蟬退 小川芎各四分 升麻五分 甘草三分 酒炒芩連 木通各六分

桔梗四分 前胡 乾葛各五分 紫草茸家用根六分 山查肉八分 牛蒡子 連翹各七分

右共十六味。生薑三片。同煎溫服。

溫中益氣湯 治血氣虛弱。不送毒氣出。而驚搐狂躁者。

人參

白朮炒各五分

黃芪生人各五分

當歸酒洗

白茯苓各六分

炙甘草

川芎各四分

白芷

防風各三分

南木香

官桂各二分

山查肉六分

右共十二味。生薑一片。大棗一枚。同煎。一服中病即止。

疏肝透毒散

僵蚕炒四分

蟬退二分

薄荷二分

鈎藤六分

青皮七分

木通三分

前胡六分

山查錢二

羌活四分

荆芥三分

加燈草一分。薑二分。水煎溫服。按氣血虛弱。而表虛汗多者勿用。

羌活散湯 專治實熱擁盛。鬱遏不得透表者。

防風

羌活

白芷

荆芥

桔梗

地骨皮

川芎

連翹

甘草

紫根草

大腹皮

鳳粘子

右十二味。爲粗散。水一鍾。燈心十根。煎六分溫服。

麻黃解表湯 治勞苦之人。皮膚粗厚。腠理閉密。及外感風寒。其痘被外邪所遏。而不易出者。

麻黃去根節酒炒黑

升麻

羌活

葛根

防風

大力子炒

荆芥

甘草

蟬退

桔梗

右十味。各等分。水煎入燒人糞同服。

加味升麻葛根湯 此一方即是傷寒之劑。痘疹服之。發汗亦無妨。

白粉葛一錢

升麻八分

芍藥六分

小川芎四分

甘草三分

山查肉八分

牛蒡子五分炒香

桔梗

防風各三分

蘇葉五分

右十味。生薑三片。同煎熱服取汗。

加味參蘇飲 用虛弱之壅塞。為痘未明。而發熱者。

人參三分

蘇葉五分

小川芎

桔梗

前胡各四分

陳皮

甘草各二分

白茯苓五分

粉葛八分

半夏製三分

牛蒡子製四分

山查肉六分

右十二味。生薑三片。同煎熱服取汗。

惺惺散 發熱疑似之間。辨認未真。先以此湯探之。

人參

白朮

白茯苓

天花粉

桔梗

細辛炒

甘草

薄荷各等分

右八味。水一鍾。姜二片煎服。

加減益氣湯 治一發熱。遂頭溫足冷。不渴便澀。面色晄白。或瀉利青穀。嘔食不化。兼身熱呵欠等症。乃氣虛也。

黃芪

沙參易人參一日後

甘草

當歸

川芎五日後宜去之

白朮

陳皮

升麻洗酒少許

桔梗

右九味。水一鍾半。薑一片煎服取煖為度。

停滯腹痛。或瀉酸臭。加山查麴蘖。不停滯。而唯腹痛。瀉酸臭。加干姜芍藥。驚悸加天麻鉤藤。磨安神丸同服。嘔

吐去桔梗。加煨乾薑。瀉泄不止。去當歸。加肉豆蔻。兼與豆蔻丸。四肢冷。加乾姜肉桂。有汗去升麻桔梗。加肉桂。

倍黃芪。產後出痘。加赤地白芍。木香肉桂。氣虛壅塞者。加蟬退地丁。

清涼攻毒飲

涼膈散二方共見放苗

卷四 初發三日用方

六一

安神丸

七味豈癰丸二方共見于後

辨見苗三日諸證

嘗謂痘初見點。便顯顏色榮枯。蓋皮膚黃紅白。而明瑩者。氣血相旺也。然推察頭面之諸位。以預知吉凶悔吝之由。左頰屬於肝。右頰屬於肺。正額屬於心。下頰屬於腎。鼻屬於脾。正額者太陽脈之所會。鼻頰陽明脈之所經。兩耳兩傍。少陽脈之所過。夫痘爲陽毒。故隨陽而見於面也。然陽明胃與大腸。積陳爲朽。氣血俱多。故先於口鼻兩傍。人中上下。兩腮年壽之間。先出先脹。先漿先靨者吉。反之他處先見者。爲險爲逆矣。先現一點血。其色淡紅而大者稀。紅赤而小者密也。數點既定。貴圓淨。而嫌破碎。貴高聳。而嫌平塌。貴稀疎。而嫌稠密。唯出要參差。耳後項頸心胸。少於他處爲佳。眉稜兩額額前。先潤不帶爲妙。

蓋放苗三日。而生死判然。候之其關鍵。全在面部。面諸陽之會。天庭印堂爲第一。最面部吃緊處。出痘首尾。不過輪氣血毒三者。夫元氣者。以胃氣養之。故能食。脾胃健固。則元氣勝毒。應期收功。故一二日先見。四五日先長。七八日先漿。十一日先靨。若不能食者。毒勝元氣。則內攻外刺爲逆。如痘碎密。而黯灰空瘡者。即死症也。凡眼部以下先見。二三相連出。唇舌紅潤滋潤者。毒無內擁。明見點。而毒礙手。色淡紅滋潤。而身熱漸減者。吉兆也。痘已出。成形者氣也。成暈者血也。兩者均可驗吉凶。決生死。世醫何專言血。而不及氣。氣無形難見。血有形易見。故診氣血之法。痘窠尖圓光活者。氣之充拓也。根暈收緊紅活者。血之榮養也。故見苗色乾枯涸澀者。血虛也。頂陷不突者。氣虛也。塌陷者。氣離也。根散者。血離也。灰白者。氣滯血衰也。焦褐者。血枯也。黑者。毒滯而血乾也。紅變白。白變黃者生。紅變赤。赤變紫。紫變黑者。雖作瘰。而毒沉伏也。發始四日必死。見點隱隱復沒者。六日必死。

辨虛痘俗例

凡見點淡白者。屬氣虛。過赤者。屬熱毒。吐瀉者。屬內虛。便秘者。屬內實。汗出如濡者。屬表虛。肌膚乾枯者。屬表實。謂之初發之六候。唇舌滋潤者。氣血和平。唇舌淡白者。氣血衰損。唇舌赤色者。熱實也。唇舌乾燥者。毒火盛也。唇舌燥裂者。毒火煉血中。白胎通明者。毒炎甚於中。然唇舌微白。亦有多端。舉其一二以示之。凡舌三十六品為病。舌二變為七十二舌。三變為一百四十餘舌。蓋三變決生死。如響之應于聲。唇十八品。亦依此例也。雖然。唇舌之候。秘藏累世。不敢妄傳。若欲得之。則宜入余門以請焉。

凡痘證。有似虛反實者。有似實反虛者。變證百出。千形萬狀。若欲體認變幻。先須知三項。翁氏曰。氣虛之證。初發身熱。手足厥冷。乍涼乍熱。精神倦怠。肌肉脫白。飲食減少。四肢倦怠。睡臥安常。便清自調。虛症無疑。未見點前。用參芪飲。加輕湯發散。如紫蘇防風白芷。見點之後。用參芪飲。加川芎桔梗。見點四日之後。重用參芪飲。隨病加減藥治。

夫痘有純虛者。有純實者。有先實而後轉虛者。有先虛而後轉實者。惟宜斟酌。要隨唇舌治之。丹溪捷徑全書曰。痘瘡出形如平日。皮肉正色者吉。若痘常帶黯黯者文而赤也好而美也。而赤。其後多致瘡塌。不可救也。凡帶黯者。防後日瘡癰之變。為一急著。宜用疎風固表消毒之藥。使氣血充實。邪火漸退。正氣不虧。元氣乾收。如期不亂可也。固陽散火湯主之。蠶繆類編曰。色白皮薄者。必用固陽散火湯主之。去荊芥生地。加白朮茯苓各五分。

凡放苗僅有數粒。色不甚紅。亦不甚白。身體溫和。神情清爽。不暗慮者為順。然其囊裏。累日不見粗肥。皮薄不起者。宜防日後倒陷之患。管橋保赤曰。初出一二日。灰白頂陷不起。或起亦軟。而不礙手。根裏不紅。身涼而靜。此虛寒證也。人參歸芪湯主之。氣滯者少加木香。

發熱見點之時。吐瀉者莫妄用逆藥。毒在上焦者。宜吐而解。毒在下焦者。宜泄而解。毒在中焦者。即從吐瀉而解。

但宜發痘。如至出齊期而不止者。宜止之。孟氏曰。千錢買痘前篇。蓋言熱隨利減也。若痘見點已定。而吐瀉不止者。恐損脾胃。當用人參調中湯。七味豆蔻丸主之。

發始有心氣虛弱。而毒在胸中。嘔吐不止。水食不入者。須急吐之。如當吐而不吐。則必死。吐法忌瓜蒂豆豉之類。必動內氣。轉生煩劇。朱氏曰。有可吐者吐之。吐中有發散意存焉。滴水不入。毒氣逆者。宜吐之。飲食停凝。形色生變。陽氣鬱遏也。宜吐之。氣虛多汗者則忌。吐方用注口訣

附可吐一治驗

張華。阿彌陀池。雜僧年十一歲。出痘於甲辰之春。初熱悠悠。至出齊期。嘔吐不止。始事醫兩三子。以半夏瀉心。或小半夏加茯苓之類。其吐愈劇。而加以唾血。相俱驚惶。以爲不治。辭去。已至五朝。邀余往診之。煩悶不寧。水食下咽即吐。時發狂妄。狀如醉酒。或歌或笑。神氣困憊。終日不寢。面色皓白。痘苗隱隱欲出不出。且唇淡紅。舌白胎通明。手足微涼。便是元氣虛弱。不能發越毒邪於皮膚。而毒在胸中也。治法宜吐。不早圖之。則必至噬臍。幸任余所處。則百無一慮。滿坐大喜。仍用家法吐藥探之。則吐白沫二三口。神氣略快。再吐之。則思食貪眠。乃用補中益氣湯。加減與之。已至六朝。精神爽。睡臥寧。痘囊發峻突之勢。至七八朝。漿色勃勃。紅暈光澤。諸症順美。十二日而全愈。因書以爲握七者之一模云。

痘已出。實熱未盡解。而早用溫補。則熱毒蘊蓄。轉至煩劇。細察其形。詳驗其色。識見不真。先迷向往之途。孟氏曰。察其痘形。淡淡在皮下。不見紅活。唇淡面白。或帶青。脈亦遲緩。雖煩燥狂譫語。亦是血氣虛。而毒氣不出者也。溫中益氣湯主之。

氣虛痘症。父母能守禁忌。善用藥不誤。轉變順候。則元氣充實。腠理堅固。脾胃強健。飲食如常。二便清調。不問已

出未出之證。先以氣虛爲施治之要。朱氏曰。凡一發熱。遂頭溫足冷。不渴便澀。面色皸白。或瀉利青穀。嘔食不化。兼身熱呵欠等證。乃氣虛也。宜益氣湯。加減與之。或錢氏白朮散。加黃芪。四日後。去葛根。加黃芪肉桂。

辨見苗三日清火治例

一日熱即出者。是謂火裏苗痘。如連串爲數者。必作稠密。其痘原屬氣虛。宜急退其熱。當詳視其大密之中。根窠分與不分。顏色鬆與不鬆。及其元氣虛實。年紀大小。若元氣實。年力大者。痘雖稠密。而無畏慮。只要飲食。費連中曰。放點不一日。烈熱乾炮。帶火而出。不論稀密。色紫黯。或嫩紅。其他可知。此是毒烈火。及早圍之。不致日後內潰。急用攻毒清肌發透。不可以初見而玩忽也。清熱解毒湯。或清地退火湯主之。

一發熱已出未出之時。先精究頭面六十之部位。辨認出形之美惡。以成終始之計。是痘家之權機也。蓋山根年壽。鼻兩傍。人中上下。兩腮兩頤之間。乃陽明胃經脈。與太陽脈之所統也。故放苗陸續既出。火熱未減。面上一片。發紅赤色。惟山根鼻準。人中兩腮。兩頤之間。帶皸白色者。必於腸胃之間。有壞爛鼻垢。宜急下之。訣曰。其證腰腹大痛者。逆症也。不治。若腰腹不甚痛者。宜早圍之。十神解毒湯。加大黃石膏。微利之。泄利膿血穢垢數合。而腰腹痛止者吉。若三四日期。誤失下。則遍身瘡色。慘黯凝結。不起發。不潰爛。待盡期。而致不濟焉。頭面六十之部位。其詳見於前卷矣。

凡臨痘爲奇怪之狀者。悉皆由神元不足也。否則夾蛆之證乎。宜詳驗之。丹溪曰。凡痘發熱。有所妄見。而謔語者。或昏昏好睡。夢中言語喃喃者。或狂妄欲走。循衣摸床者。皆毒氣內攻。神識不清故也。急用鎮神解毒之藥。辰砂導赤湯主之。人事清爽。神彩復舊者生。若連綿不止者。魂魄將離之兆也。

一二日。既熱欲放苗。而點不成。窠粒者。或已熱。先從手足見點者。或已熱。頭面放點。如蚊點蚤斑者。或已熱。遍身

處處如堆粟。或已熟。頭面手足。痘皆已見。已沒。而變紫黑者。必死。是曰五惡痘。又有似此證而非者。宜精察之。切不可模稜之。伎倆而誤人。凡稟賦氣血虛劇。神元不足者。臨局火毒必入心經。四臟紊亂。梟毒沉伏。不能發透于肌肉。而偏纏悉病。故面色慘黯枯萎。額前發青氣。心煩燥悶。痘形不現。是曰鬱伏。不早圖之。則待三日六日而死。翁氏曰。發始痘點略見。已黑陷倒塌。乾枯不起。不作粟粒者。急宜奪命五毒丹。唯實熱未解者。宜於初熱見苗。四五日之間。與之是也。

夫痘黃紅潤。而惡嬌嫩。黃淡紅。而嫌赤紫。黃一色。而不好二色三色。蓋嬌嫩與血熱相類。不可不辨。嬌嫩屬虛。血熱屬實。不可妄以嬌紅者。認爲血熱治之。殺人不少。宜驗唇舌以辨之。翁氏曰。初發已身發壯熱。腮紅臉赤。毛焦色枯。已出未出。三日已前。痘點煩紅。痘色與肉色無異。煩渴欲飲。睡臥不寧。小便赤澀。大便秘結。此血熱也。並皆十神解毒湯。所能治也。

凡臨局躁亂非常。或有作危怪者。世俗不知。以爲神奇。懇祈巫祝而不延醫。坐視其陷鬼錄。孟氏曰。痘瘡發熱見點之時。亂言狂語。見鬼見神。尋衣摸牀。昏睡不醒。此皆毒氣內攻。心神不清所致。宜導赤散。加連翹黃芩犀角木通。或牛黃丸。抱龍丸。辰砂益元散。使小便流利。精神清爽。痘亦漸出。方望生意。若昏倦軟弱。不省人事。口語喃喃不休者。不可治矣。

痘症甚猖獗。舉證言之。凶險繁劇。無所施治。其間有一二屬可治者。豈忍棄之。當於此時。體力不雄。則不見其功。宜不憚三軍。輕扛萬鈞。然後臨之。盧說痘疹要訣曰。痘發之時。言語精神。狂燥悶者。此心火消燥肝血。以致神不安。狂亂如見鬼神。外症紅紫焦燥。壯熱不寧。所謂純陽不陰之證也。退火回生散主之。即退火回生丹也。翁氏曰。治血熱枯證。痘欲出火熱太盛。面眼兩耳俱赤。忽然筋袖白吊者。熱毒壅遏於內也。覆氏曰。幼兒欲出痘。發熱至二三日。全無

痘點形影忽然而發驚搐狀與急驚風一樣者此亦毒氣壅遏不能宣發所致宜用清解散以宣之若時醫不知是出痘誤作急驚風施治或單以寒涼投之以驅痰峻藥下之其兒必死如又發熱如火而發驚厥二便秘結煩太盛口氣粗手足熱痘色紫黯乾紅唇舌燥裂或舌胎乾燥者清涼攻毒飲主之

凡毒火衝突血分則爲血熱矣或痘出不分地界鋪紅肆溢或眼赤如朱或迫血妄行有從口鼻而出者有從大小便而出者有從大肛而下數升者有從癰瘡之頂而出者痘或嫩紅或紫黯或發血泡或發紫泡是皆因毒火猛烈也謂之悶痘諸書所謂痘之失血唯自鼻出者屬可治其餘雖皆絕輕亦有百中一二得生者費氏曰放苗小水有如醃魚汁者有如紅花膏者然以涼血攻毒飲大黃爲君加桃仁每劑和大桑蟲日服二大劑費氏全書提督防毒沈伏者其功甚妙也則煎和藥汁用之

凡大便一日一次爲調一日二次爲利二三日不上則瀉爲秘欲驗痘之順逆以大便通與不通爲虛實之候魏直曰若夾毒初出色赤如火乃毒滯不宣發之故也當以四順清涼飲一服大便去一二次而斑或透則血附氣位即以四君子湯加黃芪養毒進之如利不止可以肉苳蔻丸即止

痘內過身有碎小密如芥子者此夾痧而出也如有肉色鮮紅成片成塊者此夾斑也皆是毒火太盛薰蒸於內故一齊湧出早宜清涼解毒毒氏曰有夾斑而出者有紅赤點而無頭粒多隨出而隨沒又有夾丹而出者紅赤成片如墜頭而突起此皆毒火浮游散漫於皮膚之間也通此者不必驚惶惟用玄參升麻湯一二劑散其游火其痘自退又有夾麻疹而出者用前法加桔梗酒炒黃芩各六分令麻疹先退痘瘡自當起發

附痘內夾痧一逆證

東府一侯家公子年纔三歲染痘于戊午二月上旬一夜發熱次早忽然左手腫如瓜已過曲池衆醫不識其

事而妄療之。驟然驚搐無度。煩悶非常。三日使人延余。往診之。身不甚熱。而時搐時白。吊吐利一兩行。面色皓白。頭汗如濡。唇舌淡紫。神情恍惚。眉宇不宜。照燭觀之。左手掀腫如白疹者。如有如無。隱隱似迷。頭額兩頤。赤點如蚊咬蚤斑者。隱隱於皮下矣。是非難認。衆皆疑之。余曰。是即痘也。是甚爲逆。無策可施。唯待屬續。凡左手先掀腫者。痧證也。痘夾痧出。而速退者。衆邪自解。否則痘毒鬱遏不宜。不能發越于肌標。是謂鬱伏。古來絕無治法。明四日應告變。俟懇懇請治。余峻辭之。乃進敗毒和中散二貼。俟問曰。今夜何如。曰。無慮矣。

凡痘鬱而不出者。三日斃。其期在明日。翌日果然。發始可下。而不下必死矣。痘出二三日。大熱大便秘者。若下之少遲。則煩燥不定。胃爛口臭。口角流血。白睛紅赤。腹脹喘滿。身發紫皴而死矣。所謂痘疹。首尾不可下之說。又一偏之見也。若唇舌滋潤者。雖見危證。忌妄下。必殺人。費氏曰。發始已放點。有唇裂掀腫。甚有焦黑如煤。或口中穢氣不堪。或舌起芒刺。此毒火犯胃。急宜重以清火涼血解毒。必攻之。瀉黃納穀散加大黃主之。或清涼攻毒飲可參考。

如伏火伏毒。燥炙于內。煩躁悶亂。身無暫安放。而痘苗反如水珠。所謂湯湯止沸。不如灶底抽薪。凡痘內火熾灼。則須急投清火。以撲滅火燭焉。其痘自懸突焉。朱氏曰。痘出若瘡白起脫色。唇舌赤紅非虛。三日後漸變紅紫。尙作虛治。誤人不淺。急宜清涼解毒。清熱解毒湯。甚者清涼攻毒飲可參考。

凡痘瘡初出。當視其相去遠近多少何如。相去三五寸一粒者。必輕而稀。勿服藥。如相去一二寸者。頗密。隨痘治之。如三兩成數而出者。必密而重。其後多變痒塌。費氏曰。若皮中窠粒。雖不甚多。色紅不至於紫。而地界不分。身熱未退者。宜托裏清涼。或神功散。加蟬退地丁。如唇舌赤色白胎者。加酒炒黃芩黃連。

凡小兒發頭瘡。或原有遺毒。日久不愈。而因近鄰痘瘡傳染。既觸痘氣。忽然發熱。患痘者爲甚重。若痘輕稀。則十

中可救一二重則必死。朱氏曰：凡患頑瘡未愈，或新愈而見點者，此陽毒也。有頑瘡已愈後，其嫩皮出，瘡復發，非內毒之所為也。但瘡不乾收，不枯燥，雖重不死。初發時，勿攻發，只宜黃氏清熱解毒湯。如痘得潤熱，必易起發。如諸證平準者，用法如常。

見苗二日虛證用方

參芪飲乃保元湯 專治元氣虛弱，精神倦怠，肌肉柔嫩，面青晄白，飲食少進，睡臥寧靜，而不振者。不分已出未出者，皆服。

人參錢一 黃芪錢二 甘草五分初熟生用出定食用

右三味，用水一鍾，姜一片，煎四分，不拘時服。未見點前，加紫蘇、防風、白芷，見點之後，加川芎、桔梗，見點四日之後，重用此湯，隨病加減處治。若四五日間，手足厥冷，冰硬不起，加丁子、肉桂、黃芪、川芎。

固陽散火湯 痘瘡出形，如平日皮膚正色者吉。若瘡色常帶黯，而面色赤，其後多痒塌，而不可救也。但見帶黯者，即防後日痒塌之變，用此湯治之。

人參 黃芪 甘草 歸尾 升麻 葛根

連翹 防風 生地 木通 荊芥

右十一味，水煎服。一方色白皮薄者，去荊芥、生地，加茯苓、白朮各五分。如與此湯，點色已退者，唯補益氣血為要。

人參歸芪湯 治痘頂不起，血不紅活，雖為漿，而皮薄色白，氣血不足，難。

黃芪錢一 人參錢一 甘草八分 當歸錢一 川芎錢一

官桂三分 山查八分 紅花酒洗 白朮糯米水洗八分

右九味。薑一片。水煎溫服。如氣滯者。少加木香。

人參調中湯 若痘見苗已定。而吐瀉猶不止。恐損脾胃。兼與七味散同服。或參苓白朮散類。

人參 黃芪炙 白朮 甘草 木香 白芍酒洗 陳皮

右七味。水一鍾。棗一枚煎服。

錢氏白朮散 治因吐瀉脾胃虛。而出不快者。

人參 白朮 茯苓 木香 藿香 乾葛 甘草

右七味。水煎服。

補中益氣湯 治氣虛出不快者。

黃芪二錢 人參 白朮 當歸 柴胡 升麻 陳皮各一錢 甘草五錢

右共八味。生薑煎服。

清火用方

清熱解毒湯 治痘放點乾紅。色滯壯熱煩燥者。

山查二錢 滑石三錢 前胡七分 地丁四分 黃連六分 荆芥穗 紅花

蟬退 木通各三分 牛蒡錢一 丹皮 青皮各七分 生地二錢 加燈心一分

右共十四味。水煎服。

清地退火湯 凡痘不退熱而出。名爲火裏苗。急用此方。以退其熱。則後無青黑乾陷之患。

地骨皮一分

地膚子九分

牛蒡子炒研七分

柴胡一分

紫草根八分用糯米汁水製通

乾葛

連翹六分

當歸五分

木通三分

蟬退二分

右共十味。外用姜一片。水煎服。如熱不退。再服一劑。或製末藥。燈心湯下亦好。或加犀角汁。

十神解毒湯 治遍身發壯熱。腮紅臉赤。毛焦色枯。已出未出。三日已前。痘點煩紅。燥渴欲飲。睡臥不寧。蓋嬌紅與血熱。其色相類。嬌紅屬虛。血熱屬實。若小便赤澀者。此熱盛也。並皆治之。

當歸

生地黃

紅花

牡丹皮

連翹

川芎

赤芍藥

桔梗

大腹皮

木通

右共十味。心印有甘草。已上並用燈心十四根。水煎溫服。身熱壯盛。加葛根前胡。毒盛綿密加荆芥

鼠粘。湯加天花竹葉滑石。小便尿血。加犀角山梔。大便黑。加犀角黃連或桃仁。吐血乾嘔。加黃連犀

角。發紅斑。加犀角黃芩黃柏山梔子玄參。小便赤。加山梔。唾血。加犀角黃連茅根。小便短澀。加猪苓澤

瀉。小便秘。加滑石瞿麥。大便秘。加枳殼前胡大黃。煩燥。加麥門冬天花粉。煩渴狂亂譫語。加知母麥

門冬石膏。咽喉痛。加甘草鼠粘子荊芥。嘔。加橘皮。泄瀉。加猪苓澤瀉防風。毒壅血熱者。加蟬退地丁。

導赤散 治內攻心神。不清者。

木通

生地

甘草各等分

淡竹葉三十

一方有麥門冬

右四味。水一鍾。煎服。加連翹黃芩犀角木通。牛黃清心丸。抱龍丸。辰砂益元散。退火回生丹。可兼與。已上四

後

辰砂導赤湯 謹語狂言。見鬼神。皆緣熱毒亂天君。用之安魂。莫聽巫師。多誤人矣。

人參 白茯苓 黃連炒 山梔仁炒 石膏清 木通 麥門冬 辰砂研 牛黃研

右七味。燈心引水煎。入竹瀝。調長沙牛黃末同服。若因蛔厥。見此證者。宜黃連安蛔湯。

清涼攻毒飲 治痘瘡大熱如火。紫黯深紅。煩渴顛狂者。此湯主之。

石膏三錢至五錢 黃連一錢至三錢 大黃三錢至六錢 木通 紅花 荊芥穗各四分

牛蒡一錢五分 犀角磨汁三分 生地三錢至五錢 丹皮一錢 青皮七分 地丁一錢

加燈草一分。共十三味。水煎。

涼血攻毒飲 治痘毒火內伏。煩渴躁亂。身體反涼。痘色紫黯。紅微。夜無眠者。此湯主之。

大黃二錢 荊芥五錢 木通四分 牛蒡 丹皮 紫草各一錢

赤芍八分 葛根七分 蟬退四分 青皮七分 生地四錢 紅花四分

加燈心一分。共十三味。水煎服。如失血甚者。大黃為君。加桃仁。每劑和大桑蟲。日服二大劑。

四順清涼飲 治裏熱大便秘者。

當歸 白芍 大黃 甘草

右四味。剉細。水一盞。煎七分。去滓。食前服。如便泄後。諸症穩者。四君子湯。加黃芪。麥棗。進之。如利不止者。加肉

苳蔻止之。

玄參升麻湯 治初發夾斑丹。疹出者。

玄參 升麻各二分 甘草八分 防風 荊芥 大力子各六分

右六味。水煎溫服。有夾麻疹而出者。用此湯。加桔梗。酒炒黃芩。各六分。令麻疹先退。痘疹自起發。

瀉黃納穀散 治痘邪熱犯胃。胃口燥裂。口中膩渴。甚至舌起芒刺。嘴黑如煤。漿後身猶壯熱。而不思食者。此湯主之。

石膏 黃連 生地 丹皮 木通 炙甘草 生甘草 牛蒡 山查 荊芥穗
右十味。重者加大黃。外加燈心。水煎。

清補用方

托裏清補湯 治氣虛毒壅者。

人參 黃芪 當歸 川芎 厚朴 防風 桔梗
白芍 白芷 木香 牛蒡子 地丁 黃芩酒炒 甘草
右共十四味。水煎溫服。

九味神功散 此方初出。而稠密紅紫。或帶焦黑色者可用。宜不拘時服之。

黃芪生 人參 赤芍 紫草根 生地 紅花 前胡 大力子各等分 甘草湯

右共九味。劉水煎溫服。熱甚者去參芪。加酒炒黃芪黃連。若大便秘者。加酒炒大黃。有驚搐者。加蟬蛻。

溫中益氣湯見初 四君子湯見起

安善治痘者。猶輪扁之斲輪。得之乎手。而應之乎心。雖有數千百之方法也。至其妙處。究竟在乎心會意領而已。讀者切無守株待兔。膠柱鼓瑟而可也。

痘科辨要卷五

東都醫官應奉
科兼醫學教授

池田獨美瑞仙著

播州長瀬春臺 徵

男 瑞啓 參 門人

石州井關道益延年 校

男 瑞英 訂

浪華池田瑞見幸德

辨起脹三日

凡事得其宜則猶順風掛帆。熟路著鞭。一舉千里。其勢順也。不得其宜則雖船于陸。御車于水。不進跬步。其勢逆也。治痘之術。以辨順逆爲要。世之從事於斯者。曖昧模糊。不辨順逆。遇其逆證。不知爲逆。而妄投促死之藥。或雖知爲逆。而強望微倖之功。人命之重。翫之於寸匙之上。縱令不愧於人。不忤于心乎。治痘當作是觀。

三四日痘出當齊。點至足心。勢方安定。唯須觀痘形之勢。以知氣血壯弱。及受毒淺深。其形尖圓光澤。氣滿血榮者順也。反之則逆也。驗其唇舌。以辨證之陰陽。推其部位。以明五臟六腑。氣血盈虧之候。治痘之要。不過乎此。四五日氣會血附。紅活鮮明。痘頂放光而白。而唇舌滋潤。內外俱無擁遏之憂者順也。如三四日。綿密似蠶種。及紫赤乾涸。而頂陷者險也。如五六日。雖氣旺而血不歸附。其色灰陷。或水泡瘡。破碎浮衣。氣背血散者逆也。必死。如三四日。根窠已起。但色不光壯。血暈纏繞。而頂陷者。此雖險而尚有生意。如五六日。雖氣旺而血附不厚。其色晄白不榮。或帶昏黯灰紫者。爲險。凡順者不待投藥而愈。逆者治之。不能奏效。却招人之毀。險者藥之所及。宜以唇舌細認三項之症矣。

辨起脹三日治例

卷五 辨起脹三日 辨起脹三日治例

凡放標定而漸漸起脹。痘瘡肥胖一分。是毒發出一分。肥胖十分。則毒亦出盡也。如於此時。有不起者。驗瘡色與唇舌以辨之。魏氏曰。三四日期頂陷者。血亦難聚。險者爲氣弱。不能領袖其血也。以保元湯。加川芎肉桂。扶陽益陰。豈有不痊者哉。便不實者。大保元湯主之。如便青滑者。加丁子五粒。

又有至期峻突者。是氣血壯也。或有因元氣素弱。而束領不起者。或有因氣血凝滯。而不得發透者。細察內外諸證。多是於發熱放苗之時。調攝失宜故也。不早圖之。則後必難爲矣。朱氏曰。三四日氣虛寒。則頂陷不起。按不堅實。摸不礙手。形不起脹。血虛寒則根窠淡白。或清。言冷或細。言隱伏不起者或亂。言隱隱出而復不起者或無。言出而復不起者或瘡上如瘰癧。毛豎起。枯澀不活動。宜用以參芪補氣。芎歸以補血。肉桂以溫寒。六日後瘡多。可加丁子以溫內。磨入木香。以行滯氣。辨明陰陽。唇舌是準。人參歸耆湯。或大保元湯主之。

夫痘證。有裏寒而虛者。有表寒而虛者。故發始雖實熱燔灼。而妄勿清涼大過。如其雖表色未解者。宜斟酌治之。詳唇舌紅不。以爲則。翁氏曰。痘始出之時。雖爲血熱擁遏。至於三四日後。身反不熱。肌膚冰冷。痘不長。爲得不進溫和之劑。如肉桂乾姜川芎之類。使內氣一煖。則外氣自和。泄瀉之後。其內必虛。雖腹脹煩渴喘急。爲得復爲實熱。不過內虛陷伏成內攻而然。夫實熱之症。七八日曾經泄瀉。皆從虛治之。有木香異攻之證。進木香異攻之二散爲貴。

痘之圓壘。以氣血爲主。是故氣不可虧。虧則陽會不及。而圓壘之形不成。血不可盈。盈則陰乘陽位。而倒陷之禍立至矣。孫氏曰。四日來。起壯肥大。中有一小孔。自頂直下。至根脚。不黑不白。與痘色相等者。此名蛙痘。由表虛膜埋疎而然。若不早圖。則大洩元氣。不能起發。急用大保元湯。大加糯米。提起內膿。以實其孔。庶致佳兆。二三劑後。孔自塞滿。如至六日。尙不塞滿者。急宜參歸鹿茸湯。加肉桂丁子。若虛寒者。加熱附子五分。

痘欲出而泄者吉。放苗位定而泄利不止者。急止之。如至四五日。便一泄。則熱氣自散。神氣自虛者。痘之常候也。禁用清涼。如泄後續續。腸鳴下氣者。內虛也。如滑泄黃無臭氣。色青白而小水清利者。虛寒也。如痘色淡白。唇舌淡白虛冷者。表裏俱虛寒也。急宜峻補。孫氏曰。脾胃虛弱。飲食不化而泄瀉者。其泄滑利而色帶白。宜用朮苓藳脾散主之。又曰。泄而黃青白。泄利者。虛寒也。痘色必淡白。參朮散主之。如虛滑不止。兼七味薑朮丸。萬氏曰。如四日後。忽然泄瀉。此宜急止之。恐腸胃虛寒氣脫也。須辨冷熱虛實。如瀉而手足冷。面色青白。瘡不紅綻者。冷證也。理中湯。或益黃散。荳蔻丸。甚則陳氏木香散。異攻散。各當其證。則皆可用也。

嬌紅嬌嫩嬌艷。俱一證也。此原表裏俱虛。一齊湧出之象也。俗醫觀痘出二三日。起發鮮明。而虛脹者。愛其嬌艷。以爲順痘。不置諸慮。或誤失治。六日後發痒塌。九日而死。此坐不熱鍊斯術。可勝歎乎。朱氏曰。五六日當起脹時。有一等光活可愛。嬌嫩艷觀。手捺之破。燈照之如琉璃。此假脹也。又名空歡喜。急救衰則或幸活。不則必癰塌而死。治之初發忌升發之劑。惟宜固表散火湯。三四日後。大保元湯。加丁子糯米。或人參歸耆湯。宜參用。如六日後。瘡色虛澀者。宜參歸鹿茸湯與之。若泄瀉者勿與。別有口訣

痘出三四日。面先虛浮。眼先封者。險而兼逆。是所謂進銳者。退速者也。即氣虛一齊湧出之象。如至六日皺癢者。九日必死。又瘡密而七日後。眼不封。鼻不塞者。虛之極也。急防向來倒陷之患。費氏曰。五六日期。表裏無邪雖無阻礙。氣血虛弱。痘雖起發。而少光壯。淡白而不蒼老。眼不甚封。鼻不甚塞。腳雖不塌。項不能旋。體靜溫和者。稍稍解毒。中即當補益氣血。溫中保脾。如保元湯。加芎歸木香姜朮白芷山查。用解毒一二味。以預防後泄瀉。倒陷之患。

夫痘提升爲要。內氣上行則生。內氣下行則死。故五六日後。眼鼻不封塞。而大孔時下氣者逆也。痘毒所謂。六日

後專用溫補。若虛寒甚者。峻補之。補瀉之。要無他。以唇舌爲著。翁氏曰。三四日續續不齊。不易長大。五六日不易成漿。少食氣餒。傷食易泄。七八日期。塌陷灰白不起。自汗微渴。或腹脹喘滿。泄瀉塌瘁。寒戰咬牙。頭溫足冷。勢所必至也。驗唇舌紅白。以宜峻補。異攻散。或回陽反本湯。或參附湯。宜參用。

凡痘出四日後。稟氣壯者。氣有餘也。紅暈潤澤者。血有餘也。氣血有餘。則表裏俱實。不須服藥。萬氏曰。如形長大。而色枯燥者。此氣至而血不榮。宜四物湯。加人參麥門冬。色紅潤而形平陷者。血至氣不充也。宜四君子湯。加黃芪官桂川芎。形陷色枯萎者。此氣血俱不足也。宜十全大補湯。或和大桑蟲汁與之。

凡痘證氣虛血實者。證之常也。故痘多屬血熱。如首尾唇舌滋潤潔淨者。裏內爲平。不須加治。薛氏曰。已出五六日。不能長。而不生膿。或痒塌者。參芪四聖散。或排膿托裏散。主之。

稟賦虛弱痘證。或痘前曾嬰大病。未全復。爲初熱所困。至四五日。瘡邊滯不進。唇舌滋潤。或潔淨。或淡紅。時微塌者。只用加減益氣湯。兼與獨參湯可也。如未至大虛之前。唯培其脾元。以助運化收結而已。薛氏曰。治陽虛痘證。不起發。不紅活。或膿清不凝。或結痂遲緩。或痘痕色白。或嫩軟不固。或膿水不乾。或癢。或畏風寒者。宜獨參湯主之。

附經大病氣血未復忽然患痘一治驗

張華小西伊兵衛。一子年十歲。患痘於癸丑之仲冬。放苗三日。急邀余往目之。形體虛瘦。手足如柴。顏色愁鬱。天柱不舉。余怪問其故。父母答曰。患疫未日。一夜大熱如炮。醫以爲再感治之。余曰。是痘也。蓋痘者以氣血成。始終之功。乃闢此兒。氣血大虛。唯所害者。雖陸續出。未便環跳之處。雖頂陷繼至。稍有懸意。將內症論之。則斷于逆。將形色言之。則顯于險。雖然。顧養脾胃。補益氣血。則應成領較之續。舉家大喜。便以加減益氣湯。加蟬退。

與之。次早診之。虛瘡略有紅意。尙與前方。加人參三分。肉桂二分。黃及五朝。眉宇微緩。陷瘡爭分光。然腹食未寧。因與大保元湯。兼用獨參半劑。六朝仍因本方。加減與之。方曉安睡。神情且清。次日寢囊突起。瘡腹稍鬆。黃及八朝。瘡色沛然。與以糯米粥。意色甚喜。九朝眼鼻封塞未全。而口角轉有收意。即以補中益氣湯。如法治之。已至十朝。頭面堆結而收痂厚。身體雖欠肥潤。神情逐日輕快。乃以補脾滲濕之劑。及十二朝。腫胖盡退。惟上唇如嘴腫硬。是欲發口疳之兆也。以胭脂膏。和金不換塗之。與當歸連翹飲治之。至三十八朝。而全平復。瘡至五六日。大便一泄利。忽然陽氣脫者。急宜峻補。薛氏曰。古法治瘡。瘡陽氣虛寒。咬牙寒戰。手足並冷。或吐瀉不食。飲沸湯不知熱。用獨參湯。加好真附子炮如法者。每劑先加一錢。未應多加之。更不應加至四五錢。或等分亦無妨。俱用之以運其陽氣。如已脫者不治。用法煎法俱有訣。翁氏曰。氣虛症候盡具。而用峻補之劑。陽氣尙脫者不治。他無治法必死。

辨起脹三日清火治例

瘡出位定後。欲知透與不透。要於手足細察。四五欲知足與不足。要於頭額詳驗。七八大都於天庭印堂輔官兩太陽邊。有幾點悅目可愛。又不瑣屑不至斜。則雖遍身稠密模糊。亦可望生。瘡書曰。出齊後四五六日內。其時日十分緊要。其形色雖候最宜精察。蓋好瘡全要膿漿濃滿。是六日其次亦要六七分膿。七八日膿色六分者爲膿可治方可保無慮。一齊形色顯然。其膿之成與不成。候六足與不足七日足與不足。候八皆可逆觀矣。除以上順候。自然膿足。不必服藥外。其有不順者。後必無膿。或膿少而清。急於此三日內。指四五觀形察色。分別寒熱虛實。用藥調治。以爲膿漿收結計。猶可及也。

治瘡先詳審八經。推察四節。便以內外因爲準。故唇燥舌胎。內不平也。否則內平也。形瘳色枯。外不平也。否則外

平也。故唇舌滋潤。內外俱和平者。不可妄行下法殺人。朱氏曰。行升散後。指見點四日間。指三指有煩燥悶亂。作渴不食。唇腫腹脹。或大便秘澀。或瀉清黃水。外則乾枯焦紫者。四五日上。以涼膈散。加蜜下之。行下雖遲。不過六日。以救其陰。六日後好行補。指七八。若四日上。便失下。指五使熱濕鬱結於胃。七日以上。定作泄瀉而死。若腹膨脹。大便秘結。唇燥舌胎乾燥者。以調胃承氣湯利之。胡氏曰。可下。季少陽曰。初泄者後結生。初結者後泄死。脾濕不洩。泄泄不禁而死。

痘出四五日來。有雖成窠而白泡乾涸。空地赤色。內火太盛。二便秘。無胎唇舌燥裂。元氣昏憤者。黃氏曰。此痘以氣虛治。助其烈火。閉其毛竅。不得發洩其外。浮衣勢必破碎。如乾豆皮。內裏肉色。燥赤如刺。免并空曠之地。赤色散漫游紅。煩燥擾亂。而莫可救藥矣。似是而非。不可不明辨矣。涼血攻毒飲主之。

發始不大熱。而痘出。乾紅帶色。頂焦四陷者。蓋屬倒陷倒塌。此症自五陷成。不可不辨。五陷者。白陷灰陷。翟氏曰。痘出稠密。到三四日。紅紫而頂陷者。紫陷也。甚則轉為黑陷。此毒熱熾盛。蔽其血而陷也。仍用清毒活血湯治之。隨其症加減用之。然當其紫陷時。不過一二劑。而痘立起。其效如神。及至黑陷。則受毒已深。雖用此方救療。而活者十僅二三。若不及。則涼血攻毒飲可參考。若又黑陷。唇舌淡白者。白花蛇散主之。

發始熱微。逐日內火太盛。至四五日愈劇。連五六日。猶未解。有口氣如火。及雙唇燥裂。舌胎如粉。囊裏焦燥而乾涸者。黃氏曰。假令毒火發見于外。熱如火熾。煩燥不已。口氣如爐。不拘在氣在血。均以石膏。連犀角。金汁等藥。以制其陽光烈火。庶氣血兩不受炙。痘其得以起脹而榮潤矣。愈宜清涼攻毒飲主之。或涼膈散。若熱毒入心經。而狂躁不知人事者。古法猶尾膏。間亦用之。而虛弱者忌用。以其性悍猛之故也。或奪命五毒丹。可參用矣。

附火極一治驗

京師針口雇伊吳衛甥。年十有三。發熱不一日。次早見苗。體甚狂躁。始事者。凡十有二。皆言不治而去。時有小林順堂者。與余甚善。致書請余。往觀之。乃放苗四日也。其體身腫如爐。耳目且紅。口氣如火。燥渴最甚。且熱察之。靜則昏憤如迷。躁則似魚失水。轉語狂妄。二便秘結。唇燥裂及舌炕。炕者謂白胎是明痘隱躍于皮下。紅色且深。毒火燔灼。氣血不相依。而失負載之功。是乃火極之象也。始事者。皆知攻表之理。而不知治痘不可一定。繆投升散之劑。故致此鼻。可憐其未得對病之劑。而坐視棄之。今日之策。當先攻其裏。遲及明日。斷不可爲。乃以涼血攻毒飲。加石膏大黃。與之。且退火回生丹。加牛黃末貳分。和冷水進之。徹夜靜恬安眠。次早下利黑便。六朝又下數枚。胸膈略爽。因以前劑。減石膏大黃。及七朝始認知。傍人即進白粥甚喜。且利滑便。如膠者數合。火毒漸退。內外轉鬆。乃以內托之劑。微加清涼。已及八朝。漿色半足。九朝癢食俱寧。口渴未止。至十一朝。面部略有收意。手足盤痕嫩赤。煩渴頻頻。是餘炎未盡。而爲膈消也。因以人參白虎湯。加黃連。令一晝夜服七貼。實至十四朝。口渴自休。痂厚收結。已及十六朝。頭項項頸。發腫毒數塊。即以大連翹飲。實至三十五朝。始得全功。千金之珠。必在驪龍領下。獲之甚艱。醫之得奇續神功。亦在險逆之症。爲痘者其可以易而求之哉。

辨清補治例

痘出血熱壅遏。則有用某藥。得內外分消。而無餘證。於是更拘日期。與托裏行漿。則有熱毒反蘊。痘色煩紅。因症疊出。朱氏曰。治血熱痘證。服藥後熱毒悉退。內外和平。惟不易長大者。加減排膿湯主之。然此雖保和元氣。活血行滯。以助痘成功。而前證未除。還當服十神解毒湯。不可拘以日程。而遽用之。痘出雖掀發。而有兩顯通赤如餅。昏憤而寒氣虛者。孫朋來痘疹心印曰。四五日痘色不宜紅紫。乃熱毒不化。若血熱仍當涼血解毒。寒氣虛者。保元湯。加紫草木通紅花生地之類解之。

痘出氣血虛弱。毒氣盛熾。不能發透。兼虛兼實。遲滯不成。而難任溫補。難任清涼者。宜以清補之味保全之。孫氏曰。五六日起脹時。又有一種。出痘稠密。毒火既盛。然元氣虛血氣弱。津液枯竭。不能制火。以致虛火炎蒸。或煩或渴。或咽喉痛。或鼻時出血。難任溫補。痘必不能成。幾結痂。大凡年長之男女。嗜慾久開。血氣既耗者。多有此證。最爲難治。今特製參麥清補湯以調之。

發始身熱不一日。而見苗者。謂火裏苗。必稠密而無空隙。其症甚重。若唇舌赤色乾燥者。早宜用清毒行血之劑。若唇舌淡白者。忌之。醫家金鑑曰。痘不當收斂之時。忽一時收斂者。更現痘週身粟粒。乾燥口渴。發熱煩燥不寧。此毒火壅盛之故也。宜用清毒散主之。

凡四五日候。頂陷焦紫者。毒盛熱實之象也。如窠囊大。而色淡白。以手擬之。皮薄而起皺紋。軟寬者。表虛也。氣虛也。形大而掀發。根暈赤紅。枯澀皮薄者。氣虛毒盛也。滿頂紅如海棠紅者。氣虛血乘氣位而滯也。謂之嬌紅。屬氣血兩虛。痘瘡平陷。肉色與痘色俱赤紫者。血熱毒未解也。痘色淡白。頂陷根暈散蔓者。陽虛也。氣虛也。痘色淡白。與陳地無異。偏身見青筋者。血虛也。如毒盛熱實者。宜清涼解毒。如皮薄表虛者。宜參芪補托。如頂平陷嬌寬者。宜補益氣血。如血熱未解者。宜涼血活血。安表和中。如血滯不運者。于活血行血中。兼補氣。如毒盛氣虛者。于補托中。微兼解毒。如熱毒未盡解。氣虛者。于補托中。微兼清涼。如偏氣虛頂陷者。重以補益溫補之力。如偏血虛瘡白陷者。重于滋補中。以參芪大補之功。然惟面上一二悅目可愛者。有鼎峻之勢。則驗唇舌潤燥紅白。以爲用藥之準。用藥不失其期。則陷者突。枯者蘇。軟者實。薄者厚。而生生之道。存于此矣。是治痘之圖括也。

五六日候。痘頂白者。氣之充也。根紅者。血之榮也。氣血兩分。而後明潤紅活者。始終無慮矣。凡痘出以七日。爲界限之日。乃氣血毒之三者。悉發出于外。則內乃空虛也。故六日後。必行溫補。以使內氣實爲要。蓋以其常言之一

二日宜升散。四日上機用清法。但辨唇舌紅不。而虛者速清求補。又四日上大便秘者。機行下法微利之。行下雖遲。不過六日。若唇舌滋潤者。忌下殺人。如不虛不實者。以平劑治之。然至六日天午。從輕之輕重。用補益溫補。宜托裏行散。雖遲不過八日。若加不順者。雖十日後。亦宜溫補峻補。如腹足之後。補湯太過。恐有癰毒。眼疾口瘡之患。是醫之過也。如瘡平準者。勿服藥矣。又至十日。不結痂者。於補脾滋濕中。微加解毒治之。治瘡之法。大略如斯。但當以唇舌易脈。驗其潤燥紅白。以爲用藥之則。古人復起。不易吾言矣。

起脹三日虛瘡用方

保元湯 瘡出位定後。輕平準者。加川芎。桔梗。扶陽益陰。或陽氣不足者。加肉桂。豈有不痊者哉。方見放苗

大保元湯 治頂陷。根窠雖紅。而皮軟且薄。血有餘氣不足者。

黃芪二錢 人參五分

甘草一錢 官桂五分 白朮炒一錢 川芎一錢

右共六味。加姜棗水煎溫服。如氣不行。去肉桂。加木香。若不食。加人乳半鍾。

木香散 治瘡灰白。裏虛內虛。泄瀉腹脹。其效如神。若無灰白泄瀉等證。勿用。

桂心 青皮 木香 腹皮 人參 赤茯苓

前胡 訶子 半夏 丁子 甘草各等分

右共十一味。每服五錢。姜三片。水一大鍾。煎六分服。

異攻散 治瘡表虛燥瘁。內虛泄瀉。腹脹喘急。悶亂煩渴。寒戰咬牙。頭暈足冷者。急宜服之。

木香 肉桂 當歸 人參 白朮 陳皮

厚朴 丁子 茯苓 肉藥各七分 附子 半夏各五分

右共十二味。每服五錢。生薑三片。棗二枚。水一大鍾。煎六分溫服。朱巽曰。此原兩方。予參合之。名木香異攻散。凡瘧至八九日。見虛寒種種。即與服。奏速功。

朮苓調脾散 治脾氣虛弱。飲食不化。而泄瀉其色帶白者。

白朮 去蘆皮炒

白茯苓 各五分

白芍 酒炒

神麴

炙甘草 各五分

白扁豆 去蘆皮炒

砂仁

炒香附

製厚朴 各三分

右共九味。煨薑三片。大棗一枚同煎。或加人參。

益黃散 治脾虛寒。

陳皮 兩

丁香

青皮

炙甘草

訶子肉 各半兩

右共五味爲末。每服二錢。水一盞。煎六分。去滓溫服。一方加木香三分。

四物湯 治瘦形長大。而血色枯燥者。此氣至而不榮者也。以本方加人參麥門冬治之。

當歸

熟地

芍藥

川芎 各等分

水煎服。

四君子湯 治色紅潤。而形平陷者。此血至而氣不充者也。以本方加黃芪肉桂川芎治之。

人參

白朮

白茯苓 各等分

甘草 半兩

生薑一片。棗肉一枚。共水煎服。

十全大補湯 治形平陷而色枯萎者。此氣血俱不足也。以本方合無價散治之。無價散方見于後

物湯。名八珍湯。加黃芪肉桂。名十全大補湯。

即四君子湯。合四

加味四聖散 治痘瘡已出五六日不能長不生膿或痒塌者。

當歸 芍藥炒 黃芪 川芎各五分 白朮

茯苓 紫草 木通 防風各三分 糯米二百粒

右十味水煎服。

獨參湯 治虛弱痘證四日後諸症不穩者。

人參去蘆一兩 生薑五片 棗五枚 水二鍾煎八分徐徐溫服大人乳母亦服。

參附湯 治痘瘡五日後純陰無陽者。

人參去蘆一兩 真附子一錢或二錢 生薑五片 棗五枚。

右以水三鍾慢火先煎熟附子至一鍾半加入人參薑兩煎一鍾去滓頻頻溫服。朱巽曰人參補元氣生津液。

定虛喘退虛此雖良藥然用之不當則殺人用之舌無黃胎乾燥痘無焦色紫赤方可每用三分五分以至五

錢八錢一兩止舌色如常止用三五七分淡白者二錢三錢淡白之極須五錢或壹兩膿漿將足舌色漸紅即

宜減至一錢五分三分移在隨唇舌之色轉之若痘密色紅四五日不得排膿者十神湯內可加四五分名喚

漿法。

加減排膿湯 治血熱痘證服藥後熱症悉退內外和平惟不易長大者用之凡此藥保和元氣活血行滯以助

痘成功如前症未除還當服十神解毒不可拘以日程而遽用此也慎之慎之。

當歸 川芎 白芍 人參初發有動勢之勢以沙參易用亦可 陳皮

甘草 白芷 山查 木通 桔梗

右十味。水一鐘半。黃豆廿一粒。芽嘴五箇煎服。不拘時。至六日後。當易糯米爲引。

膽導法 此通大便秘結之良方也。不損中氣。強如用藥。用大猪膽一枚。以鵝翎筒兩頭截齊。一頭入膽中。線牢扎定。吹令氣滿。納入穀道中。直待氣通取去。

起脹三日清火用方

涼膈散 治痘疹表裏俱熱。純陽無陰之證。

大黃 朴硝 甘草各半錢 連翹錢一 山梔 黃芩 薄荷各二錢半 淡竹葉五

右八味。剉細作一服。水一盞。煎八分。去渣入蜜一匙。和勻服。或黃連解毒湯。合白虎湯亦可。

黃連解毒湯 治心熱如灼。煩渴躁悶者。

黃連 黃芩 黃柏 山梔各等分 一方有連翹。

白虎湯 治大渴引飲者。

知母 石膏 甘草 糯米 水煎溫服。

三乙承氣湯 治實熱證。壅遏于陽明。而胃家實。大便秘結者。

大黃 芒硝 厚朴各一錢 甘草五分

右四味。水一盞。加薑一片。煎七分。去滓食前服。

清毒活血湯 凡痘色紅紫乾枯。或帶焦黑者。此湯主之。

紫草茸家用根 當歸俱酒洗 前胡 牛蒡子 木通各六分 連翹 生地黃 生白芍俱酒洗

桔梗各五分 黃芩酒炒 黃連酒炒各七分 甘草四分 山查肉分 人參 生黃芪八分

右共十五味。生薑一片同煎。煩渴者。去參芪。加麥門冬酒炒花粉。

寶氣散 治痘血至而氣不至。歸附則厚。邪般不長。或平或陷。不充應者。

丹皮 荊芥 青皮 山查 穿山甲 牛蒡 木通 赤芍 僵蚕 蟬退

右共十味。加蘆葦十株。臨服和大桑蟲汁。

清補用方

參麥清補湯 氣血虛弱。毒氣熾盛。瘡色淡白。是虛火炎蒸。偏難任溫補。偏難任清涼者。此湯治之。清補之良劑也。

人參八分 麥門冬二分 生黃芪錢一 白葛粉錢一 前胡 牛蒡子各五分

炙甘草三分 酒炒白芍 生白芍各四分 當歸酒洗八分 川芎 紅花酒洗三分

生地黃酒洗各三分 桔梗三分 山查肉五分 生甘草三分

右共十六味。生薑一片。龍眼肉三個。同煎溫服。遇此輕者。此藥頻服。

清毒散 治痘先期速乾收者。

生地 赤芍 連翹去心 銀花 牛蒡子炒研 當歸 丹皮 甘草生 水煎服

清涼攻毒飲 涼血攻毒飲二方共見放點 人參歸芪湯同上 參歸鹿茸湯見諸

白花蛇散方見于後 當歸丸方見于後 參朮散方見于後 七味豆蔻丸方見于後

辨謹將三日

痘出六七日。諸症順候。先頭面行漿半足。至六日。從口角人中地關。先起先膿。振鼎峻之勢。至七日。從兩腮兩額。

眼部山根紅活明潤。紫色發綻鬆之勢。虛瘡方爭分光。而精神爽快。睡臥安常。飲食如故。小便秘澀。大便堅固。眼鼻俱封塞。音聲清亮。微渴者。順美之兆也。

丹溪捷徑曰。痘至膿泡。乃收功之時。手足常要和平。過冷過熱者變也。要人事靜。煩燥昏悶者變也。六腑要元實。忽吐利者變也。音聲要清亮。忽然啞者變也。飲食要漸進。忽不飲食。反大食。或大渴者變也。或觸風寒。或犯禁忌。或傷飲食。或誤湯丸。審察處方可也。痘疹要訣曰。七八九日。夫痘罐膿之時。先脹先膿。後脹後膿。漸漸灌滿。水冲頂是也。若欲知膿之有無。先觀氣血之盛衰。切須滋補氣血。令易膿易靨。此最不宜寒涼解毒。恐氣血凝滯。不能灌漿。專以補益之功爲要。

辨灌漿三日虛痘治例

痘出四五日期。大便一泄。則熱氣自散。神氣自虛者。痘之常候也。如便秘熱擁。則用托裏清涼黃之。然火熱全退。有出瘡冰硬。紫色過滯者。朱氏曰。治實熱之痘。證過服寒涼。而變冰硬。或嘔瀉。或皮薄漿清。或塌陷無神。血色不活。搔痒煩渴。凡有此則。唇舌必淡白潤澤。大便必不牢固。延綿不恰。則腹脹悶亂。寒戰關牙。死不旋踵矣。急宜加減托裏湯主之。

發始雖爲火熱所困。氣血虛耗而不甚至虛。不甚至寒。寒起勢微微。證又平準。則有宜斟酌治之者。龔廷賢濟世全書曰。治氣血虛損。或觸風邪穢毒。使瘡毒內陷伏而不生。或出而不勻快。此藥活血勻氣。調胃補虛。內托瘡毒。使之盡出易靨。參芪內托散主之。項氏按內托散之症。龔氏所論。最爲的當。但治不虛不實平症之良方也。

某賦虛弱之兒。有痘瘡而氣血平易。惟少食寒糞虛餒。根盤不收。頂陷不起者。萬氏曰。痘瘡已長。六七日膿漿將成之時。脾胃弱則氣血衰少。不能周灌於身。使之作漿。虛軟清淡。雖有漿亦水而已。宜十全大補湯。去地黃。加木

香。或參苓白朮散。去葛根。加黃芪肉桂。多服乃佳。然脾胃強弱。於食多少大便堅利。求之。如大便滑泄者。急宜峻補之。陳氏異攻散主之。

裏賦壯厚之兒。出痘稠密。裏證無故。惟有氣血俱爲初熱所困。不能透毒發透于肌標。而不成漿者。管氏曰。六七日。項陷無膿。或服內托藥。而暫起。不久又陷者。實不滿故也。宜內托散。倍加參芪當歸。煎和人乳糯米好酒服。若陽氣虛者。加熟附子三分。

凡痘出至六七日。有轉屎氣。或腹雷鳴者。腸鳴者胃氣敗。而穀氣下脫也。下氣者。五臟氣下陷也。是皆內虛之徵也。翁氏曰。痘出七八日。神氣靜氣冷。舌淡白。涕清。嘔吐泄瀉。不渴少食。食亦不化。小便清利。大便稀溏。倦怠昏睡。皆裏寒而虛也。表裏俱虛寒者。用木香散異攻散。常看痘變紅綻。飲食如常。大便堅固爲寧。

發始火燭燔灼。大便秘結者。與峻涼攻下爲貴。或以痘密。不辨熱之多少。驟太過清涼。內氣自空。及六七日。忽然瘡色平陷。血澤散漫。變虛寒者。是皆清涼過深之失也。至此雖冀挽回於千一。而非猛峻之劑。不能收其功矣。費氏曰。乏其本而焚無所化。實則受其虛。而化不得行。是行焚之理也。有當制以洩其過。有當助以補其不足。不可專以保元爲則矣。故至七八日。灰白錫色漿清。或漏出清水。頂陷白無血澤。神情懶倦。語語懶。氣虛之證繁多。總無烈火灼皮膚者。回陽反本湯主之。訣曰。如用之未及者。兼與參附大劑。

鄭氏痘經曰。愚每遇痘後泄瀉不止。爲灸天樞二穴。在臍兩邊各開二寸。上肚腹脹。加中脘一穴。在臍上三寸。小腹脹。加氣海一穴。在臍下半腰。皆用本兒同身寸。若不瀉而腹脹大者。脾濕也。蔥豉仁和尖米作粥。食之妙。

余以爲痘中十二日。上六日屬熱。必禁艾灸。下六日屬寒。故以七日。謂之界限之日。蓋氣血領載。以透毒達外。內自空虛。空虛則生寒。當膿期而不斂。寒戰齒牙。瘡疔類類。治宜峻補。如至八日。陽氣尚脫者。灸數十壯。以回

其垂絕元陽。以濟其急。兼助藥力。亦能奏一時之功。依錄示諸生。

痘出稠密。中間便氣虛。色淡白無紅暈。頂陷者白陷也。甚則轉為灰陷。此氣血盡耗。不能運化毒氣以成漿也。蘇氏曰。痘出五六日內。如不順。至七八日。若膿漿不行。亦當用參歸鹿茸湯托之。若漿膿不起。則無生意矣。若有四五分。猶可望生。又曰。如痘色淡白。疱不尖圓。根無紅暈者。氣虛血縮者也。必不成膿。參歸鹿茸湯主之。如氣虛必易寒。為虛寒既明。加丁桂熱附治之。若寒甚而未應者。兼與參附大劑。

痘瘡始終忌癢癢。然有痘症十分凶險。已過大半。而無凶癢者。便可計日以求安矣。又有癢癢吉凶。未可知者。必視其所發。觀其所因。詳其情狀。察其唇舌。究陰陽之妙境。以施治法。以快生死而已。故瘡色及唇舌淡白。而大便秘後為瘡者。屬氣虛。治宜溫補。如痘色微發。根暈紫赤。色燥舌尖赤色。中央無胎。大小便秘。而為瘡者。屬血熱。治宜清涼活血。又在漿膿時。補湯太過則作癢。所謂癢乃笑兆也。以其過于茂也。治之宜微行清涼。若皮薄清漿。毒不化而作癢者。為重。毒舌以候順逆而後治之。如內攻外刺。血散氣離。其瘡猛于尋常。內攻者。氣散也。外刺者。形敗也。萬氏曰。癢癢之時。乍起乍止。精神清爽。不自抓搔。欲人撫摩者生。若癢癢無時。神氣昏沈。胡抓亂搔。搔頭扭項者。及遍身抓破。全無膿血。乾枯紫黑色者。必死之兆也。

痘出至漿期。諸症順者。七日而頭面。膿色半足。八日而額前頭頂。膿色充實。至此咽喉微痛。聲啞少唾水者。痘之常候也。又有根血散開。或灰白錫光。時時癢癢。睡臥不寧。或腸鳴下氣者。而唇舌淡白虛冷者。虛寒也。管氏曰。七八日期。漿不充實。不肯結痂。而遍身癢者。急與大保元湯。不食者加乳汁。根不紅者加雞冠血半匙。胃寒者加丁子。裏裏俱虛寒者加附子。如及八日。痘不穩者。建中湯主之。

漢華伏見町。藥舖一女兒。年僅四歲。出痘稠密。一醫療之。痘平陷不起矣。至八朝無膿路。以爲不治。辭之。急邀余往視之。頭面灰白。平塌如乾豆皮。泄瀉無度。廢食不事。虛寒之候悉備。余曰。此痘疹之。不犯環跳之部。原非逆症也。是因初失治。漸致氣虛。幾上鬼籍。挽回之策。無他。唯在峻補之一手段。庶乎死中求生。即用大保元湯。加官揀參熟附子各五分。丁子七粒。別以人參一錢。熟附八分。濃煎藥與。至九朝略有蘇意。而寒戰咬牙。猶繼未禁。轉用壽氏建中湯。別湯中加參附一倍。藥與如前。又與回陽酒一盞。令兒醉之。迨夜安睡。次早獲食凶證半退。漿色稍緩。至十一朝。明潤光活。膿色勃勃充肥。乃以補中益氣湯。加桂與之。次早精神爽快。漸寧。實及十五朝。痂疔高突。以小連翹飲。至廿五朝而全復。

八九日。忽然泄瀉者。爲虛寒明。而有用木香異攻之類。而泄利不止。漿色虛緩。腹脹氣喘。陽氣猶脫者。壽氏曰。寒戰咬牙並起者。此真氣外發。而內感寒也。宜建中湯大補之。或謂寒戰咬牙之症。有寒有熱。如痘色紅紫。齊湧掀發。身熱煩燥作渴。大便秘。小便赤痛。唇舌赤色者。屬實熱。宜清涼。蓋胃熱則咬牙。肺熱則寒戰也。如痘色淡白。皮薄頂陷。身涼惡寒。大小便利。煩渴頻頻。與沸湯不知熱。唇舌淡白者。屬虛寒。宜峻補。蓋胃寒則咬牙。肺寒則寒戰。以此辨之。其症歷歷。如懸鑑照物。毫無遁形也。

辨痘漿三日清火治例

發始火燄大盛。既投清涼。至五六日而半解。而後有與排膿之劑。胃火反熾灼。漿裏乾涸。及煩渴引飲。欲發走馬疳者。管氏曰。至七八日。當實腹。身反大熱。而煩渴者。白虎湯。加天花粉葛根甘草治之。如上唇堆腫。大便秘者。胃火熾也。清涼攻毒飲可考參。

初發熱毒滿遍。則宜發聲舌。以清涼解毒。若失而不治。則結疔毒。最忌五處疔痘。此處結毒必死。五處耳前後心

太陽慎勿認黑痘作疔。使父母驚惶。蓋七八日。行漿將足。而發疔須認黑疔。疔或黑而硬。或有紅絲。發大紫泡。未曾解者。冀氏曰。以神功散。加雄黃黃芩黃連大黃煎服。却用點法。雄黃一錢。研胭脂重浸水令濃。調雄黃末。點破疔頭。以點疔頭。立時即紅活。神法也。又曰。治疔痘。先以銀針。剔破疔頭。吮去惡血。而以拔疔膏。點疔頭即活。若貼之未活者。四聖膏亦妙也。

凡治痘之要。始解鬱火。中清實火。終治虛火。然至醫期。復歸補脾解毒。是古人之定法也。雖然。首尾非峻涼攻下。有不可救者。余數年顧志于痘。驗數千人。漿期與猛峻攻利之證候甚鮮。但百中不過五六。審驗唇舌以治之。冀氏曰。八九日期。至有鼻毒烈火血熱之極。非不極其清解。其烈熱未減。紅暈不收。膿裏有斂意。謹防火禍。以致倒靨。以清涼攻毒散。重加生地黃石膏。

附首尾用清涼一治驗

溪華堂島。某一女兒。年僅六歲。己酉春患痘。見苗二日。邀余往診之。身熱燔灼。神昏不食。見點深紅如絳。二便秘結。脣燥舌尖如火。中央白胎且燥。余曰。此症。鼻炎熾盛。表裏俱實。不早解其圍。則將及危篤。即以十神解毒湯。加石膏大黃。實至四朝。標瘡雖紅。而發紫疱。因用清毒活血湯。去參芪。加石膏大黃。至六朝。身熱稍減。次早思食。惟面瘡陷不起。二醫在傍曰。當漿期陷不突者。非參芪補托之功。安得綻露。余曰。此痘大便未解者。內實也。出瘡乾紅陷者。外實也。總與補益。則是愈實實。所謂塗附塗者。子言是也。即以清涼攻毒散。倍加石膏大黃。及八朝通身略有鬆意。熱毒雖漸解而。細察其口舌。上觀其黑如煤而減血。余曰。此乃走馬疳也。舉家驚惶。懇請良法。乃以金不換。和油胭脂塗之。以留其血。即與清胃瀉火湯。加石膏大黃犀角治之。九朝漿色半足。次早遂漸充肥。更投清補之味。至十二朝。熱復如炮。燭煩無休。再用清涼攻毒散。倍加生地黃。及十四朝。痘便快。

通。凶鋒頓退。黃至十八朝。更以大連翹飲。至三十五朝而全愈。如此證候。寧寧乎晨星。不可執以爲常。記以備參考爾。

痘出不壯突。而不能成漿者。有陰陽之分。一屬氣虛。一屬血滯。只驗舌苔與形色。以辨之。毒氏曰。六七日。期氣血流暢。則毒化爲膿。膿之不成。其因有二。熱氣熾盛。則血燥而凝。故不能運化成膿。元氣衰弱。則血凝而縮。亦不能運化成膿。凡屬氣虛者。宜補益排膿。若夫痘色紅紫乾枯。或帶焦黑者。即毒熾而血凝也。必不成膿。急宜清毒活血。湯主之。

辨灌漿清補治例

至漿期。氣血虛耗夾熱。而不能使毒化漿者。此毒氣肆奔潰。根血猶附。窠囊平塌不突也。若與托裏解毒。反取過深之失。況乃其元氣素虛弱者乎。難之又難。宜三思焉。所謂難任溫補。又難任清涼。要以清涼之味爲良。翁氏曰。七八日之間。毒未盡解。于溫補中。加解毒。熱毒未盡解。于補益中。兼清涼。若偏於燥劑。毒盛不能化漿也。參麥清補湯主之。或八珍湯。加黃芪麥門冬。

痘瘡素血熱太甚。至五六日。其熱全退。窠囊豐突者吉。如熱毒未解。根血焮赤。或水泡清淡空殼者。必有發瘡之患。與以十神解毒一二劑。先解其熱。而後宜排膿補托。孟氏曰。八九日漿雖灌。而色大紅。根脚散漫。無一線之紅圍繞者。此血熱甚而未解。當有九朝十朝發瘡之患。急宜參芪內托散。加蟬退木通荊芥白芷火燬穿山甲等藥治之。更須令人看守。勿令抓破也。

痘出皮薄清淡。至七八日。痘頭一二連串。漿水漏出者。是謂癰爛。又出痘稠密。爲片爲塌。膿水淋漓不乾。是謂潰爛。一是過表發之失也。一是可發表。而不善發表之過也。萬氏曰。痘頭膿熱潰爛者常候也。若未成膿先即潰者。

此名斑爛。斑爛之由。病當發散。而誤不發散。則毒氣閉塞。喘促悶亂。此可發不發之。不當發散。而誤發散。則毒隨陽氣暴出。遍身皮肉潰爛。此不可發而誤發。此當發而不發。與不當發而發之過也。治之宜調脾進食。令大便順快。以養榮衛。生肌解毒。解發不至冷。調養不至熱。乃方良法也。宜十全大補湯。多服之佳。欲日去桂加防。秘者。以膽導法潤之。

灌漿二日用方

加減托裏湯 治實熱之證。過服寒涼。而變冰硬。或嘔瀉。或皮薄漿清。或塌陷無神。血色不活。瘡痒煩渴者。凡有此等症。則唇舌必淡白潔淨。大便不牢固。延綿不治。腹脹悶亂。寒戰關牙。死不旋踵。

黃芪 人參 肉桂 當歸 白芍 白芷 木香 陳皮 山藥 甘草

右十味。水一鍾半。糯米一撮。煎熟。臨服時。加入乳半盃。酒釀數匙同服。如痘色灰白平塌者。加肉桂附子。

參芪內托散 治氣血虛損。或風邪穢毒冲觸。使瘡毒陷伏不出。或出而不勻快。用此活血勻氣。調胃補虛。內托瘡毒。使之盡易收易斂。

人參 黃芪 當歸 川芎 厚朴 防風

桔梗 白芍 白芷 官桂 木香 甘草

右十二味。水一鍾。糯米一錢。溫服。參芪內托散者。謂氏所論即治痘瘡之平症。而不治險逆之症乎。余皮薄。變為水泡。清液稠。而及危者多矣。

千金內托散 此方治前證。乃於參芪內托散中。去桔梗加山查子。生薑一片。龍眼肉三箇。同煎入好酒和服。氏活幼曰。痘色淡白。瘡不尖圓。根無血暈者。氣虛而血滯者也。必不成熟。急用參歸高黃湯。或千金內托散。按此二方。其功用不啻。參歸高黃湯。托裏滋補之劑也。治氣血虛弱。而痘失收斂之

勢。不能化毒成漿者。千金內托散。托裏發解之劑也。治氣血虛損。而毒癰過肌表。不能起突化漿者。世醫不辨。誤執以陷其過。而一二歲小兒。有表肌大虛。出痘平塌。皮薄不成漿者。誤以托裏發解之藥責之。其害愈速。竊謂平塌。致不救者甚多。治痘者鑑之。記以備參考。

回陽反本湯 治痘瘡氣血虛劇。皮薄漿清。錫皮灰白。虛陽寒戰者。

人參 黃芪 鹿茸 酒炙劉片用 當歸 川芎 肉桂 甘草 山查 熟附子

右共九味。外加大棗二枚。共水煎。

參歸鹿茸湯 專托膿之妙劑也。

鹿茸 酒塗炙去毛勿用酥 嫩歸黃芪 蜜炙一錢五分 當歸 酒洗一錢五分 炙甘草 六分 人參 二分

右五味。加生薑一片。好龍眼肉三錢。同煎去滓。入好酒一盞溫服。兒若能飲酒。濃煎藥汁。與酒相半和服。亦好。虛弱未甚者。服此一二劑。其痘即轉紅活而行漿。如困倦手足冷。飲食少者。加木香三分。丁香官桂各五分。寒戰咬牙者。再加官桂三分。製附子八分。泄瀉者去當歸。加熟炒白朮。酒炒芍藥。白茯苓各八分。木香丁香桂各三分。別用參朮散止瀉。余按夫胃者。惡苦好甘。而參歸鹿茸湯六味悉甘。獨用此藥之品。而得清之劑。實難治渴。失起突之勢。必然不漿。至則瀉症。致我此湯者。必於本方中。加漢水桂丁子熟附與之。該宜防瀉得之病。否則難能續。以致不漿。恐難救乎。薛氏每用此湯。必兼與參朮散。以防瀉也。

回陽活之方 治虛寒八九日。色晄白如水泡。頂陷根白。癰塌。咬牙寒戰者。

鹿茸 酒炙 大附子 鹽裹煨 嫩黃芪 炒 當歸 酒洗各六分

右四味。剉好酒煎服。按日。以好酒一合半。清水一合半。文火煎。熱。待煎減及一合半。頻頻溫服。以醉為度。

建中湯 凡至八九日。寒戰咬牙甚者。此真氣外發。而內虛寒故也。先用木香異攻之類。而無其功者。以此湯大

峻補之。

人參二錢

蜜炒黃芪三錢

白朮

當歸各一錢五分

川芎八分

大附子

乾姜炒帶黑色

肉桂

炙甘草各一錢

丁子五分

右十味。生薑一片。同煎溫服。一服立止。甚者不過二服。如收醫後。寒戰咬牙者。用此方調治。如虛寒甚者。以參

附大劑兼與。

十全大補湯見起

木香散異攻散二方共同上

參苓白朮散見放苗

灌漿清火用方

十神解毒湯

神功散

清涼攻毒飲

涼血攻毒飲四方共見放點

清毒活血湯見起

參麥清補湯同上

托裏清補湯同上

導法同上

白虎湯見收

參朮散見丸散部

按治痘之竅。以尋舌爲要。然至其妙處。不必拘拘。猶九方鼎之相局。求之於牝牡驪黃之外。但此意也。難與庸醫言。未免向癡人說夢之語也。

痘科辨要卷六

東部醫官痘疹
科兼醫學教授

池田獨美瑞仙著

京都佐井聞菴大瑞

男

瑞啓

參

門人

播州和田謙堂

續校

男

瑞英

訂

雲州加藤養本久飛

辨收醫三日

夫進德通伎者，不遠釣利弋名之心，則未有能入其神理矣。然他藝猶有忘利遺名，而樂其業，不知老之將至，獨爲醫者，率多利名之徒爲之。故不免訪病邊疾，其與執匙戾惡其藥，有以利名之心求之，則何所不至。古云：陽作惡者，人誅之；陰作惡者，鬼誅之。其可不怕鬼神之誅哉。況痘瘡小兒之科，將身而折之，將壯而夭之，乖戾天運之理乎。

陰有潤痘疹一覽曰：痘瘡自八九日至十一日二日，內外大熱已定，灌漿滿足，膿汁漸乾，或如蒼蠟色，或如葡萄色，或如香灰色。先從人中上下口鼻兩邊，收起漸至項下額上，遍身及兩手兩足，一齊收盡，痂厚色黑，逐漸脫落，飲食二便如常，身體輕快，別無他證者，此大吉也。

又九十日候曰：瘡痘成膿之後，鮮明肥澤，飽滿堅實，以手拭之，瘡頭微焦硬者，此欲醫也。然大小前後，最宜漸次收結，既不失於太急，又不失於太緩。其已醫者，痂殼周圍，而無凹凸，及乾淨黃潤，無怪濕破爛者，是爲正醫。凡人中者，腎任二脈，交會之衝，痘疹先從此處出，收斂結醫，爲陰陽和暢。若於頭顱手足，先痂先褪者，攻心其數，痘瘡收醫，貴整齊，而乾如螺醫者上也。頂破膿出，結如雞屎殼者次也。破爛無痂者下也。凡遇此等收結，便須調

察其犯何逆。若血氣本實。誤投補藥。邪毒得補。反饋正氣。如火熾而熾。宜天水散解之。邪火退而收結齊矣。

痘至十日。毒氣已解。則膿轉黃色。又變蒼蠟矣。元氣實者。醫必循次而結。如口角與陽物。先結者正收也。身漸輕快。腫漸消解。眼瞤瞤欲開。食倍常量。二便無故。從上至下。逐漸收盡。結痂後色紅者。可無慮焉。

如結毒時。身忽發熱。亦不必慮。乃蒸熱作膿也。凡一時醫盡。或隨即落者。毒火熾也。急宜清涼解毒之品解之。此證必讓未充肥故也。如聲啞。煩悶喘促不食者。死期迫矣。如毒在肉裏者。必發癰腫而生。如毒在皮毛者。必為臭爛而生。

鄭氏痘經曰。痘出稀少。四五日。胖如豌豆。六七日血醫。痂乾亦似丹砂。九日痂落。此氣血充足。隨出隨落。不及膿膿也。此痘極佳也。百無一死。此名血醫痘。按此痘病後。只有餘毒者。十中五六。不早圖。則多爲痼疾。自九日後。宜補脾解毒。驗之可見。

翁氏曰。痘瘡八九日。漿足之後。別無他證。並以此方。調理氣血。資養脾胃。不拘氣虛實熱之二症。先可服之。保嬰百補湯主之。有餘毒者。去生地山藥。加防風荆芥連翹。名小連翹飲。若惟九十日。漿足之後。虛寒未盡去者。乃保嬰百補湯。加黃芪肉桂與之。

辨收醫三日虛痘治例

凡痘出時。一點血化爲水。水化爲膿。膿滿爲結痂。封藏斂泉。渾如螺醫。此毒從外解。是正醫也。而膿成之後。不結痂者。反成腐爛。和皮已脫。當醫不醫。是氣血虛寒故也。壽氏曰。九十日間。膿足而色蒼蠟者。必且發熱薰蒸。此回水之候也。蓋真陽運化。其水自然消燦。而收醫也。其元氣不足者。不能及時回水。而當醫不醫。此虛寒也。身涼而手足冷。唇舌淡白者。須大補氣血助之收結。宜用溫表調中湯主之。

凡痘瘡八九日期。倒陷倒醫者。有二證。一攻發而生。一溫補而活。蓋攻發而生者。緣風寒穢氣也。溫補而活者。緣

內泄虛寒也。如瘡掀發。忽然爲瘡塌破損者。外感也。急宜攻發。如根血塌關內泄。唇舌淡白者。內虛也。急宜溫補。如面上瘡破壞者。與藥後復加腫痛。額前三足。原無瘡處。又復出一層瘡。雖則細少。朝生暮膿者。后不膿者死。是謂翻空痘。翟氏曰。如痘色淡白。皮薄頂陷。身涼惡寒。大小便利。寒戰咬牙者。建中湯主之。

痘出中間。雖多優氣虛。而首尾不失調理。其漸奏功。而及九十日。忽然乾熱。當醫不醫者。表裏俱虛故也。孫氏曰。痘係危證。氣血本虛。多服補劑。而漸有膿色。將收盡。雖有熱者。只於補劑中。加涼藥可也。若謂將醫。而去補劑。竟與涼劑。更加下利藥。欲令速壓。是速其斃也。蓋虛者復虛。反內攻而死。此必然之理。已然之驗也。十全大補湯。去地黃肉桂。加防風桔梗山查。如內虛者。人參白朮散。去葛根。加黃芪肉桂治之。

痘症氣血虛薄。漿色虛澀。中間夾證雜出。則有至九十日。或泄或渴。或不食。雖漸收功。而瘡薄不乾結者。萬氏曰。或泄瀉氣虛。脾胃弱津液少。肌肉虛而不收者。內服陳氏木香散。外用敷草散。或因渴飲冷水過多。以致水漬脾胃。濕淫肌肉而不收者。內服五苓散。如因食虛而不收者。人參白朮散。去葛根。加桂主之。已上證。以法治之。已潰者結。瘡薄未潰者。結痂。方爲佳兆也。若瘡皮俱不收結者。成倒靨不治。如虛寒證甚者。建中湯可參考。

凡痘瘡漿足後。將靨而或微渴。或微熱。或微癢者。痘之常候也。不可加治。如其病愈甚。而成猛烈之勢。宜察唇舌之紅白。究陰陽之變幻。以施治。翟氏曰。八九日漿膿足。諸證平準。只煩渴不休者。急宜補中益氣湯。合生脈散治之。如九日後。發痒刺去瘡皮。或血出。或不出。仍復膿漿。如瘡疥者。此血熱氣虛也。宜入物湯。加紅花紫草牛蒡子治之。

若瘡欲靨不靨。其瘡欲落不落。當辨其寒熱虛實施治。若身熱作渴飲湯。此脾胃氣虛也。參苓白朮散。木香散。六君子湯。治之。

孫氏曰。九十日後。若其發熱稍緩。頭熱面不甚熱。手心熱。脚心不熱。手背脚背不熱。精神困倦。大小便利者。虛熱也。宜用補中益氣湯治之。萬氏曰。若九十日後。晝日安靜。夜間發熱者。血虛也。宜用四物湯。加柴胡山梔子治之。痘前發驚者。多生。痘後發驚者。九死一生。蓋痘後發驚者。氣血虛耗。毒氣未盡解。故其治甚難。藥要其時。又要其當病勢早退。小水利者生。不利者死。蓋脾虛而肝木乘之。動於心火故也。張靈飛痘疹集成曰。用清神散火湯。而痘後驚搐。藥對病者可治。若連發不止者。死證也。極惡者一發。必三日死。朱氏曰。驚發痘後。諸書莫救者。是目閉無魂。而兼吐瀉。及臂白肢冷等證也。如痰熱內甚。小便閉澀。或素有驚疾。又屬可治。鎮驚丸。安神丸。兩藥俱可服。

丹溪捷徑曰。傷寒吐蛔者屬寒。痘疹吐蛔者屬熱。所謂初發之驗也。翁氏曰。痘中蛔蟲出者。死難聞生。余往驗數千兒。初熱之時見蛔。而其形褐色。如爛者屬熱。多無妨。若五六日後。見生蛔或自口鼻出。或自大孔出。其色既白。自搖動者。屬胃寒。急則九日十二日死。或延綿引日。寒熱往來。好睡默不食。變壞輕而死者。十中八九。萬氏曰。屬熱者。黃芩加半夏湯。加烏梅川椒。屬寒者。理中湯。加烏梅川椒黃連。如虛寒甚者。加熱附子。

附痘中見蛔一治驗

東武木挽町。佐久間彌右衛門孫。年已四歲。出痘於丁巳春。始起三兩。暫觀之。皆爲不治。辭之。仍急邀余往看之。痘甚稠密。無空隙地。頭面灰白。平塌不熱。瘡癰將起。雖其勢猛烈。幸難壞跳之部。是天不令此兒死矣。但起脹六日。而瘡未休。瘦食不寧。神情昏憊。是表裏俱虛故也。乃問前狀。父母答曰。發熱三日。候吐生蛔一條。而後乾嘔略安。但雖憶食。不能口之。余曰。痘中見蛔者。必鄰干逆。雖病藥適合。多不得生。辭之。再三懇請。即以

大保元湯。加瀉與之。次早瘡色略有慈意。洩泄未止。即照前法。兼與參附大劑。既及八朝。頭面紫色半足。凶逆

稍退時利實蕪。因投亞氏建中湯。雖與參附濃煎如前。實至十朝。膿漸充肥。神情未爽。復利活蛔數條。寒熱交起。大類壞證。乃案是蛔厥之證也。此痘確難得生。而凶險之症未悉除。今欲治之。宜先治蛔蟲為要。更與附子理中湯。加烏梅川椒黃連。實至十五朝。面瘡收功。內證未除。引日寒熱。時起時止。瘦食稍寧。尚以前方。去附子以與。逐日瘡花厚突。後發腫毒數核。仍投忍冬解毒湯。三十五日而全快焉。此症甚難。詳見夾蛔方論。

辨收靨清火治例

凡靨後諸症。千端萬項。難悉盡于筆端矣。大都惟辨中間諸證。及膿之豐約何如。則諸症炳如指火。若漿色豐滿。則靨後諸症多屬虛。此宜補益。如漿色疎約。則靨後諸症多屬實。此宜清涼。如虛實不詳。則驗唇舌紅不。以處方乎。無不中的矣。

汪若源痘疹大成曰。十一十二日。身不潮熱。飲食不減者。不須服藥。若發熱當靨不靨。及痂落無托靨者。宜解毒飲主之。又醫宗金鑑曰。痘不當收靨之時。忽一時收靨者。更現痘。週身寒粒。乾燥口渴。發熱煩急不寧。此毒火發盛之故也。宜用清毒散主之。

凡雖鼻毒太盛。而毒在表者。痘雖稠密。不足畏慮。但中間或涉春冰。靨後復蹈虎尾等之痘。尤為險重。盧氏曰。或六七八日。痘色紅兼紫毒盛者。或十日後。壯熱不結痂。雖結不實。狀如蠟桿。不乾結者。犀角解毒飲。加淡竹葉三十片主之。

痘出至六七日。有臭氣者逆也。是肌肉腐壞之氣也。必死。痘已收結。九十日後。纔有臭氣者。此痘成就之氣也。邪毒自內而出也。故為吉。李少陽曰。臭痘原來微陽明。腐盡潰破流漿。腥臭盡毒除。成笑痘。若教回爛痘還空。觀此痘之美者。泄其臭毒。而不至傷傷。臭而爛者。戕其元氣。而竟難全活。若痘臭或靨或破者生。盡不盡脫者生。紅活

見血者生。身熱氣蒸者生。不瘥不燥者生。此臭痘生之徵也。皮肉黑爛者死。破處乾黑速收者死。傳人毒痛者死。頭額脫皮者死。指爛入筋者死。陽球爛穿者死。口內惡臭者死。兩脇汗不乾者死。此臭痘死之徵也。

痘後餘毒還變。氣血敗壞。痘素稠密。膚皮脫落不收者。乃似癩病。是謂痘毒。葛氏曰。氣血虛弱痘瘡。易感穢毒。疫癘惡氣。瘡本稠密。身無完膚。癢痒難任。肌肉潰爛。此爲鼻。急用大補氣血。清熱解毒之法。庶可求全。凡瘡破成癰者。用十全大補湯。微加清解之味。擦之。外用蠟藥救苦散塗之。

痘至結痂之時。察其結局。必以五驗。一曰疹。二曰癰。三曰目疾。四曰走馬疳。五曰疳蝕瘡。再觀餘毒有無淺深。當疎利者。急宜疎利。當調補者。急宜調補。若身熱煩渴。二便秘。唇舌赤色。或白胎通明者。是餘毒也。宜隨其證治之。蓋氏曰。結痂厚實。無他症。不必服藥。如結痂後發熱。或煩渴。當辨其虛實調治之。發熱壯盛。胸腹手足頭面俱熱。大便秘。小便赤澀者。餘毒猛盛。即當解毒。大連魁飲主之。若解毒過。則痂落後必發癰毒。如夫大便秘者。加酒炒大黃微利之。如虛症變實。而有餘毒者。宜忍冬解毒湯主之。

痘後餘毒太盛者。還變種種爲大患。多屬誤治。嘗謂疹癰丹。及癰瘰。眼疾。疳蝕瘡。走馬疳。其名狀雖不同。是皆鼻毒擁遏於肉裏骨空皮毛之間之所致。其原歸于一也。故雖有輕重。而屬可治。臟內實無毒故也。費氏曰。毒盡元虛。保元爲要。縱有實中虛。虛中實。亦權其緩急輕重。而因應之。不可遺其重且急。而反迂務其輕且緩也。若執以痘後無實證。總歸虛治。誤之甚矣。治痘痂痂大漏無慮。痂少榮潤。熱欠清和。防餘毒竊發者。忍冬解毒湯主之。痘稠密者。當醫結時。青蠟蒸其臭氣來。於痂殼厚處。集噴膿粘。偶或遺卵則直成蛆。是謂蛆痘。此痘必無死證。吉兆也。袁穎孟痘疹全書曰。痘裏生蛆。八九朝。蛆盡臭盡。命堅牢。逐蛆法。內用清涼解毒之藥。外噴絲瓜葉。搗汁噴之。痘上其蛆自出。又有痂皮厚不能出者。須用銀針挑破。滴香油在內。凡蛆盡見油即出。或又以忍冬菊花。

分花椒少和沸湯薰洗亦可也。

痘至十日後。煩渴未休。而有身熱者。有不熱者。宜詳虛實而治之。萬氏曰。痘根煩紅。漿色无足。能食渴者。肺熱也。經曰。心移熱於肺。傳爲膈消。治在上焦。人參白虎湯。加黃連一大匙。如自利而渴者。屬少陰虛。治在下焦。宜溫之。異攻散主之。如不能食而渴者。脾胃虛也。治在中焦。參苓白朮散主之。

凡及醫期。如火燒烟薰者。生死最難決焉。如聲亮神爽。寢食無故。二便清調。脣舌滋潤。爬破血膿淋漓者。得生。治于補托中。藥清涼。如脣舌乾燥。或胎黃黑。二便秘結。譫語呢喃者。單宜清涼解毒。如聲啞不寢不食。破處乾黑。煩燥氣喘者。必死莫治。黃氏曰。九十日後。至鼻毒烈。火血熱之極。早圖之。如火燭未解。皮表牢封。無所洩。故乾熱成倒靨。不可救矣。汪氏解毒飲。加黃連。煖蛇治之。或代白蛇好如火燭太盛。煩渴引飲。神氣不寧者。清涼攻毒飲。宜參考。

附痘毒不混他病一治驗

張華南。掘江傭夫。年二十四歲。己亥秋出痘。原患濕毒。骨節疼痛。因疲瘦非常。神情困倦。兩耳項間。發膿毒數塊。乃如瘰癧狀。一夜發熱。放點堆聚。簇簇無縫。至潰漿期。面上一片模糊。不分口鼻。但當以意摸索五竅。然精神略亮。寢食稍寧。瘡自掀發。且有鬆意。已當醫期而不醫。至十二朝。乾蠟如火燒烟薰。壯熱如蒸。譫語狂妄。煩渴不休。此雖裏毒全解。而餘毒壅遏于皮毛。疥般牢封。而無所洩。故餘炎不能宣發。依是爲此鼻惡之症也。因以汪氏解毒飲。加黃連。煖蛇一大匙與之。次早遍身頭項。剝破如龜甲。膿血淋漓。臭惡衝鼻。凡過一百餘日。併舊疾而愈。舉家大喜。如得拱璧。比及週年。頸項腫毒。漸發如故。乃知痘毒之不混他病也。姑存案備參考之一云。

凡痘稠密者。以十二日。爲開眼期。如痘密不及期。而開眼者。便類倒靨。又有過期而不開者。宜驗密之。孫氏曰。有

忽然頭頂大痛者。餘毒上攻也。或因多服熱藥所致。若不急治。其毒注於兩眼。而目病大作矣。宜用大連翹散。去木通車前滑石。加升麻六分川芎四分薄荷各四分服數劑。以解散上攻之毒。庶可免目患。若又痘瘡皆尾平準。而十二三日之後。卒然目赤痛者。急以本方加大黃。宜微利之。應手必愈。

凡痘稠密。至十二三日開眼者。痘之常候也。都十二日後開眼。至十六七日。再復目閉不能開。而淚汪汪出者。目中必有赤脈。是欲作眼疾之徵也。急圍之。遲則多生翳膜。難愈。翁氏曰。如十二日後。毒熱留于肝經。則爲目翳。爲赤色。急用瀉肝清涼之劑。羚羊角散主之。所謂眼疾餘毒。悉皆屬誤治。故業醫者。不可不知。萬密齋曰。痘後欲開兩目。而向暗則開。兩目不赤。向明則開。又不流淚。此肝經火邪未去也。是謂羞明。涼肝明目散主之。

痘十一二日。而面腫漸退。即開眼者。症之常候也。若他處腫消。而上唇獨腫不退。唇外牙腫。時膿血者。欲作口疳之兆也。急宜治之。朱氏曰。凡口疳皆胃熱之所致。有輕者。有重者。有生者。有死者。備口白糜。或紅點簇簇。或齒齦膿血者。輕症也。急金不換擦之。如唇舌腫硬。牙齦黑爛。臭氣衝鼻者。重先以清胃瀉火湯。加犀角石膏療之。或清涼攻毒飲主之。如面腫唇腫。穿鼻破頰。潰喉腐熟。飲食不安者。臭惡甚。連齒脫落者。死。俗呼走馬疳是也。

出痘稠密。而氣血爲之耗虛。藥餌不靈。漸得生。雖然有經數日。而氣血不歸元者。丹溪曰。凡痘收後。手足忽然拘攣。不能屈伸運轉者。此因血少不能養筋。又或感風寒濕氣。致此症者。不可輕用發散。恐反耗其血。只補血此秘訣也。用當歸桂枝湯。如感風寒骨節痛。加羌活防風。如氣虛加川芎引經。再加人參。

又曰。痘疹後。面目虛浮。四肢腫滿者。此屬於肺。因表虛受風濕之氣。宜汗解之。用五加皮湯。或腹脹如鼓。目胞微腫者。此屬於脾。因脾胃素虛。飲水太多。水蓄於中。滿而不去。五苓散。加燈心滑石。如有餘毒。口渴不休。全身腫脹者。忍冬解毒湯。加燈草滑石。又傷食脾胃不能消化。濕熱內蓄者。宜以利解。厚朴湯主之。如虛腫者。不可妄投。

藥隨症治之。又宜萊菔丸主之。

又曰。痘瘡出後。衛氣最不宜傷。故收靨之後。衛弱而汗出也。汗常出者。謂之自汗。睡中汗出。寤則乾者。謂之盜汗。此由胃弱不能斂束。六腑榮間有熱。而爲汗。此汗在內爲血。在外爲汗。以資其陽爲主。盜汗以營歸湯爲主。

又曰。痘後有神昏睡者。但精彩不與人相當。形如醉人。亦多妄語。此邪熱入於心。心爲君主之官。不肯受邪傳於胞絡。治法以導赤解毒湯主之。兼與安神丸。加牛黃末。亦可也。

凡痘後餘毒遷變。有過身生瘡疥。而爲種種之狀者。或有日夜痛痒難忍。其形如疥。疥瘡侵淫。皮膚潰刺。膿血出者。謂之癩疽。痘。又或有髮落爪拔。遍體生瘡。如癩十指悉臭腐。而爲廢人者。二證俱屬可治。急以托裏清熱解毒之劑治之。又或有身發紅點。不痛不痒。不作粟粒者。是乃癰也。急宜投化斑湯。加玄參地黃。又或有發赤火丹瘤者。此惡候也。其毒紅腫作痛。流移上下手足。其治法。內用小紫胡湯。加生地黃。或玄參化毒湯。加犀角。外用砭法。去其惡血。否則頭上起者。下過心即死。足上起者。上過心腎即死。此證甚速。速者也。處方不應者。宜清涼攻毒飲。此數項有志痘者。最宜審諸紳矣。

收靨結毒加用方

保嬰百補湯 治痘瘡八九日。漿足之後。別無他證者。

當歸 芍藥 地黃 白朮 人參 茯苓 山藥 甘草

右八味。水一鍾。加棗二枚。煎六分。溫服。如或十日後。無餘證者。去地黃山藥。加防風連翹荆芥。名小連翹飲。所謂補脾滲濕之中。微加解毒之味者。即此方也。

溫表調中湯 痘至九十日。當靨不靨。此虛寒證也。必身涼而手足冷。唇舌淡白。須大補氣血。而助收結。此湯主

之。

蜜炙黃芪二錢

人參

白朮

白茯苓

官桂

大川芎

當歸身

炒乾姜各一錢

防風八分

白芷

丁香

熟附子各五分

右十二味。生薑一片。同煎溫服。

五苓散 治飲水過多。以致水瀦脾胃。而痞不收者。

猪苓

澤瀉

白朮

茯苓

肉桂各等分

右五味。水煎溫服。

六君子湯 即於四君子湯方內。加陳皮半夏者也。

生脈散 滋生精氣。培養真元。補心潤肺之良法也。

人參三錢

麥門冬三錢

五味子十五粒

右三味。水煎溫服。

黃芩加半夏湯 初發二三日之內。治熱毒未解。而蛔厥者。

黃芩一錢五分

甘草一錢

白芍六分

半夏二錢

大棗二枚。生薑一錢。共六味。水煎服。蛔蟲屬熱者。加烏梅川椒。

理中湯 治痘證五六日後。變虛寒而蛔厥者。

人參

白朮

乾姜炒

甘草

右四味。水煎服。雖蛔蟲屬寒者。加烏梅川椒黃連。少是主方也。若虛寒甚者。加熱附子五分。或蛔症熱為凶惡。

者即加黃連五分。加烏梅川椒。此名黃連安蛔湯。又加鷓鴣菜可也。

汪氏解毒飲 十一二日。身不潮熱。飲食不減者。不須服藥。若發熱當醫不醫。及疏落無托醫者。此方治之。

當歸酒洗

芍藥

人參

山查

黃芪

荊芥

牛蒡

防風

炙甘草

分

右九味煎溫服。若是陽證。各照本方。加黃連四分。黃芪二分。共酒洗。或熱甚者。加生黃芪生黃連銀柴胡各三分。若是陰證加肉桂。

清神散火湯 治痘後驚搐。此藥對病者生。若不對而連發不止者死。

木通

麥門冬

玄參

黃連

梔子仁

右五味。燈心引。水煎。研辰砂末。調服。大便秘者。加大黃。自利加人參。

清毒散 痘不當收斂之時。忽一時收斂者。更現證。遍身粟粒乾燥。口渴發熱。煩急不寧。此毒火壅盛之故也。此

湯主之。方見于
起眼部

犀角解毒飲 治十日後。壯熱不結痂。雖結不實。狀如蠟澤。而不乾者。

生地黃

牡丹皮

犀角梢尖

芍藥

五倍子

七

連翹

牛蒡子

玄參

甘草

人參

一

以上十味。水一鍾半。煎六分或三分。不拘時服。或研爲末。煉蜜爲丸。如彈子大。每服用一丸。燈心草二十根。煮

二枚。煎湯化下。又加淡竹葉三十片。亦可。

大連翹飲 十二日後。發熱壯盛。胸腹手足。頭面俱熱。大便秘小便澀。餘毒太盛。即當解毒。此湯主之。

連翹

牛蒡子

柴胡

赤芍

防風

木通

當歸

車前子

荊芥穗

黃芩酒炒

山梔子酒炒

滑石

甘草

蟬退各五分

生薑一片俱十五味同煎大便祕者加酒炒大黃一錢五分

忍冬解毒湯 痘疹初起大局無慮。抱少榮潤熱欠清和防餘毒竊發者此湯主之。

金銀花

土貝母

甘菊

荊芥穗

牛蒡子

紅花

甘草

木通

連翹

地丁

右共十味外加胡桃煎服若大便秘者兼與四順清涼丸以四順清涼丸為末以煎丸之。

羚羊角飲 治痘餘毒不解上攻眼目生翳羞明眩暈俱多紅赤腫閉。

羚羊角酒洗

黃芩

黃芪生

草決明

車前子

升麻

防風

大黃

芒硝各等分

右共九味水一鍾煎半鍾稍熱服。

涼肝明目散 治痘後羞明者。

當歸

龍膽

蜜蒙花

川芎

柴胡

防風

黃連酒製

右七味各等分雄豬肝煮湯煮服一方加蟬退。

清胃瀉火湯 治口疳輕者宜此湯若重者乃宜用清涼攻毒飲留膿血塗金不換妙也。

連翹

桔梗

黃連

梔子

黃芩

玄參

升麻

生地

薄荷

甘草

葛根

右十一味水煎服或加犀角石膏若大便秘結者加生大黃一錢。

甘露飲 治虛癰口疳。又牙根鼻爛出血並治喉舌生瘡。

天門冬 麥門冬 生地黃 熟地黃 枳殼

黃芩 石斛 茵陳 枇杷葉 甘草

右十味。白水煎服。

當歸桂枝湯 治痘後手足忽然拘攣。不能屈伸運轉者。

當歸酒洗 白芍酒炒 川芎 甘草 桂枝 黃芪 蒼朮製 黃柏酒炒

右八味。水煎服。如感寒骨節痛。加羌活防風。如氣虛。少加川烏引經。再入人參。

五加皮湯 治痘收之後。或面目虛浮。四肢腫滿者。此屬於脾家也。

五加皮 蒼朮 桔梗 木通 防風 桑白皮 薑皮 豬苓 澤瀉

右九味。水煎服。

厚朴湯 治腹脹如鼓。目胞微腫者。此屬於脾家也。

厚朴 陳皮 蒼朮 大腹皮 白茯苓 豬苓 木香

右七味。水煎服。傷於水濕者。加澤瀉滑石車前子葶藶。傷於食物者。加神麩山查子三稜莪朮枳實。喘者加葶

藶杏仁。萊菔丸。方見下後

四苓散 治痘中過服飲水。而痘後腫滿者。四苓散加燈心滑石。

黃芪湯 痘收之後。衛弱而汗出者。此湯主之。

人參 黃芪 黃連炒 甘草 桂枝

右五味。水煎溫服。

當歸湯 睡中汗出。寤則乾者。謂之盜汗。此方主之。

黃芪 當歸 生地 麥門冬 白芍炒 炙甘草

右六味。用麩麥爲引。猪心以竹刀批開。煮湯煎服之。

導赤解毒湯 痘後有昏昏喜睡者。若連日不醒。口中喃喃自語。或有睡而復醒者。形如醉人。亦多妄語。此邪熱入於心也。此方主之。

茯神 木通 生地 麥門冬 山梔仁 人參 石膏 甘草節

右燈心引。九味。水煎服。兼與安神丸。加牛黃末妙也。

化斑湯 治痘疹色紅。

人參 知母 石膏 牛蒡子 連翹 升麻 地骨皮 淡竹葉 甘草 糯米

右十味。水煎服。以米熟爲度。馮氏秘錄曰。化斑加玄參地黃。

小柴胡加生地黃湯 治赤火丹瘤。其毒紅腫作痛。手不可近。流膿上下者。

柴胡 人參 黃芩 各三錢 甘草 炙二 生地黃 半夏 各二兩 湯

右六味。爲粗末。每服三錢。水一盞。生薑三片。棗一枚。煎至半盞。去渣溫服。萬氏心法曰。治痘癰。

玄參化毒湯 治痘後赤火丹瘤。

玄參 歸尾 酒 紅花 酒 連翹 去枝 軟石膏

赤芍 地骨皮 防風 荆芥穗 木通 分

右共十味。加淡竹葉水煎服。如其急者。置紅腫處。徐徐以銀針刺破。吮去惡血。亦可也。

案古人有言。當局者惑。傍觀者明。治痘亦尚如此。平素不研究之。一旦臨局。其能無狼狽疑惑歟。世醫其思諸。

痘科辨要卷七

東都醫官痘疹科兼醫藥教諭

池田獨美瑞仙著

越中津島玄俊有祥

男

瑞啓

參

門人

丹波中川主一重弘

校

男

瑞英

訂

仙臺涌谷玄恭

纂

辨女子出痘

夫善治痘者。譬如會無疑靈草蟲。方其落筆之際。不知我之爲草蟲草蟲之爲我也。方臨痘局。不知我之爲痘痘之爲我。然後乃可通其神理。而百無一誤矣。此卷於女子出痘之方論。托出得盡。觀者不可認作浮論空說矣。女人出痘候曰。婦女之痘。最難醫焉。要之。女者陰質。血常不足也。然其平準者。出形起發。雖漿乾收。咸得重男。唯怕時逢天癸期至耳。蓋痘瘡始終。以氣血爲主。氣以充之。血以濡之。一有不足。則變症百出。不可屈指。故女子十四以後。出痘不免起發成就之時。天癸一行。內動其血。變爲陷伏者多矣。

女子痘疹發熱之時。經水通斷。憎寒壯熱。神識不清。視瞻怪妄。言語荒誕。此爲熱入血室。血室衝脈是也。而肝主之。肝藏血。衝爲血海。行經之後。血室空虛。天行邪熱。乘虛入裏也。肝藏魂。開竅於目。神不清者。魂亂也。目妄視者。心亂也。譫語者。肝移熱於心也。瀉肝散主之。如大便秘結。宜清涼攻毒飲。

凡發熱之時。適當經水方斷。而血分空虛者。須早服柴胡四物湯。以防毒邪乘虛而入。若憎寒壯熱。神識不清。見聞狂妄。言語錯亂。尋衣撮空者。此即血室空虛。而熱邪已入者也。宜四物湯合導赤散。加麥門冬。兼與安神丸。若發熱之時。經水適來。而非正經之期者。此由毒火內甚。擾亂血海。迫血妄行。故月事不時而下也。急以涼血地

黃湯加解毒藥。使熱得越。毒解痘出而經止焉。度。逡巡隱忍。直待中氣虛弱。瘡伏不出。乃責諸醫亦晚矣。

發熱之時。經水以期而來。則畜血得出。熱隨血解。乃吉兆也。但至四日其經當止。若不止者。此即熱血入室。迫血妄行也。涼血地黃湯加人參主之。

凡女子出痘。經水忽行。乃暴瘡不語者。蓋心主血。舌乃心之苗也。血去則心虛。心虛則少陰之脈。不能上榮於舌。故暴瘡不語也。宜先以當歸養心湯。養心血利心竅。待其能言。以十全大補湯調之。

如值月事大行之故。瘡不起發。不光壯。不飽滿。不紅活。或灰白。或黑陷。或灰陷。或青乾者。此皆裏虛之候。瘡復陷入也。治之宜十全大補湯。如唇舌淡白者。加熟附子。固其陽氣。如虛寒者。兼與參附湯。而峻補之。凡女子崩漏未止。氣血已虛。而感時氣。直患痘則必不能以任其毒。宜用十全大補湯。以補氣血為主。若灰白平陷。難發難漿者。加熟附子一二片。使裏氣充足。毒不停留。而自能飲食。自能起脹。庶可保全。不則倒塌不治矣。寒甚則兼與參附大劑。

凡七八九日。起發泡漿之時。月事大來。瘡應起發。而不起發。應泡漿而不泡漿。頂平形塌。或如灰白。或如黑陷。此皆爲陷伏。乃壞瘡也。急用補中托裏。以調元內托散主之。外用胡荽酒噴之。瘡起發腫脹。或於空中再出一層痘。此大吉之兆。若腫滿喘急。寒戰關牙。手足厥冷者。乃死兆也。

夫孕婦出痘。熱能動胎。胎墮則氣血衰敗。而痘不能起發。難漿矣。凡治之之要。始終以安胎爲主。切不可用丁桂燥熱之品。及禁食諸毒物之類。其初發熱。先以參蘇飲之類發之。既出後無凶症者。多服安胎飲保之。或渴或泄者。用人參白朮散。加減治之。如痘色灰白。頂陷不起發者。用十全大補湯。加木香糯米服之。總之不問輕重。如有熱證者。悉以清涼安胎爲主。如毒火燔灼於內。則雖大黃石膏亦可用。是乃安胎之妙要也。

蓋孕婦出痘。正當盛時。忽有臨正產者。勢必氣血俱虛。亦宜以十全大補湯。大補氣血為主。如虛寒者加熟附子。如虛寒愈劇。陽氣發脫者。急以參附大劑兼與之。凡胎之墮也。非血熱。必氣虛也。急宜峻補。而陽氣發脫者不治。他無法方。

凡當初熱見點起脹之時。而胎墮者多生。至瀉熱期。而胎墮者多死。至收靨期。而胎墮者無妨。但不問日期。胎墮之後。內氣下脫。而痘倒陷。不成漿者必死。故急宜以峻補之劑。實其元陽。外此無復他策。如輕平準。宜審症施治。不可妄為多疑之慮。反到變證也。

又曰。孕婦出疹。熱極不易退者。內實故也。必墮其胎。胎墮則疹隨熱內解而愈。古人所謂。麻宜內虛。痘宜內實。此之謂也。

凡方產之後。半月前後。適逢出痘者。其症雖重。而無胎孕繫累。惟氣血尚虛。治宜大補榮衛為主。若出瘡密者。隨其輕而用其方。如投連翹大力子之類。大便自利者。用肉果炮姜之類。餘照常例而治之。惟雖孕婦首尾無夾症者。應於日期用法如常。

婦女孕婦主方

瀉肝散

羌活

分六

當歸

錢一

山梔

龍膽

各五

川芎

防風

各八

大黃

各三錢

一方有木通柴胡黃芩。無大黃。如證重數日大便秘者。四順清涼飲。或涼血攻毒飲。清涼攻毒飲。可參用。

四物湯

導赤散

安神丸三方共
見于前

涼血四物湯

白芍桂

當歸梢

生地黃

升麻

條黃茶酒

酒紅花

酒黃芩

連翹

牛蒡子炒

甘草

右十味水煎服。

柴胡四物湯

柴胡

人參

黃芩

當歸

川芎

生地

白芍

地骨

麥門冬

知母

淡竹葉

右十一味剉細水一盞煎七分去渣溫服不拘時。

當歸養心湯

人參

當歸

麥門冬

甘草

升麻

生地各等分

右六味加燈心水煎服。

涼血解毒湯 女人出痘非經期於發熱之時忽至者治之。

當歸一錢

白芷五分

升麻四分

紅花

赤芍

連翹各一錢

紫草根一錢五分

燈心二十根

桔梗八分

右九味煎服。重身者藥之。

調元內托散 痘發起泡漿之時。月事大來。瘡應起不起。應墮不墮。頂平形塌。或灰白。或黑陷者。此皆陷伏。乃壞

瘡也。急宜托裏。此湯主之。

黃芪 人參 當歸 桂枝 木香 青皮 赤芍 川芎 大力子

右九味。水煎服。虛者加熟附子。

安胎飲 初熱既退。諸證平準。以安胎爲主。

人參 白朮 黃芩 熟地 川芎 當歸

芍藥 砂仁 紫蘇 陳皮 甘草

右十一味。生薑三片。紅棗三枚。水煎服。

安胎飲 痘出定後。無餘症者。此湯主之。

大腹皮酒洗 人參 陳皮 白茯苓 砂仁 白芍藥 紫蘇 香附子 甘草

右九味。外加糯米水煎服。如有汗者。去紫蘇。加生黃芪。胎漏者。加阿膠百草霜。

胡荽方出于麻疹部

四順清涼飲

涼血攻毒飲

清涼攻毒飲

十全大補湯

參附湯

參蘇飲

人參白朮飲

以上共見于前

辨麻疹諸證

一名廣疹。一名瘡疹。一名疹子。一名痧子。一名赤疹。

古謂麻即疹也。疹出如麻成朵。痘出如豆成粒。皆因其形而名焉。夫胎毒一也。玉案曰。初見時。大小不一。有色點如癰者。曰之疹。又瑣屑紅點。隱隱肉間。曰之痧。同其證異其形。是皆廣疹也。夫天地之運氣一動。則所稟之毒。隨感而發。陽感之則疹出焉。陰感之則痘出焉。陽浮而淺。故疹易出易收。陰凝而深。故痘難出難收。所謂疹出心肺。然至言鼻涕咳嗽噴嚏。眼胞浮腫。眼淚汪汪。面腫頰赤等證。陰陽混雜。自非具眼。不可辨認。既曰。疹出於肺。心肺獨非臟乎。如一蒸熱。則五臟百骸。共受之傷。發熱無汗。毛竅閉塞者。先以辛散發之。如葛根麻黃荊芥羌活西河柳之類。若熱毒鬱遏。煩躁譫語狂妄。二便秘。如見鬼狀者。先以苦寒清之。如黃芩黃連石膏大黃犀角之類。初發行辛散。則毒從毛竅而出。是非便心肺而出于皮膚乎。若毒火伏毒。燄炙于內。心火煉肺金。則血燥液竭。而皮膚乾涸。出疹變紫黑色者。必死。急以苦寒清解之。蓋此因何部以治之。古今無死其源者。余深考之。痘麻二證。雖出命門之陰陽。而其治之。以風候為主。此余之所以躬試心得之訣也。九原如可起。則余當從軒岐而定是非而止。聖濟總錄曰。疹者其邪在肺。發為細疹狀。如蚊咬所發。點點赤色。俗號鉄瘡。


三因方曰。細粟如麻者。俗呼為麻。即廣疹也。

幼幼集曰。麻即疹也。謂形亂如麻為朵也。


痘毒動于陰分。賴陽氣升提。沈陰出于陽分而解。不可損氣陷陽。麻毒動于陰分。賴陰血滋潤。浮陽解于陰分而化。不可損血燥陰。蓋痘之成功賴氣。麻之成功賴血。此之謂也。

初發身熱麻疹欲出之圖說

形出之疹



形出之疹



按麻如麻。痧如沙。但大小不同耳。所謂痘疹麻疹痧疹風疹隱疹之屬。蓋指初出赤點。皆謂之疹。疹與麻古通用。發熱之初。多似傷寒傷風。唯疹則咳嗽噴嚏。鼻流清涕。眼胞腫。其淚汪汪。面浮腮赤。惡心乾嘔為異耳。但見此候。便宜謹避風寒。戒葷腥厚味。以表散之。如使皮膚通暢。腠理開豁。則疹毒易出也。如已發熱。唇舌赤紅。齒齩者。疹出最快。如唇乾燥。舌白胎通明。而火熱無汗者。急宜峻發得汗。而後見疹。則止後服。

如初發雖大熱。而時寒時緩。宜以辛平之藥發之。升麻葛根湯。加牛蒡子西河柳之類主之。如唇舌赤紫無胎者。勿用峻涼。疹冰伏不出。

翁仲仁曰。麻疹出于六腑。然麻疹一症。先動陽分。而後歸于陰經。故標屬陽。而本屬陰。其熱也。氣與血分相搏。故血多虛耗。其治也。先發散行氣。而後滋陰補血。凡動氣燥悍之藥。皆不可用也。大抵疹欲出已出之間。雖寒勿用桂枝。雖虛勿用參朮。雖有痰嘔。勿用半夏南星。疹喜清涼。痘喜溫暖。然疹子初出。亦須和緩乃易出。所謂出苗之初。得毒出盡便解也。發熱之時。不問已出未出之諸證。以升葛之味發透之。如發熱咳嗽甚者。宜瀉白散加減。

麻疹用方

升麻葛根湯方見于前 不拘時服之。又檉河柳爲細末。加一錢調服亦可也。
瀉白消毒散

桑白皮 地骨皮 各三錢

牛蒡子 炒

荊芥穗

桔梗

甘草 各一錢

浮萍 晒乾二錢

右七味。爲粗末。每服三五錢。水一盞煎六分。如毒熱鬱于皮膚。或出不快者。加檉河柳一錢同煎服。

翁氏檉葉散一名獨聖散

檉河柳又名西河柳。又名青絲柳。又名三春柳。又名龍音柳。又曰雨絲。俗呼御柳。

右青茂時。採葉晒乾。爲末。每服一二錢。茅根煎湯調下。或於煎湯中。加之和勻服之亦可。乃治疹之聖藥也。赤檉柳。治痧疹聖藥也。得之疹毒自出。而可不死。

發熱疹已出未盡出。而唇舌赤紫滋潤者。急宜以清解之劑發之。若發熱太盛。煩渴轉語。頭面偏身。赤色如火。唇舌共赤。薄胎通明者。宜化斑湯。

麻疹未出時。發熱吐瀉交作。三日內出。耳後項上腰腿。先出一日出三次。二日再出六次。見點紅活顯露。形小鮮

明頂尖不長。隨出隨沒。三四日方收者。順證也。如疹出熱退。唇舌淡紅滋潤者。不服藥自愈。是毒從吐利而解。如不愈者。宜四苓散。加牛蒡子。柯子。

麻疹未出時。發熱煩燥。如乾霍亂。身體烘熱。欲出不出。隱伏不發。口渴氣粗。唇舌赤紫。或乾燥。或燥烈者。險症也。急宜作升麻葛根湯。合白虎湯。加牛蒡子。玄參。檉柳。發之。如初發熱甚。則必咳嗽。宜清熱透毒。嗽尚不止者。宜繆氏清揚飲子。

白虎湯

石膏 知母 甘草 粳米

右四味細剉。水一鐘半。煎至一鐘。以米熟爲度。溫服。

繆氏清揚飲子 麻疹之主方。

麥門冬 三錢

西河柳 五分

玄參 二錢

鼠粘子 研

葛根 各一分

蟬退

知母 蜜炒

荆芥穗

甘草

薄荷 各一錢

竹葉 三十片

右甚者加石膏 五錢

冬米一撮。愈甚者加黃芩。黃柏。黃連。

翁氏曰。既發熱咳嗽甚者。已是心火刑肺金。是乃賊邪。其症當重。何反輕于痘。每治疹但據見輕。宜瀉白散。加西河柳末投之。雖爲危症。亦無不得其効者。

瀉白散

桑白皮 一兩

地骨皮 一兩

甘草 半兩

粳米 百粒

右四味水煎。加西河柳末。食後服。

看疹之法。於暗室中。照火候之。看耳後項頸胸前腰腿。此部先出現。其色鮮紅。變紫黑也頂尖而不長。其形小粒而湧均。音聲明亮。唇舌滋潤者爲吉。

若頭面赤色。如朱丹而帶紫。眼有赤脈。口有黑氣。唇舌乾燥。或燥裂。二便秘結者。內火燔灼。毒氣大成者。宜化斑湯。或白虎湯。合黃連解毒湯。主之。

化斑湯 治疹子已出。火熱不退。色大紅者。

人參 舌赤色或白胎乾燥者去之 知母 石膏 牛蒡子

連翹 升麻 地骨皮 糯米 淡竹葉

右共十味煎。以米熟爲度。

消毒飲 治瘡疹已出未出。不能勻齊。又治一切諸證。胸膈粘痰。咽喉痛者。

大力子 二兩妙研 甘草 劉妙半兩 荊芥 二錢五分

右三味水煎服。

黃連解毒湯 治熱毒盛者。

黃連 黃芩 山梔子 黃柏 各二錢

右四味水煎服。

如面色青晄白。疹子已出。色白。或淡白。或唇舌俱帶白色者。此榮血不足也。人參養榮湯主之。

人參養榮湯

人參 去蘆 當歸 紅花 赤芍藥 桂水炒 甘草

右五味。水煎服。

若疹現其色紫赤。而如烟火。肌膚乾枯暗晦。異平時者。乃火鬱甚。而毒亦深。如喘滿氣急者。邪熱壅于胃。乘于肺。故也。急以竹葉石膏湯治之。或兼與辰砂益元散。所謂養陰退陽之義也。此乃半死半生之危症也。或大青湯。大小無比散。亦宜詳其症而用之。若黑色如爛。空竅失血者。乃熱毒敗陰絡也。必死。須明察之。切勿妄執以施治矣。

繆氏竹葉石膏湯

石膏 自一兩至五錢

知母 自一錢至二錢

竹葉 三十片或百片

粳米

麥門冬 自三錢至五錢

加玄參

薄荷 二錢

西河柳 兩許

右八味水煎。一方加當歸五錢。

辰砂益元散 治疹出熱不減。小水澀。心煩作渴者。

白滑石 飛過六錢

甘草 極細末二錢

辰砂 二錢

右三味。量兒大小。和勻冷水調下。大人自五錢至十錢。如心煩氣急甚者。再加辰砂一錢。甘草一錢。以淡竹葉煎汁和調。候冷頻頻與之。

翁氏大青湯 治色大紅。或微紫而血熱者。或疹出毒火甚者。

大青 玄參

生地黃

石膏

地骨皮

知母

木通

荊芥穗

甘草 各等分

右剉細。共九味。水一盞。淡竹葉十二片。煎七分。去滓溫服。

心印大無比散 治疹已出。熱毒太甚。驚狂譫語引飲者。

桂府滑石

飛通六兩

粉草

飛通一兩

辰砂

飛通三錢

雄黃

飛通一錢

右四味爲末。每三五歲服一錢。十歲服二錢。

心印小無比散。治壯熱口渴。小水澀。大便秘。口氣熱。煩燥不寧。或焦紫。或紅斑。

桂府滑石

飛通六兩

石膏

飛通一兩

粉草

飛通一兩

寒水石

各五錢

鬱金

飛通小者甘草湯煮乾爲末七錢

右五味俱製碎末和勻。每五歲者服二錢。大人再加。冬月燈心湯下。夏月井水調下。如熱甚不解者。井水磨犀角汁調下。

生生子曰。麻疹咳嗽喘急。每用燈門中大小無比散。服五七分。大者服一錢。卽刻喘定。而睡醒後。神安氣和。而屢用屢驗。乃熱毒從小便出也。余往往驗之。其效如神。依以記之。

正疹欲出。發熱頭痛。面不甚紅。唇舌赤紫。或白胎通明。煩渴徹夜不眠。大便三四日不通。躁亂不寧。是毒火內伏。煎熬陰血。而內實故也。急宜涼血攻毒飲主之。

費氏涼血攻毒飲

大黃

二錢

荊芥穗

五分

木通

蟬退

生地黃

紅花

各四分

牛蒡子

丹皮

紫草

各一錢

赤芍

八分

葛根

青皮

各二分

右共十二味。外加燈心一分。若熱毒熾盛。加石膏二錢。檀河柳五分。

發熱之時。疹欲出未出。不口渴者。但以檀河柳一錢煎。和六一散少許。頻頻與之。如大渴者。宜人參白虎湯。加黃連治之。乃生津解毒而已。若恣飲冷水。恐生水畜症。其說見于諸書。故茲略之。

管氏六一散
一名益元散

滑石 飛目 六兩

粉草 炙一兩

右二味爲細末。冷水或溫湯。任意服。

疹出之時。咽喉腫痛。不能飲食者。此毒火拂鬱上薰也。宜甘桔湯。加玄參牛蒡連翹山豆根。外以玉鎖匙吹之。不可妄用鍼出血矣。

甘桔湯 治咽喉腫痛

桔梗 二錢

甘草 一錢五分
或等分

右水煎食後服。一方加防風一錢五分。一方加山豆根等分。一方加玄參牛蒡連翹各一錢。

玉鎖匙 方見于痘疹部

治咽喉腫痛。或帶鐘花下不收。及咽喉舌強硬者。

發熱四五日後。疹子却不見出。此皮膚堅厚。腠理閉密。又或爲風寒所襲。曾有吐利。而猶不發見者。乃內伏也。急宜投托裏發表之藥。即用麻黃湯。調和桂河柳末一大匙發之。外用胡荽酒。如自初發大便不通者。火毒與瘡毒相搏。凝結腸胃。伏裏而不出也。急以四順清涼飲。或七物升麻丸。解之發之。再不出者。忽然煩躁氣急。變凶惡而死。

翁氏麻黃湯 治襲於風寒而不發見

麻黃 去根節 製過

升麻

牛蒡子 炒

連翹 先淨去足翅

甘草 各一錢

右五味。煩渴加石膏四錢。剉細加煎茶葉一錢。或替用桂河柳亦佳。水一盞煎七分去渣服。

翁氏胡荽酒方

胡荽四兩細切。好酒二盞煎一二沸。入胡荽再煎。少時用。物合定放溫。每吸一大口微噴。從頭至足勻遍乃止。

病人頭面左右常令有胡荽氣。即能避去穢氣。疹瘡出快。此方其功如神。因以錄之。

四順清涼飲。方見于痘門中。治熱實大便不通者。或加薄荷二葉。西河柳一錢。不拘時服。若小便不利者。可兼與益元散。

七物升麻丸 治毒火甚于內。疹伏而不出。大便秘結者。

升麻 犀角 朴硝 梔子仁 大黃各二兩 淡豆豉二升 黃芩二兩

右七味。共爲末。煉蜜丸如黍米大。凡覺四肢大熱。大便秘。則服取微利乃止。

疹已出之時。自利不止。或瀉清水頻數者。有吉有凶。惟要看其疹之形色如何。若遍身稠密。其勢大盛。或赤色。或紅鮮。或紫赤者。爲吉。蓋毒在大腸。非泄不解。惟用升麻葛根湯。合黃芩湯。加西河柳末一匙。治之。若吐利不止者。宜黃芩湯。加蘆根茅根。兼與辰砂益元散。

黃芩湯 治熱泄。

黃芩一錢五分 甘草錢一 白芍藥錢六

右三味。剉細。加大棗二枚。水煎服。

如自利甚。則裏急後重。而爲瀉下。宜加味黃芩湯。兼與益元散。大抵疹家吐利瀉下。爲最要。上焦毒多。乃吐而解。下焦毒多。乃泄而解。中焦毒多。乃從吐瀉而解。如以此症推之。痘毒亦當相同。加味黃芩湯 治自利甚。裏急後重者。

黃連 黃芩各一錢半 白芍錢三 甘草七 滑石末三錢

右共五味。水煎服。血痢加地榆紅花各二錢。

孫氏曰。麻出有毒氣流注而成癩者。宜清熱導滯湯。

清熱導滯湯

黃連

條芩

白芍

枳殼

山查肉

各一

厚朴

去皮蜜

青皮

檳榔

各六

當歸

甘草

連翹

牛蒡子

右水煎溫服。紅多者。加紅花三分。地榆五分。秘瀉甚者。加酒炒大黃一錢二分。疹毒甚者。加檉河柳五分。

痘與疹其色爲異。大抵痘子。怕大紅皮薄。易破而必生瘙癢。疹子喜通紅。疹發于心。其色紅者。心之正色也。若色淡白者。心血不足也。養血化斑湯主之。色太紅。或微紫。而唇舌赤紫。無胎而熱煩者。血熱也。並宜大青湯主之。若疹黑紫。如青黑斑者必死。

養血化斑湯

當歸

生地黃

紅花

蟬退

人參

各等

右五味。水一盞。生薑一片。煎六分。去渣溫服。

大青湯

方見

若疹出邊滯者。加西河柳一錢。

大抵疹子出沒。常以六時爲準。假令子後出者。午後即收。午後出者。子後即收。乃陽生陰成。陰極陽生。造化自然之數也。凡此旋出旋沒者。輕。若一出連綿。三四日不收者。乃陽毒太盛。宜大青湯。或檉葉葛根湯。如唇裂舌胎燥。生黃刺者。加石膏四五錢解之。如透巡不出。皮膚無鬆潤者。乃風寒緊束皮膚。毛竅閉密。不得出汗也。急宜荊防敗毒散主之。

繆氏檉葉葛根湯 治疹子已出。未盡出。陽毒太盛者。

葛根 西河柳 前胡 麥門冬 荊芥 貝母 玄參 知母 甘草

共九味。水煎服。如天寒甚。則痧毒鬱于內。不得透發。喘渴悶亂煩躁。舌上白胎分明。唇乾燥。神情不寧者。加麻黃一錢。急發其汗。

荊防敗毒散 治風寒襲皮膚。難出者。

前胡 防風 桔梗 柴胡 川芎 荊芥穗

枳殼 羌活 獨活 茯苓 人參 甘草

右共十二味。剉細。加薄荷五葉。水一盞煎七分。

如熱勢太盛者。用白虎湯。去人參。加西河柳一錢五分治之。惟忌升麻黃芪。若痧疹欲發未發。喘咳煩悶躁亂者。急宜獨聖散。如麻疹出齊。煩渴不止。煩躁不寧者。三黃石膏湯主之。

繆氏三黃石膏湯 治疹出後煩渴者。

石膏 麥門冬各三 竹葉三十 黃柏 黃芩 黃連各五 知母 西河柳各一

右八味。濃煎飲之。煩躁定而愈。

疹退之後。微微咳嗽者。此餘毒未盡也。瀉白散。合消毒飲。方皆見于前

若咳嗽甚。氣喘連聲不住。甚者飲食湯水。俱噎出之。此熱毒乘肝肺而然也。宜門冬清肺湯。加枇杷葉。如見血症。加茅根汁。阿膠主之。

門冬清肺湯 治疹咳嗽不止者。

天門冬去心 麥門冬去心 杏仁去尖 牛蒡子 知母 貝母

款冬花

馬兜鈴

桔梗

甘草

桑白皮

地骨皮

右十二味。剉細水煎去渣。食後溫服。如疹收後咳嗽不止。咽喉痛者。本方加石膏。檀河柳治之。

凡疹子收後。偏身微熱。唇舌滋潤者。此乃虛熱也。不可加治。只待氣血舒暢而自痊。蓋痘宜內實。麻宜內虛。所謂不宜補益也。然又大虛不補。氣血其何由回。大實不瀉。邪毒其何由去。若疹漸收。而虛症繁多。怔忡驚悸。心神困倦。睡臥不寧。宿衣摸床。撮空等之證。是皆大虛之候也。惟辨審唇舌之紅白潤燥。以明爲虛輕焉。急宜人參養榮湯主之。虛候少退。速止後服。蓋疹疹首尾爲火熱燥證。故忌用參芪桂姜朮苓之類。

人參養榮湯 治疹已收後。氣血虛耗。餘熱不退者。

人參

麥門冬

遠志

生地黃

歸身

知母

白芍

陳皮

甘草

共九味。煎服。如實熱兼見者。以沙參代人參。或三七參無妨。

疹應期收。後大熱不退。或日久不減。急宜柴胡麥門冬湯。甚則宜黃連解毒湯。合白虎湯主之。若髮枯毛堅。肉消骨見。漸漸羸瘦。寒熱雜爭者。柴胡四物湯主之。

柴胡麥門冬湯 治疹已收。後大熱日久不退者。

柴胡

龍膽各五

麥門冬八

甘草

人參

玄參各半

右共六味。煎服。

柴胡四物湯 治餘炎未竭。日久寒熱雜起。欲變骨蒸者。

柴胡

人參

黃芩

地骨皮

麥門冬

當歸

川芎

白芍

知母

生地黃

淡竹葉

共十一味。水煎不拘時溫服。若見血症。加犀角磨汁。

疹後熱未除。忽作搐者。不可作急驚風而治焉。只用導赤散。加人參麥門冬與之。兼送下安神丸。小便清利者可

治。短絀者不可爲矣。

導赤散 治發搐者。

生地黃 木通 甘草各等分

右水煎服。一方用黃芩。

安神丸 治昏悶神氣不清者。

黃連 麥門冬 當歸 茯神 甘草各五分 硃砂一分 龍腦二分

右七味。爲細末。湯浸蒸餅。和攪猪心血。搗勻丸如黍米大。每服十丸。燈心湯下之。

丹溪捷徑曰。若疹子既收。而其毒不解。邪火拂鬱。渾身發熱。晝夜不退。髮枯膚瘦。漸成疳瘕。治法以清熱除疳丸爲主。若不早治。以致睡則揚睛。口鼻氣冷。手足厥逆。微微瘰癧。變爲慢脾風者。多不治矣。

清熱除疳丸

黃連 當歸各二錢 龍腦 陳皮 青皮各一錢五分

川芎 乾蟾頭各一錢 史君子 蘆薈各一錢二分

右九味。爲末。神麴丸米湯下。

又曰。如渾身壯熱。未至羸瘦。但多搐掣煩躁者。此熱在心脾之二經也。治法須用當歸養血湯。黃連安神丸。相間而服之。以神爽身涼爲度。

當歸養血湯

當歸 川芎 麥門冬 木通 淡竹葉 甘草 山梔子 燈心

右八味水煎服。大便秘者微加大黃。

黃連安神丸

即於前安神丸方內去麥門冬甘草龍膽。加石菖根一錢全蠍七龍膽二

製法同前丸。硃砂爲衣。燈心湯送下。

孕婦麻疹。但當以四物湯倍加白朮條芩艾葉。安胎清熱爲主。使胎無虞。而後疹易沒也。如胎氣上衝。急用寧麻艾葉湯。磨檳榔并服之。更多服上藥爲妙。雖表熱壯盛。而唇舌絳潤者。忌妄用石膏大黃。金汁犀角。芩連等類。則傷胃中精陽氣。不能升呈胎氣。其胎必墮。而母子共亡者多。是皆峻涼太過之失也。

一熱毒蘊胎。胎多受傷。而母實無恙也。蓋疹與痘不同。痘宜內實。故胎墮而母亡。麻宜內虛。故胎墮而母安。與其胎去而母存。孰若子母俱全之爲愈也。大抵諸證平順。則用法依定例治之。

凡疹後熱毒。鬱伏胃中。牙齦黑爛。肉腐血出。臭氣衝人者。爲走馬疳。治法宜清胃火。輕者以清胃瀉火湯。加石膏大黃。檀河柳治之。外以馬鳴散貼口中。重者以清涼攻毒飲清解之。若面頰浮腫。環口青紫黑。頰穿齒脫。唇崩鼻孔腐壞者。必死勿治。如唇口多瘡。其聲啞啞者。謂之狐惑。以化毒丸主之。更煩躁昏悶。失聲者死證也。

清胃瀉火湯方見千選

翁氏馬鳴散

人中白即溺底白。到取用新瓦

馬鳴退即垂退紙火燒

五倍子 二錢一錢生用 一錢入藥內燒 白礬 一錢碎入五倍子 一錢火煨通用

右四味爲極細末。先以米泔濃汁攪。口內貼之。痘門金不換亦可。

費氏清涼攻毒飲 方見干痘門 放苗之部 治胃中伏火伏毒太甚者。

麻疹收後。去大力子。加檉河柳一錢。燈心一分。水煎食前服。

俞氏化露丸

黃連 五錢 去開目并目裏子 二錢 川椒 去開目并目裏子 二錢 苦棟根白皮 乾者 二錢

右三味爲末。用烏梅七箇。艾湯浸去核。搗爛和丸。艾湯送下。

辨死證

凡麻疹黑暗乾枯。一出即沒者死。鼻扇口張。目無神者死。疹出漸變黑色者。熱毒最甚。加煩躁氣急者死。犯禁忌卒爾毒氣擁遏。渾身如紫黑藍斑。疹隱不見者死。熱極喘急。胸高肩息。狂言譫語。搦手搦頭。尋衣摸床。嘔噦秘口。出屍氣者必死。氣喘心前吸氣。而口如魚口者死。鼻青黃黑者死。疹頭面一向不出。偏身稍出現者死。面色青。衄血成流。精神昏憤者死。大熱煩渴。遍體先發紫黑斑。皮爛如墨者必死。發熱丹疹。先從四肢起。而後入腹。頭面疹不見者死。熱毒內甚。至四五日。紅點不見。轉語狂亂。如見鬼狀。兩目如血。唇舌紫黑色。乾澀者必死。疹欲出所襲風寒。皮膚閉密不出。則宜早圍之。毒成內攻。如悶亂煩躁搦頭。呼吸促迫者必死。疹欲出未出。熱毒攻大腸。下利鮮血。既止者生。如屋漏水。不止者急死。喘咳不止。血從口鼻出。聲啞。面色枯皸者死。麻後牙疳。有五不治。臭爛者不治。自外入內者不治。無膿血者不治。白色者爲胃爛不治。牙落者爲腎敗不治。一有正氣不足。不能逐毒外出。則毒伏於內。喘脹而死者。是俗名悶痧也。疹已出。或一片白。一片

赤一片紫一片黑如錦紋者死。是乃癰症也。

疹收後身體枯瘦露睛口鼻氣冷忽變懷驚風者死。輕也。

夫世俗所謂水痘以每歲被行痘瘡三年麻疹三十七二十一年率爲定期然而其間有連連傳染之異是皆歲氣順逆所致故未始必有定期也。寶曆壬申夏列國麻疹大行時余壯年在鄉初療數十人余亦患之疹後餘毒變痢裏急後重最甚殆爲鬼奴乃用聶氏導滯湯而全平復又安永丙申客于藝州嚴島是歲羣國又大流布於此益勉療之愈數百人又享和癸亥自春至秋王公士庶嬰麻厄者不可勝數當時余在茲地理療不下數千餘人自壯至老得親驗此厄者三焉古人有言三折肱豈此之謂乎因今摺撫古人之方以爲治疹之的登之於痘科之尾其方輪皆平生所躬試而非捕風捉影之類讀者察諸。

痘科辨要卷八

東都書官痘疹科兼醫藥教諭

池田獨美瑞仙著

肥前久保三圭豐藏

男

瑞啓

參

門人

紀伊蝦子又玄

齋

校

男

瑞英

訂

備前柴岡宜全

信

辨夾蛔本原

痘瘡夾蛔者。古來以爲難治。而其症候多端。且無定局。余往在京阪之間。每值此症。茫洋不能下手。苦心熱腸。漸有所得。乃撰爲數條。以示門弟子云。

安永天明之間。痘瘡流行於京阪之地。其時夾蛔者。十有三二。自寬政九年之秋。逾翌歲之春。東都市廛列戶。大人嬰重。罹蛔蟲者稍多。十已有五六。是亦非歲氣之所以令然者耶。文化三年。痘疫大行。乃夾蛔者強半。殊見怪異之凶候。但據古人之立法。以審探而治之。則藥之奏効。如桴鼓相中。影響相應也。又自翌年丁卯之冬。越丙辰之春。夾蛔症者。十居七八。皆在初熱。見點。起脹。瀉漿。收靨之期。凡在初發之期。蛔蟲自口鼻出者。險也。倘屬可治。如夫變逆。則生蛔自大肛出。而播動者。十之八九。不免死也。蓋糞死蛔者。多無妨害。凡候察之法。雖固無定局。而就法視之。辨認伏蛔。顯之。二項。則起死回生之續。如反掌矣。翁仲仁曰。痘中見蛔者。死難聽生也。萬密齋曰。痘中夾蛔者。作重。謂之狐惑。甚懼忌危也。朱丹溪曰。痘中見蛔者。屬熱。是初發之驗也。

夫蟲者。待天地之氣。以成形者也。何焉而在於人之腸胃中乎。蓋人乃小天地。故人氣亦天地之氣也。而且蛔之生於腸胃中。豈無假而成形乎。飲食入胃。不能消化。或魚菜肉髓。生麵。硬飯等之類。停蓄胃中。濕熱相襲。薰導粘

膠以爲其形。譬如糞場污穢中。自生蚯蚓也。余因稽之。蛔者陰蟲也。其變必有胃寒也。若糞死蛔者。乃腹中陽氣未竭盡之徵也。寒陰在腑。故是爲險症。然得生者多。如糞生蛔者。臟腑悉寒。而爲純陰無陽。故是爲凶逆。其死在於旦夕矣。凡糞死蛔者。脣舌青紫淡紅而渣滓。糞生蛔者。脣舌淡白虛冷而滑潤。乃陽氣欲絕之徵也。蓋痘之熱毒。五臟百骸。無不激動。故蛔蟲爲熱所困。無所蟠屈。而後爲此凶暴乎。又有常伏蛔者。其長五六寸。或尺許。又有痘之毒火。薰蒸于胃。以產蛔子者。其形分餘。或寸許。如白絹絲。數條作塊。繞宿糞而出。解碎視之。則蠢然搖動者。乃蛔子也。其形狀不一。不可不察也。疎工醫。每逢此證。倉皇失措。或以爲毒氣內攻。袖手待斃。真可哀憐也。蓋痘毒內攻者。出痘平陷。根盤離散。煩躁悶亂而氣急也。如夫蛔蟲衝心腹。則諸瘡遍滿。煩悶煩渴。寒戰咬牙。凶逆疊出。時止時起者。是其候也。又案對微玉案。獨舉肺蟲之說。其言無據。不足信矣。余又考之。蛔伏胸肋之際者。必從口鼻而出者。層腸胃之際者。必從大肛而出焉。發始時。生蛔卒自口鼻出者。多無害。中間以後。生蛔自大肛出者。爲凶險。此亦不可不辨知也。

辨夾蛔諸證

一發熱放苗時。心煩悶渴。胸腹時痛。動氣上下不定。嘔吐乾嘔。身熱微微。痘點遍滿。血色影形。心氣鬱悶如醉。言語錯亂。爲奇怪之狀者。蛔蟲上衝心下也。先用升陽散鬱之劑。開提毛竅。兼與殺蟲之丸散。

一見點之期。痘色平順。寢食無故。熟睡寢後。妄談狂言。無暫安放。漸醒如常。時煩時渴。心下有動氣。凝結不宜。痘苗隱躍于皮下。而不鬆突。脣舌淡紅。痰粘漱口中者。蛔厥也。其治如前證。

一痘點已出。腹脾時疼。腸鳴心下悸。正欲食而嘔噦不已。午前煩渴。申後且休。或動氣在心下。時煩時渴。或睡已寤。謔妄狂言。不省人事。醒復如常。無定局者。蛔蟲也。急宜與黃芩加半夏湯。加烏梅川椒。搗碎。

一初熱微微。瘡出平準。至三四日。身熱乾炮。悶渴乾嘔。時起時止。唇堆腫如火。舌淡紅。齒關。神氣昏倦。思食嘔氣。頻發。或生蛔。自口鼻出者。是爲險症。急宜治之。主方如前經。

一發始因吐瀉。而發透者。放苗淡白。曾不起矣。越二三日。胸腹時痛時止。悶渴好沸湯。睡臥不寧。心下痞塞。或吐涎沫。手指足指共厥者。氣血虛耗。加夾蛔之症也。急宜用加減益氣湯。加烏梅川椒地丁蟬退。

一火熱二三日。痘點已現。赤色如火。大便未解。小水赤澀。腰腹時痛。痛脹不定。煩渴引飲。須臾復休。神氣昏憤。狂妄非常。動氣衝心下。及呼吸促迫。手足時冷。腹食不安者。急宜解其圍。於是見蛔鼻之候者。宜四順制蛔湯。大便一通。表裏自和。則斟酌可治之。不必盡劑。

一痘出至四五日。瘡色如絲。起突不快。按候心下。脹痛不可忍也。動氣時起時止。發渴不定。飲食略易。睡中稍振。寤後譫語躁亂。如鬼魅之作祟。殆失其常。時吐白沫者。蛔蟲之候也。若當此時。蛔症重者。不拘治痘。先宜治蛔。蟲爲要。黃連安蛔湯主之。或二陳湯。加烏梅川椒黃連。

一痘出平易。至五六日。瘡泄一兩行。諸瘡平塌。失鼎峻之勢。根暈淡白。根脚不實。寒戰咬牙並起。唇舌淡白者。虛寒之候也。急宜峻補氣血。若加之。渴飲且頻且休。寒戰咬牙。忽休忽起。腹食或寧或不寧。不終日見變局者。蛔蟲也。此症雙層堆腫燥裂。舌淡紅者也。宜與附子理中湯。加烏梅川椒炒黃連歸身藥治之。

一痘至六七日。瘡色將向充實。忽然邊滯。平塌不進。心中煩悶。腹食不寧。煩渴或止或起。脇腹動氣。發作有時。肚腹微痛。乍止乍起。大便快通。小水清利。睡寤妄言錯亂。爲奇怪者。夾蛔之候也。急宜殺蟲之劑。理中安蛔湯主之。

一六七日以上。寒戰咬牙。唇舌淡白虛冷。眼鼻不封塞者。虛之極也。痘色淡白。根血不實。若當此時加糖泄者。表

裏虛寒而陽氣將下脫之徵也。急宜以峻補之劑救之。若瘡色未至淡白。根暈如故。或臂堆腫無紫。而形如嘴。舌尖純紅滑潤。動氣上沖心胸。腹痛上下不足。發渴乍休復起。手足煩熱。煩燥難者。夾蛆之候也。先用木香散異攻散之類。兼與理中安蛔湯。若寒甚者。加人參熟附各二三分。

一七以上。痘稠密而平順。惟瘡色不滿足。精神略倦。飲食共易。雖無他凶證。而生蛆二三條。從大肛走出。色既白動搖者必死。

一七八日。漿膿半足。肌肉腫亮。眼甚不封。鼻甚不塞。鼻孔稍開。流清涕者。起發不充之候也。於是有寒戰咬牙之證。而肌表慄慄。手足微涼。寒熱往來。唇舌乾紅燥裂。二便清調者。似熱非熱。似寒非寒。陰陽變幻。殆不分明者。夾蛆為壞症也。不拘熱候。急宜溫補氣血。兼與理中安蛔丸。

一八九日。獨身之痘。頂陷瘡色不充。此痘必當醫不收結者也。凡眼鼻略開。雙臂堆腫如嘴。語音啞啞。呻吟聲微。飲食不寧。難言神倦。心下痞硬。時有動氣。腸鳴時痛。利青糞者。夾蛆為害也。急用通氏建中湯。溫補脾胃。以兼與理中安蛔湯。如寒甚者。加人參熟附子各三分。若糞死蛆者。多生。糞生蛆者。多死。

一痘出稠密。中間雜症並起。漿膿不充。漸至九十日。醫治乾結牢封。形色似鐵甲。而不澤矣。精神虛極。睡臥不寧。飲食略安。言語啞啞。兩眼瞤瞤欲開。鼻孔如塗煤。脇腹時痛。心下時悸。小水清利。大便稀瀉。舌尖紅赤。雙臂淡白。帶水光。寒熱往來者。是為狐惑。乃伏蛆之候也。此經歸諸引日。於三七日之間。下利生蛆。則不待三日而必死。

一十一日。收醫之定期也。而面腫略緩。小水清利。精神爽。飲食寧。唇舌滋潤者。生之兆也。若痘稠密者。瘡痂不盡乾收。惡臭衝人。或有蒸熱未除。皮膚如堆粟。而質硬者。或有其形如荔枝皮。而舌淡白無神者。或痂殼厚。如

老松皮、手足水疱、如葡萄樣、痂疔濕不乾、鼻開聲啞、寒熱交起、諸言妄語、動氣在心下、腹食不安、胸腹雷鳴、時
疼時悶、無定極者、蛔蟲之候也。若養生蛔者、多至十二日而死、緩則至十六七日而必死。

一十一、二日、收醫之終也。於此期夾蛔者、當醫不醫、為蛔熱所困、氣血虛耗、至期不能回水、面腫未消、眼欲開而
未開、雙脣乾澀、而作渣滓、舌心淡灰滑潤、小水頻數、大便增泄、腹食不寧、胸中煩悶、鬱冒不宣、語聲沉吟、筋抽
脈惕、心腹微痛、蒸蒸心熱、輕自壞、煩渴不飲、或好熱飲、不知熱、默默好食、困憊嗜眠、其無定程者、乃蛔蟲為巢
也。而寒熱交起者、為壞症。又雙脣堆腫、如嘴作渣滓者、為狐惑、延綿引日、越三七日、而後利生蛔者、不待三日
而必死矣。若利死蛔者、十救二三、惟宜理中安蛔湯主之。若餘毒變、為凶險者、兼與忍冬解毒湯治之。

夾蛔用方

加減升麻湯 發始身熱、為痘未明白、疑似之間、以此湯探之。若有夾蛔症、兼與黃連消蛔丸可也。方見于初熱之節

加味升麻葛根湯 痘苗已現未齊、兼蛔巢者、於本方中、加烏梅、川椒與之。若身熱甚者、加酒炒黃芩。方見于初熱之節

黃芩加半夏湯 治初發見點、二三日之間、蛔蟲衝心下、嘔吐不止者。方見于初熱之節

加減益氣湯 見于初熱之節

四順制蛔湯 痘已見、至三四日、火熱未解、下脣純紅、如石榴花、腹肚時痛、大便未通、小水赤澀、動氣冲胸肋者、

蛔蟲也。此湯主之。

當歸 芍藥 大黃酒炒 歸身大 甘草 烏梅 地丁 胡黃連 雄黃各少

右水煎溫服。臨欲飲時、加雄黃末。

黃連安蛔湯 治蛔熱為壞者。

即理中湯方內加黃連一錢烏梅川椒各五錢黑鵝鶩菜各五錢水煎溫服。爲丸亦可。

二陳湯 治痘中有痰飲嘔吐不止夾蛔者。

半夏 茯苓 橘皮各等分 甘草半錢

右生薑二片加烏梅川椒各一錢黃連炒五分水煎溫服。

理中安蛔湯 治痘出五六日後內變虛寒而蛔厥者。

人參 白朮炒黃 乾姜炒黃 甘草炒 烏梅 川椒 黃連炒

右水煎溫服。若瀉泄頻頻虛寒甚者加熟附子五分。若蛔蟲結聚者加鵝鶩菜一大匙。此湯或爲丸亦可。

木香散

異攻散共見于起脹之部

薛氏建中湯見于瀉之部

忍冬解毒湯見于收之部

消蛔丸 治首尾蛔蟲之要方。

白朮炒黃 茯苓 乾姜炒黑 甘草生 烏梅各一錢

黃連炒 胡黃連 雷丸各五分 雄黃許少

右細末糊丸如麻子大。針兒之大小與之。自五粒至十粒二十粒一日兩三度白湯送下。

清熱除疳丸 治痘經數日蛔熱作壞欲成疳瘵者。方見于瘵之部

痘中夾蛔之候。有多端焉。大凡與殺蟲之劑。則有速下蛔蟲數條而愈。又有其病全愈而蛔不下者。自此稽之。

其所蟠屈。應有腸內腸外之別也。蓋在腸胃之中者。直奏殺蟲之效。又在腸胃之外者。即怕其藥氣直透而伏。腑下膜原之際。故雖不速下。而凶逆自退。表裏俱平。如此症者。痘後宜用消蛔丸。或有經日下數條者。亦有終不下者。是即從容消解之完策也。門人某語余曰。往有以罪被刑者。其人平生病喘。故請□官。而剖體視之。肺之二葉。枯形凝結。其堅如石。且於肋骨間。看死蛔二條。余聞此言。抵手喜曰。余發明蛔蟲腸內。腸外之說久矣。然古人未或之知也。故無書之可證。而今得此徵。乃益信吾說之確乎不可易。

凡夾蛔之症。余精驗之。曾無定狀。欲究其奧。臨局憐然。蓋有痘症素輕。而夾蛔之故。凶逆蜂起者。庸醫不知其爲夾蛔。妄執以爲痘毒內攻而治之。遂至不救。可憐不用對症之方。而斃于非命矣。凡順痘加蛔者。隨治而生。若謬失治則死。險痘加蛔者。死生相半。逆痘加蛔者。必死勿治。但不抱偏僻之心。不泥痘瘡之方。專以治蛔蟲。爲大緊要。此可謂變通妙諦也矣。

痘科辨要卷九附錄

京都醫官痘疹
科兼醫學教授

池田獨美瑞仙著

下總中里忠菴長富

男 瑞啓

參

門人

播州志賀溫阮

亨

校

男 瑞英

訂

上總柴寄元純

元

異證治驗十一條

記試痘一治驗

浪華高麗橋。油屋四郎兵衛。女年五歲。痘于丙午仲冬。一日發熱。雙唇腫胖。上下共現一大痘。其色光赤明潤。乍起乍熾。謂之雙錢口。此最爲痘家之所惡也。而通身無痘象。既及五朝。迎醫某請治。醫曰。此不足慮。雖身熱未除。痘粒稀明。不待服藥而愈。家人以日晡壯熱。神氣不爽。故不信其言。嘗聞余有治痘之術。急邀余請治。往診之。身熱未解。唇膏二粒。其勢甚狂。悶喘喘號。日夜不寢。眼如爛朱。兩頰乾紅。不見點粒。余曰。此非正痘。殆陽平逆。其先出者。謂之試痘。今雖見其稀明。應有深藏鬱伏之毒于內。如不急攻發之。則大熱復發。悶喘涌出。蓋其症險。則隨治而生。若逆則無方可治。然未有百發百中之策。乃辭之。病家累請不止。仍如法以銀針刺破二痘。吮去惡血。以藥貼之。又以加味升麻葛根湯。加蟬退地丁牛蒡子與之。少滯赤點一齊湧出。但難環跳之部。頭面盡爲分疎。其症幸出乎險矣。已至六朝。投以神功散。加酒炒黃芩蟬蛻地丁。及七朝。身熱略穩。頭頂稍突。唯額平塌未起。手足未鬆。蓋發始爲熱所困。故爲此不快也。因以大保元湯。加桔梗防風糯米與之。費至十朝。精神爽。復食寧。痘漿逐期收功。用忍冬解毒湯。十二朝。小水清利。面腫隨消。唯上唇腫未消。齒齦腫血絲。是乃欲爲口疳之兆也。因

塗金不換。止其血以清胃瀉火湯。地黃一大匙。加犀角汁與之。至十九朝全愈。

記鼻口兩陰失血凶證

周防某侯書記。二宮彌三郎。天明戊申春。在于浪華常安橋邸而患痘。年方二十五。一夜微身微熱。次早增熱。面容變改。慘慘黯黑。額前浮青氣。痘象先從手足而萌。陰伏皮間。似蚊點蚤斑。見者曰疹。曰斑。其識不一。轉余視之。其症通身無熱。蒸而腰腹疼痛。不堪愁楚。余曰。非疹非斑。是即痘也。因耳語傍人曰。此痘聚輪之凶逆。殊甚。斷不可爲。蓋出點過赤者。後必變紫。甚者逐漸轉黑。此痘如疔。不爲粟粒。是毒邪陷伏血中而然也。最爲痘家之所惡。然神識如常。飲食無故。其所作不異平素。庸醫以爲無憂。此乃余之所以甚憂也。古人不云乎。病人好平素者。痘症之大逆也。此症雖外無熱。蒸而深藏鬱伏之熱。甚猛于內。意至第七日。必告變矣。病人不耳余言。殷勤請藥。余以與其人。有雅情。不容却。乃以敗毒和中散。加大黃石膏與之。臨去復囑傍人曰。此藥如不奏功。則宜延他醫。焉。翌朝診之。其證依然如故。告唾血一二口。余曰。此痘素逆。今又加逆。死期適矣。其家與淡輪醫某相近。乃急迎之。其醫頗以雜病被知於世。然未研治痘之術。至診畢曰。是疹毒內攻之症也。因與赤小豆湯。其方內有桂。余曰。此痘鼻炎鬱伏。內必煩擾。若用辛熱之味。則血愈妄行。遂干衝脈。走空竅。平。醫曰。先與此湯。而後再議。余已悟爲死症。故不強爭。須臾。鼻血如紅花膏。唾血亦數口。已至五朝。便血續續。自合至升。因又急迎前醫。醫稱異病。率門生數人往議之。至六朝。口鼻及兩陰。鮮血走出數升。至第七朝。果如余言然矣。嗟乎。前醫往哲。雖時不同。然其所見皆符。千載之下。宜奉爲圭臬也。痘書云。陽絡敗。則血走于上。衄血。陰絡敗。則血走于下。尿血。便血。陰陽俱敗。則血自上下出者。其此痘之謂乎。

記痘聚於咽喉一治驗

竊殿某二男。年十四。戊午冬。俄遭痘危。發始當痘寒時。醫妄用辛熱之劑。以防寒氣。而熱毒與鼻邪相搏。上聚於咽喉。呼吸促迫。舉家驚惶。請余視之。灌漿中日也。其瘡陸續出。而無起勢。裏頂平塌。如紫浮萍。咽喉腫塞。飲食難汁。絕不入口。將斂而噎。其聲如破。壯熱燥渴。雙唇腫裂。舌瘡似蜂窠。其症屬倉將望而走矣。蓋初發誤失清解之所致也。但觀口角兩腮之間。猶有一二窠鮮明紅活。可以冀生者。凡火毒蘊蓄。蝕乎咽喉者。宜投清涼利咽之劑。誤用參芪丁桂之類。如塗塗附。因急製玉璫匙以吹之。又意此症投托裏清補之味。而痘腫提起。則得轉危機矣。即甘桔湯。加黃芩大力子山荳根以投之。又以內托散。去參芪桂。加黃芩牛黃末二分。相間服之。至九朝凶逆略寬。尚用前方。及十一朝。漿濃半足。次早始啖粥汁一二口。薄晚下大便乾黑者數塊。此夜大豐。寒威凜冽。劇膚忽然戰慄咬牙。其候甚危。余來視曰。此痘素逆。今復加逆。其如之何。請辭。不可。因急製壽氏建中湯二貼投之。而後諸症稍平穩。唯舌喉唇內。痛楚如劈。煩渴引飲。無暫安放。急與補中益氣湯。加五味子麥門冬玄參。至十二朝。瘡食頗安。面瘡稍有收意。仍以前方。黃及十四朝。偏體漸次收結。但餘毒聚於左膝三里穴處。臭氣衝鼻。頗類疳蝕。乃製藥汁洗之。去其惡臭。而後更以白龍膏傅之。日兩三次。竟以忍冬解毒湯收滿。其成功實出于天幸。人力安能及於此乎哉。

記熱毒入血室發狂妄一治驗

金城武庫監。小佐手某女。年方十六。在于浪華。出痘。辛亥之春也。其症驚狂。數醫相繼處方。放苗四日。痘愈。猶鬱。仍致毒情。余往視之。一醫在座。曰。令愛氣虛殊甚。今非參附大劑。則不可救。藥已煎矣。直欲進之。余止之曰。痘症言之。伏火伏毒。燥炙於內。煩躁悶亂。無暫安放。言語錯亂。眼怒如見鬼狀。若誤投辛熱溫補之藥。則猶抱薪薪。燭火。豈不危哉。夫兩眼如朱。雙耳似燎。而痘皆隱隱皮下。欲出不出。其色紫黯。紅者。是血熱毒皮間也。神識不

清。語狂妄。而眉宇愁蹙者。火燭太盛。以亂神魂也。口氣如爐。便溺如油。及唇舌尖赤色。中央乾黑者。是鼻
炎焦燥五液也。蓋此症痘前。天癸既到。今復不日而來。血室空虛。邪熱乘虛。而侵衝脈。故爲血妄行。而內動中虛
之憂也。所幸此痘素血有餘。今又經水非期而到。故免血熱枯燥之患。而逆轉爲險。所謂險者。從治而痊。但內火
熾灼。表裏俱實。即純陽無陰之症也。如不急解其圍。則死期正促矣。醫聽之以爲河漢。卷舌而去。父母乃曰。嗚呼
信哉。先生之言。請惠一劑。余以症甚險。辭之。乃再三請曰。嘗聞死生有命。如服先生之藥。而死實無悔矣。因以清
涼攻毒飲。石膏大黃各一大匙。加大桑葉汁與之。一夜五貼連服。兼以退火回生丹。和冷水頻進之。次早凶逆
稍退。略著安眠。寤後始認父母之言。至六朝。小水快利。火燭半退。但出痘乾紅。而不鬆突。因以前方。黃至八朝。始
進白粥一二口。神識略亮。睡臥稍寧。九朝藤田某醫在傍。問曰。當漿期無膿路者必死。其如此痘何。余答之曰。此
女稟賦壯厚。毒當從血滯而解。是所謂逆變爲順者也。但用峻涼攻利之劑。一開其關。則內火自衰。標瘡雖不悉
漿。必待盡期。而發癰腫。生意其可庶幾焉。因以前方。照至十二朝。忽然大渴引飲。尚以前方。倍加石膏大黃生地
黃與之。黃至十三四朝。渴飲既休。神氣愈靜。飲食益寧。額前可愛者。四五窠。漿色鮮明。漸覺有便氣。乃與四順清
涼飲。十六朝。下黑便數塊。而後神氣自爽快。至十八朝。頭頂與腮腫。發膿毒數塊。及偏身出如疹痧者。是乃餘毒
欲解之徵也。因以大連翹飲一百餘日。而全收功。

記燭嫩一治驗

播州某侯一公子。年纔三歲。在于京都邸。丁巳患痘。一夜發熱燭燭。次朝見苗。一齊涌出。痘雖頗屬稠密。悉爲分
珠。而通身如爐。色似紅霞。小服家。以其燭嫩。誤爲血熱。乃進十神解毒湯。見素幼。痘亦不稀。侯甚危之。偶聞余家
累世有治痘之術。回急使人邀余。因往而細察之。唇舌淡紅微潤。此鼻邪悉發肌肉。內已空虛也。蓋症雖平順。發

始爲熱所困。遂犯氣虛。頂陷脚塌。紅赤非常。即氣弱而不能流血。故血反溢。妄乘氣位。而爲此凶候。是非血熱。乃
精微也。夫精微與血熱。其色相類。蓋血熱屬實。精微屬虛。虛即氣虛也。翁氏有言。氣虛不補。則必死。若不早圖之。
五六日期。滑泄不禁。寒戰咬牙並起。遂至危篤之症矣。急補益神元。調養脾胃爲要。是治虛痘之完策也。侍醫在
平左右。懇懇請治。余曰。宜邀前醫議之。今置前醫而從命。余所不願。固辭不許。余曰。人命之重。不翅泰山。如僕不
許。私示余所考之方。君等宜處進之。且余自傍逐期爲痘計。乃使加減益氣湯。去升麻加入參一分。肉桂二分。進
之。翌朝寒以人參五分。熟附子三分。生薑二分。大棗一枚。如法濃煎。於本方間交進之。次早候之。頭面赤色半退。
輔額略有起勢。實至六朝。窠頂猶未懸綻。眼已封未緊。鼻欲塞猶通。漸有欲陷塌之勢。乃使以大保元湯。加丁子
熟附子糯米進之。又參附如前。七朝變色自口角。呈至額前。及九朝。漿濃稍充。口角略有收意。但滑泄未禁。帶青
色。腸鳴下氣。此欲虛寒續至之候也。重與森氏建中湯。且謂侍醫曰。意今夜寒寒離烈。宜防外感。乃使人參一錢。
熟附子六分。如法濃煎。徐徐進之。其夜果寒戰咬牙。勢頗猛。二方共交進之。垂曉稍穩。十朝收結微臭。瘦食俱
寧。及十二朝。諸證漸退。神氣始爽。醫厚如血醫而收滿。終使小速翹飲進之。逐日全愈後。二醫生感服余術。東修
備書。誓爲門下弟子。乃齋藤常菴。壯元李菴也。

記峻涼太過變爲壞症一治驗

備中某侯臣。青木某。在於東都邸舍。其孫年方八歲。患痘於己未三月。數醫始事。既至醫期而不醫。滑泄頻頻。家
人驚駭。更迎他醫圖之。咸爲不治。手輟而去。乃走迎余。余往視之。蓋醫期中日也。其證滑泄數行。煩渴引飲。如渴
水之魚。頭脚痛似火。痰喘氣急。腹脹如鼓。皮薄如紙。根暈散開。然手足熾熱。粗鬆綻。神情不昏。瘦食俱寧。且鼻
邪不侵。環跳之部。故證雖危。猶可爲也。余推日以目之。蓋此痘而有此症者。無他中間經清涼太過所致也。

古人謂之三禁之失。一醫在坐曰。如諭。累日以石膏硝黃芩連犀角汁之類與之。其凶熱益猛。不能禁止。乃邀先生以求良藥。余曰。今腹肚膨脹。洩瀉頻頻者。腸胃俱寒也。大渴者。津液下陷也。頭脚燒痛者。虛火炎上也。唇乾燥者。五液將涸也。雖然。虛寒未客。留于藏內。故舌色淡紅滋潤。此兒尙有幸焉。但不早圖之。則表裏俱寒。終致不救。幸家聞之。拜謝請藥。乃以補中益氣湯。減柴胡升麻。加肉桂一大匙。丁子十粒與之。服一兩次。暫時安眠。口渴半退。次早瀉泄自休。手足根壘。緊緊收功。終以錢氏白朮散。去葛根加黃芪肉桂與之。實及念五期而愈。

記血從痘頂走出一治驗

張華天滿街莊村屋仁兵衛。一子年既十歲。辛亥春痘。一醫任之。其症甚微。故苗四日。邀余帶治。乃診之。身熱如炮。口氣似蒸。放苗分珠。居稠密之間。偏體如紅霞。兩額赤顏殊非常。而至山根鼻梁。口角兩頤之際。帶青恍白色。其必胃中有稠垢也。神情昏憤。煩渴且猛。唇裂舌尖。而色赤紫。中央白胎。小便如鮫魚汁。大便乾黑如墨。是亦瘀血在胃中也。若不早解其圍。則變爲壞症。遂不可救矣。因謂家人曰。幸今四日。尙可爲也。遲至五日。雖和緩不可如何。乃以涼血攻毒飲。倍加大黃石膏黃連犀角與之。翌朝凶惡少緩。且及午天。乍下一黑物。而瀉泄兩三次。其黑如漆。至六朝。火獨半退。腹食稍穩。精神亦亮。乃投十神解毒湯。加石膏大黃黃連少許。次早寒熱發。凶惡將轉順。鼻孔之瘡卒然作痒。兒何以指搔之。鮮血從指流出。幾半盞。父母驚遽。以爲衄血。急忙來報。因往察之。卽非鼻衄。蓋鼻孔之瘡頂。血絡泛溢。從搔破而走出。乃以藥留其血而歸。爾後早晚。走血數盞。忽然瘡平塌。全無根壘。面色如脂粉。余再敷藥。以止其血。且曰。此痘素類於逆。幸雖以藥挽回。而再作血箭之凶。是爲痘家之所大忌也。今痘雖血瀉不聚。形色失勢。唯所賴者。精神不昏。腹脹俱寧耳。仍囑兒兩手。使傍人從左右守護。固禁撲破。乃以十全大補湯。加鹿茸血見熬糯米投之。實至九朝。瘡色復故。根壘紅活。漿膿肥充。人中口角。略有收意。次日

大湯引飲。余曰：中間因罹失血不盡，火熱之治，故餘炎與剩毒相搏，而渴焉耳。再以清涼攻毒飲，加石膏一大匙，與之。其夜下利如煤者數合。至十三朝，火毒盡解，煩渴從休，頭項足脛發腫毒，而後漸膿化，諸症平準，乃以忍冬解毒湯治之。五十餘日，而奏成功云。

記醫後結痘疔一治驗

余寓於京師東洞紫水亭時，室街有按摩醫。其家貧困，不畜奴婢，自抱其兒，年僅四歲者。來曰：此兒頃者，出痘順美，不藥而愈。既三七日後，一夜發熱如灼，次朝於腹肚兩脇腰臂之間，再現痘形數十點，已經六七日，大半自退，而未除者過半。紅腫掀發，其色如火。翌日變紫，紫又轉黑，其黑如墨。服御醫某藥，今又四五日而全不退。伏冀先生之診。余乃視之，神情爽快，嬉戲如常，解衣自臍之左右，自丹田氣海京門五樞，及腰臂等處，連續不絕，勢甚狂悍。其形大者如錢，小者如黑豆，凡二十四窠。見者無不恐懼。余曰：醫後結疔者是也。此痘素屬血熱，家人不知，恃其稀朗，不服藥之所致也。蓋血熱不盡解，則久必血瘀，而後成此鼻乎。且夫痘疔與黑痘相類，蓋黑痘捏之如瘰疔者，其形似螺蓋，捏之肉中有核，割之不知痛癢。四圍紅腫掀發，其頂陷入肉中，而如墨黑，如石硬，腐肉突出，則其根寸許，抑人之五臟，皆著背骨。獨腸胃者，自著肚腹，故疔根為楚，則徹透腸胃，腐壞則與腸腑等。若桂蔞經日，遂至危篤，是不可不畏乎。醫曰：幸遇先生妙手，是再肉骨也。死不忘矣。乃以神功散，加黃芩、大黃、雄黃少許與之，已及五朝，其大者一二窠爛化拔去，其根甚淺，直貼黃油膏愈。其餘逐漸腐出，貼膏如前。後與內托之劑而全愈。此百中一二之症也，其可不謂奇也哉。

記疫癘痘一治驗

張華天滿與力街，寺西時藏，年方十八，染痘於己酉初夏。數醫以為死症，乃不得已迎余。往視之，蓋當放苗四日。

也。火熱未解。自汗滴瀝。偏身如蒸。面部出瘡稠密。無有隙地。而瘡色乾枯。嫩腫不懸。腹背稍疎。頭項手足。頑屑攢簇。頂尖如針。摸之似刺。手掌其狀非常。殆類鬼痘。神氣昏倦。嗜妄渴煩。嘔噦不食。二便秘結。形色雖頗凶逆。以神元與唇舌言之。猶屬可救。此證疑痘前觸冒瘴氣。未幾而染痘瘟者。夫天地之間。氣候百變。痘症亦隨百變。書云。痘之形狀。一百六十樣。故痘前慎擇風土之宜。以避瘴氣。則痘發自順美。乖之自逆。古人既有確論。豈可不遵。率平哉。老母進曰。誠然。前日出釣於郊外。其夜大熱脛痺。次日赤點一齊湧出。雖迎數醫。皆辭而去。願君救焉。余曰。此疫癘痘也。亦名曰漿痘。其症雖兇猛。屬險。猶幸唇舌滋潤。此即內毒發出於肌膚之候。故不誤治。則得所願。乃以十神解毒湯。加黃芩黃連大黃石膏大力子。清之解之。六朝利黑便數枚。而裏症稍緩。裏毒凝結。牢封未宣。故與參麥清補湯。加白蛇黃連。黃及八朝。裏頂漸懸突。次早膿囊發。鼎峻之勢。眼鼻俱封。因以內托散。去桂加黃芩大力子白蛇與之。及十一朝。口渴殊甚。蓋心移熱於肺。傳為肺消也。睡眠不穩。口呢喃者。熱毒焚於胸堂也。乃投白虎湯。加黃連一大匙。煩渴半減。漸入佳境。十二朝。宿垢未利。與以四順清涼飲。下一塊糞。至十四朝。結痂厚。加鷄屎。內外鬆解。但餘毒變遷不惠。乃與大連輕飲。及二十二朝。面腫悉消。獨上脣腫大。膿血淋漓。是餘炎蒸於中宮。發為走馬疳者也。因以金不換塗之。重以清涼攻毒飲。凡三十餘日。而霍然起矣。

記痘中見蛔乾嘔不止一治驗

南紀儒官。竹內士吉。號吹臺。一男子年方九歲。出痘於丙寅初夏。一夕身熱如炙。次朝益猛。煩燥悶渴。數醫相繼。與以涼膈散。而口糜乾嘔。續續不休。俄吐生蛔二條。因投理中安蛔湯。乃嘔益甚。衆醫束手。不能如何。舉家驚嘆。致書迎余。乃往察之。其兒稟賦虛弱。形體枯瘦。面黃晄白。兩睛白吊。雙脣紅赤。舌淡紅滋潤。中央薄胎似粉。蓋痘中見蛔者。虛中有實。實中有虛。故禁食罔效。唯好冷飲。陰陽糅雜。而無定局。殆似水逆之狀。小水清利。大便秘結。

頭溫手足如冰。痘苗隱隱皮下。遍體不現。其凶險不可僅指。推症論之。是皆蟬厥之候也。治法不問痘症。先投殺蟲之劑。爲要。冀合死中求活之策焉。乃用黃芩加半夏湯。加殺蟲之品。與之服之數次。乾嘔稍靜。因與加減益氣湯。加地丁蟬退。補托內氣。發解標瘡。既至五朝。痘粒隱伏不齊。水穀入口。嘔聲不絕。而舌中央轉微灰黑。益好冷飲。是胸中有虛氣。噎塞不通而然也。因以參連佛湯探之。虛痞自散。兒隨求藥。尙主理中安蛔。兼與以溫中益氣湯。黃及七朝。手足漸溫。而痘未起。乃以參歸鹿茸湯。加丁子肉桂熱附少許。濃煎與之。欲使痘瘡提突。其夜下死蛔七條。相續大便滑泄。凶惡略緩。次早又糞死蛔一條。尙主安蛔如前。面瘡猶未起。突絕無血暈。時見將瘳。懷之勢。急投張氏建中湯。黃及十朝。又糞死蛔五條。面色略鋪紅。摩之陷不礙手。而嘔氣愈穩。睡臥亦寧。卒然齒齲流血。察之幾似走馬疳之狀。乃傳金不換。以留其血。此蓋辛溫之藥。却助邪火。以與胃火相搏。而攻胃口故也。遂以實胃瀉火湯。加犀角石膏。兼與以黃連安蛔如前。其夜又下死蛔五條。口疳之鼻。隨乃緩紓。十三朝。始思食。乃喫白粥一二口。神情快爽。遊嬉怡怡。然猶蒸蒸煩熱者。虛火炎上也。此無他故。清涼太過。使虛愈虛之咎也。不如以清補之味。而虛實並治。乃與參麥清補湯。黃至十五朝。面瘡雖有生意。而手足平塌不起。余深稽之。夫手足者。太陰脾經之軸也。此兒脾氣素虛。而不能達透於四肢。故爲此凶惡之症矣。與以保嬰百神湯。即脾胃自實。幾腹半充。諸危證逐日順美。但大便秘結。已六七日。乃投四順清涼飲一貼。隨乃快通。糞中又見死虵三條。豫防餘毒。變之害。與以忍冬解毒湯。漸次收醫。至十九朝。俄然腹肚膨脹。即於本方內。加酒炒大黃。餉時下黑便數塊。及爛蛔一條。至晚又下死蛔一條。然後全收結焉。凡發始吐生蛔二條。中間至終。下死蛔尺許者。二十二條。合二十四條。此治雖中間有溫涼之轉。而首尾不爽。隨變處方。遂奏再生之功。余頻年治痘。不下數千人。雖然。此症而有此功者。虛虛平如展屋。嗟亦難夫。

記舌上生黑痘一凶證

東都儒官柴野彥輔號栗山先生其孫女年僅五歲一夜身熱灼灼如火次朝邀余往視之面色如絳兩耳雙睛並似抹朱神情昏憤眠食不寧余謂栗山曰今春痘瘟行於傍郡孫女雖未明爲痘症而不可不豫備焉請用輕陽發散之劑開其毛竅以試之可乎乃以加減升麻湯與之次朝候之滿面痘象稠密火熱壯盛唇舌赤紫而舌上生一黑痣仔細察之證甚猛獷余乃辭曰諸書所謂舌上生黑痣者必死此痘是也請求他醫議之栗山曰諾請先煩君余不得已製拔毒散和油燕脂敷黑痘頂上與以十神解毒湯加石膏黃連牛黃辰砂末而後退火回生丹加真珠末少許和冷水更用之其夜黑痘忽然消除三朝往診之舌上異處復生一黑痣家族哀號愁容可掬主方如前未幾而除去栗山曰自再昨招衆醫使議此因無一人認症者唯告危篤辭去我思與使其天凡醫之手寧煩君矣既至四朝痘現於足心而外瘡略瘳二便快通火熱稍退神氣略亮始吃白粥一二口栗山莞爾見矧余曰此痘古人未嘗言其治方幸以余心得之方得除其鼻痘雖然因循遲延至平漿期而不膿化必待九日告變矣乃搗金囊秘錄往示栗山栗山看了歎曰嗚呼命哉天既亡之其謂之何至六七朝乃以排膿之劑百般盡心然窠囊枯癢毫無膿化之勢已及九朝果如前言余自壯年業醫遇此痘症八十餘人皆屬東下之客其間得生者僅二人耳錄之以示門人庶爲痘術之一軌轍去

痘科辨要卷十方選

東都醫官遺孫
科兼醫學教授

池田獨美瑞仙著

男

瑞啓

參

門人

柳川堀江宗有重純

姫路大平宗本清中

校

男

瑞英

訂

江戸宮本周安 篤

初發三日用方

升麻葛根湯 初熱發解痘疹之良方。

升麻

葛根

芍藥

甘草

右四味水煎服。

和解湯 發始三日前後用之。

升麻

芍藥

葛根

人參

川芎

防風

羌活

甘草

右八味生薑水煎服。

加減升麻湯 無論痘與非痘。嬰兒身熱。先宜與之。

升麻

乾葛

芍藥

甘草

前胡

紫蘇

當歸

連翹

桔梗

右九味。姜三片。葱白三寸。煎服取微汗。

敗毒和中散 治發汗之後。身熱不退而煩躁者。

連翹

牛蒡

黃連酒

枳殼

防風

荊芥

桔梗

紫草

蟬退 川芎 前胡 木通 升麻 甘草 廣門冬

右十五味。水煎。大便秘者。加酒炒大黃。

導赤散 治初發爲痘未明而驚搐者。

木通 生地黃 防風 薄荷

右四味。燈心引煎服。加辰砂末可。或加蟬退牛蒡子。

清解散 治毒氣壅盛於內。不能驟發於外。驚搐者。

防風 荊芥 蟬退 桔梗 川芎 前胡 葛根 升麻

甘草 黃芩 黃連共酒炒 紫蘇 木通 牛蒡子 連翹 山查肉

右十六味。姜三片。同煎溫服。

溫中益氣湯 治血氣虛弱。痘瘡難發出而驚搐者。

人參 白朮 黃芪生 當歸 茯苓 甘草炙

川芎 白芷 防風 木香 官桂 山查肉

右十二味。生姜一片。大棗一枚。同煎服。

疏肝透毒散 治平素肝氣盛。臨痘驚搐不止者。

僵蠶 蟬退 薄荷 鉤藤 青皮 木通 前胡 山查 羌活 荊芥

右十味。加燈草一分。姜二片。水煎服。按氣血虛肝多者不用。

羌活散毒湯 治實熱擁遏。不得透表者。

防風 羌活 白芷 荆芥 桔梗 川芎

地骨皮 連翹 甘草 紫草根 大腹皮 鼠粘子

右十二味。水一鍾。燈心十根。煎六分溫服。

麻黃解表湯 治皮膚粗厚。腠理閉密。及外感風寒。不易出者。

麻黃 升麻 羌活 葛根 防風 荆芥 蟬退 大力子 桔梗 甘草

右十味。水煎入燒人糞同服。

加味升麻葛根湯 此方傷寒之劑。痘疹服之發汗亦無妨。

白粉葛 升麻 芍藥 川芎 甘草 山查肉 牛蒡子 桔梗 防風 蘇葉

右十味。姜三片。同煎服取汗。

加味參蘇飲 治虛弱之童。痘瘰未明而發熱者。

人參代沙參 蘇葉 川芎 桔梗 前胡 陳皮

甘草 白茯苓 粉葛 半夏 牛蒡子 山查子

右十二味。姜三片。同煎取汗。

惺惺散 發熱疑似之間。辨認未真。先以此湯探之。

人參代沙參 白朮 茯苓 天花粉 桔梗 細辛少 甘草 薄荷

右八味。水一鍾。姜三片煎服。

加減益氣湯 治一發熱頭溫足冷。不渴便澀。面色皸白。嘔食不化者。

黃芪 人參一日代

甘草

當歸

川芎五日後宜去之

白朮

陳皮

升麻洗

桔梗

右九味，姜一片，水煎服，取煖。

見點三日虛痘用方

參芪飲 元氣虛弱，精神倦怠，肌肉柔嫩，面色晄白，飲食少進，睡臥寧靜而不擾者，已出未出皆治之。

人參錢一

黃芪錢二

甘草

五分清發
生，出定炒

右三味，用水一鍾，姜一片，煎四分服。未見點前，加紫蘇、防風、白芷；已見點後，加川芎、桔梗。

固陽散火湯 治瘡色嬌艷皮薄者。

人參

黃芪

歸尾

升麻

葛根

連翹

防風

生地

木通

荆芥

甘草

右十一味，水煎，若色白皮薄者，去荆芥、生地，加茯苓、白朮。

人參歸芪湯 治痘頂不起，血不紅結者。

黃芪

人參

甘草

當歸

川芎

官桂

山查

紅花

白朮

右九味，姜一片，水煎服。如氣滯者，少加木香。

人參觀中湯 見苗已定，而吐瀉不止，宜用此湯，兼與豆蔻。

人參

黃芪

白朮

甘草

木香

白芍

陳皮

右七味，加棗水煎服。

錢氏白朮散 治因吐瀉，脾胃虛而出不快者。

人參 白朮 茯苓 木香 藿香 乾葛 甘草

右七味。水煎溫服。

補中益氣湯 治氣虛出不快者。

黃芪 人參 白朮 當歸 柴胡 升麻 陳皮 甘草

右八味。姜一片。同煎服。一方加官桂。

見點三日清火用方

清熱解毒湯 治痘苗乾紅色滯。壯熱煩躁者。

荆芥 紅花 蟬退 木通 牛蒡 丹皮 青皮

生地 山查 滑石 前胡 地丁 黃連

右十三味。加燈心水煎服。

清地退火散 火裏苗痘。宜用此湯。火裏苗痘詳干論中

地骨皮 地膚子 柴胡 葛根 蟬退

牛蒡子 紫草根 連翹 當歸 木通

右十味。加姜水煎服。或加犀角汁。

十神解毒湯 治身壯熱。腮紅臉赤。毛焦枯。已出未出。肉色與瘡色無異。血熱甚者。

當歸 川芎 生地黃 紅花 牡丹皮

連翹 桔梗 赤芍藥 木通 大腹皮

右十味。用燈心十四根水煎服。

導赤散 治內攻心神不清者。

木通 生地 甘草各等分

淡竹葉三十葉

右四味。水煎服。一方有麥門冬。

辰砂導赤散 轉語狂言。見鬼神。熱毒亂心神者。

人參 白茯苓 黃連 山梔仁 石菖蒲 木通 麥門冬 辰砂研別 牛黃研別

右七味。燈心引。水煎。入竹瀝調辰砂牛黃。

清涼攻毒飲 治瘡瘡大熱如火。紫艷深紅。煩渴顛狂者。

石膏三錢至一兩 黃連一錢至三錢 大黃三錢至六錢 木通 紅花 荆芥各四兩

牛蒡子一錢五分 犀角磨什三分 生地黃三錢至一兩 丹皮錢一 青皮分七 地丁錢一

右十二味。加燈心一分。水煎服。

涼血攻毒飲 治毒火內伏。煩渴躁亂。身體反涼。痘紫滯黯紅。徹夜無眠者。

大黃二錢 荆芥分五 木通分四 牛蒡子 丹皮 紫草各一錢

赤芍分八 葛根分七 蟬退分四 青皮分七 紅花分四 生地錢四

共十二味。加燈心一分。煎服。如失血甚者。大黃爲君。加桃仁。每劑和大桑蟲汁。日服二大劑。

四順清涼飲 治裏熱大便秘者。

當歸 白芍 大黃 甘草

右四味。水一盞。煎七分。食前服。

玄參升麻湯 治初發夾斑丹疹出者。

玄參 升麻 甘草 防風 荆芥 大力子各六分

右六味。水煎服。如夾麻疹者。加桔梗酒炒。各六分。令疹先退。痘瘡自發。

瀉黃納穀散 治痘邪熱犯胃。胃口燥裂。脈渴。甚至舌起芒刺。嘴黑如煤。燒後猶壯熱而不思食。胃爛發斑症。

石膏 黃連 生地 丹皮 木通 炙甘草 生甘草 牛蒡子 山查 荆芥

右十味。重者加大黃。外加燈心。水煎。

清補用方

九味神功散 治初出稠密紅紫。或帶焦黑色者。

黃芪生 人參 赤芍 紫草根 生地黃 紅花 前胡 大力子各等分 甘草生

右九味。水煎服。熱甚者。去參芪。加酒炒芩連。如有驚搐者。加蟬退。

托裏清補湯 治氣血虛弱。兼毒癰者。

人參 生黃芪 當歸 川芎 厚朴 防風 桔梗

白芍 牛蒡 白芷 地丁 黃芩酒炒 甘草

共十三味。水煎溫服。

起脹二日虛痘用方

大保元湯 治頂陷根窠雖紅。而皮軟且薄。血有餘氣不足者。

黃芪錢二

人參錢一

甘草錢一

官桂五

白朮錢一

川芎錢一

右六味加姜棗水煎服。氣滯者加木香山查去肉桂不食者加人乳半鍾。

木香散 治瘡灰白表虛內虛泄瀉腹脹者。

桂心

青皮

木香

腹皮

人參

赤茯苓

前胡

訶子

半夏

丁子

甘草各等分

右十一味每服五錢姜三片水一大鍾煎六分服。

異功散 治痘表虛塌瘵內虛泄瀉腹脹喘急悶亂煩渴寒戰咬牙頭溫足冷者。

木香

肉桂

當歸

人參

白朮

陳皮

厚朴

丁子

茯苓

肉果已上各七分

熟附子

半夏各五分

右十二味每服五錢生薑三片棗二枚水一大鍾煎六分溫服。

朮苓調脾散 治脾氣虛弱飲食不化泄瀉者。

白朮炒

白茯苓各五分

白芍酒炒

神麴

甘草各五分

白扁豆蜜浸去殼炒八分

砂仁

炒香附子

製厚朴

右九味煨姜三片大棗一枚同煎或加人參。

益黃散 治脾胃虛寒者。

陳皮兩

丁子三錢

青皮

甘草炙

訶子半兩

右五味水一盞煎六分一方加木香三分。

四物湯 治氣至而血不榮者。

當歸 熟地 芍藥 川芎 各等分

右共四味。加人參麥門冬。水煎溫服。

四君子湯 治血至而氣不充者。

人參 白朮 白茯苓 各等分 甘草 減半

右四味。加黃芪肉桂川芎。生薑一片。棗肉一枚。水煎服。

十全大補湯 治氣血俱不足。本方中含無價散用之無價散方見于後

當歸 川芎 芍藥 生地 人參 白朮 茯苓 甘草 黃芪 肉桂

右十味。姜棗水煎服。

加味四聖散 治痘瘡已出五六日。不能長。不生膿。或痒塌者。

當歸 芍藥 黃芪 川芎 各五分 白朮

茯苓 紫草 木通 防風 各三分 糯米 一百粒

右十味。水煎服。

獨參湯 治虛弱痘症四日後諸症不穩者。

人參 去蘆一兩 生薑五片。棗五枚。水二鍾。煎八分。徐徐溫服。嬰兒乳母俱服。大人亦可服。

參附湯 治瘡痘五日後純陰無陽者。

人參 去蘆一兩 真附子 製熟者一錢或二錢 生薑五片 大棗五枚

右以水三鍾。慢火先煎熟附子。至一鍾半。加入人參餘藥煎一鍾。去滓。頻頻溫服。

加減排膿湯 治血熱痘證。服藥後熱症悉退。內外和平。惟不易長大者。

當歸 川芎 白芍 陳皮 人參 甘草 白芷 山查 木通 桔梗

右十味。水一鍾半。黃豆二十一粒。笋嘴五箇。煎服。六日後加糯米。

膽導法 此通大便秘結之良方也。

用大豬膽一枚。以豬翎筒兩頭截。一頭入膽中。線牢扎定。吹令氣滿。納入穀道中。直待氣通取去。

起脹三日清火用方

涼膈散 治痘疹表裏俱熱。純陽無陰之證。或黃連解毒湯合白虎湯服之亦可

大黃 朴硝 甘草 各半錢 連翹 錢一 山梔 黃芩 薄荷 各二錢半 淡竹葉 五片

右八味。水一盞。煎八分。去滓。入蜜一匙和服。

黃連解毒湯 治心熱如灼。煩渴躁悶者。

黃連 黃芩 黃柏 山梔 各等分

右四味。煎服。一方有連翹。

白虎湯 治大渴引飲者。

知母 石膏 甘草 糯米

右四味。水煎。候米熟服。

三乙承氣湯 治實熱壅遏于陽明而胃實大便秘結者。

大黃 芒硝 厚朴各一錢 甘草五分

右四味水一盞加姜一片煎七分食前服。

清毒活血湯 治痘色紅紫乾枯或帶焦黑毒盛而血凝不成膿者。

紫草根 當歸 前胡 牛蒡子 木通各六分 連翹 生地黃 生白芍

桔梗各五分 黃芩酒炒 黃連各七分 甘草四分 山查肉八分 人參 生黃芪各八分

右十五味生薑一片同煎煩渴者去參芪加麥門花粉。

寶氣散 治痘血至而氣不至邪邪不長或平或陷不充肥者。

丹皮 荆芥 青皮 山查 穿甲 牛蒡子 木通 赤芍 僵蠶 蟬退

右十味加蘆葦一株臨服和大桑蟲汁。

起脹三日清補用方

清毒散 治痘不至期欲乾收者。

生地黃 赤芍 連翹 金銀花 牛蒡子 當歸 丹皮 甘草

右八味煎服。

參麥清補湯 氣血虛弱毒熾盛瘡色淡白虛火炎蒸偏難任溫補偏難任清涼者此湯主之。

人參八分 麥門一錢二分 生黃芪一錢 白朮粉一錢 前胡 牛蒡子各五分

炙甘草三分 紅花酒洗三分 芍藥酒洗四分 當歸酒洗八分 川芎三分 生芍藥四分

生地黃酒洗 桔梗分二 生甘草分三 山查肉分五

右十六味。生薑一片。龍肉三箇。同煎。遇此症者。頻頻服之。

灌漿三日補益用方

加減托裏湯 治實熱之證。過寒涼而變冰硬。或嘔瀉。或皮薄漿清。或塌陷無神。血色不活。瘡瘳淨者。

黃芪 人參 肉桂 當歸 白芍 白芷 木香 陳皮 山藥 甘草

右十味。水一鍾半。糯米一撮。煎熟。臨服時。加人乳半杯。酒釀數匙同服。如痘色灰白平塌者。加熱附子三分。

參芪內托散 氣血虛損。或風邪穢毒冲觸。使瘡毒陷伏不出。或出而不勻快者。用此活血勻氣。調胃補虛。內托瘡毒。使之盡易收易斂。

人參 黃芪 當歸 川芎 厚朴 桔梗

白芍 白芷 官桂 木香 甘草

右十一味。水一鍾。糯米一錢。溫服。

千金內托散 治前症。

即參芪內托散方中去桔梗。加山查子生薑龍眼肉三箇同煎。入好酒和服。以上二方。俱托裏發解之劑也。

回陽反本湯 治痘瘡氣血虛劇。皮薄漿清。錫皮灰白。虛陽暴脫者。

人參 黃芪 鹿茸酒炙對片用 當歸 川芎 肉桂 甘草 山查 熟附子

右九味。外加大棗二枚。共水煎。

參歸鹿茸湯 托裏之妙劑。

鹿茸酒塗後去毛三錢

綿嫩黃芪蜜炙一錢五分

當歸酒洗一錢五分

人參二錢

炙甘草六分

右五味加生薑一片好龍眼肉三箇同煎去滓入好酒一盃溫服兒若能飲酒濃煎藥汁與酒相半和服亦好如困倦手足冷飲食少者加木香三分丁子官桂各五分寒戰咬牙者再加官桂三分製附子八分泄瀉者去

當歸加麴炒白朮酒炒芍藥白茯苓各八分木香丁桂各三分別用參朮散止瀉

回陽酒方 治虛寒八九日色皸白如水泡頂陷根白痺塌咬牙寒戰者

鹿茸酒洗 大附子去

嫩黃芪炒

當歸酒洗六分

右四味剉好酒煎服有訣

建中湯 治八九日寒戰咬牙者按四五日後寒戰咬牙者用木香散其攻散治之如至八九日不止者以此湯大峻補之

人參二錢 蜜炙黃芪三錢

白朮當歸各一錢五分

川芎八分

大附子製乾姜炒帶黑色

肉桂炙甘草各一錢

丁子五分

右十味生薑同煎服如虛寒甚者以參附大劑兼與

收醫結止加用方

保嬰百補湯 治痘瘡九十日後漿充足而無他症者

當歸 芍藥 地黃 白朮 人參 茯苓 山藥 甘草

右八味水一鍾加棗二枚煎服或九日午後無餘症者補中益氣湯合生脈散用之有訣

小連翹飲 治九十日痂疤厚突無故者此乃補藥滯濕之藥中微加解毒之方也

當歸 芍藥 白朮 茯苓 防風 連翹 荆芥 甘草減半

右八味水煎服。氣虛者加人參。

溫表調中湯 痘至九十日。當鬱不醫。身涼手足冷。脣舌淡白者。宜用此湯。

黃芪蜜炙 二錢

人參

白茯苓

白朮

官桂

川芎

當歸

炒乾姜各一錢

防風八分

白芷

丁子

熟附子各五錢

右十二味。生薑一片。同煎服。

五苓散 治飲水過多。致水瀆脾胃而瀉不收者。

猪苓

澤瀉

白朮

茯苓

肉桂各等分

右五味水煎服。

生脈散 此滋生精氣。培養真元。補心潤肺之夏方。

人參三錢

麥冬三錢

五味子十五粒

右三味水煎溫服。

黃芩加半夏湯 治初發二三日之內。熱毒未解而蛔厥者。

黃芩一錢五分

甘草一錢

白芍六分

半夏二錢

右四味。大棗二枚。生薑一錢。水煎服。如蛔厥作凶者。加烏梅川椒。

理中湯 治痘出五六日後。變虛寒而蛔厥者。

人參

白朮

乾姜炒

甘草半兩

右四味水煎服。如蛔蟲屬寒者。加烏梅川椒黃連炒少許。若虛寒甚者。加熱附子三分。

汪氏解毒飲 十一二日發熱。當醫不醫。及痲疹無托。醫者。此湯主之。

當歸酒洗

芍藥

人參

山查

黃芪蜜炒

荊芥

牛蒡子研

防風各二

炙甘草一分

右九味煎服。若陽症者。加黃連。或有餘熱。加黃芩。連翹。柴胡。若陰症者。加肉桂。

清神散火湯 收醫之後。毒從外解。反又驚搐者。此湯主之。

木通

麥冬

玄參

黃連

梔子仁

甘草

右六味。燈心引。水煎。研辰砂末調服。大便秘者。加酒炒大黃。自利者。加人參。

犀角解毒湯 治十日後。壯熱不結痲。雖結不實。狀如蠟澤不乾者。

生地黃

牡丹皮

犀角梢

芍藥各一錢

五味子七粒

連翹

牛蒡子炒

玄參

甘草各三分

人參一錢二分

右十味。水一鍾半。煎六分或三分。不拘時服。

大連翹飲 治十二日後。發熱壯盛。胸腹手足頭面俱熱。大便秘結。餘毒太盛者。

連翹

牛蒡子

柴胡

赤芍

防風各八錢

木通

當歸

荊芥

車前子

滑石

黃芩酒炒

山梔酒炒

甘草

蟬退各五分

右十四味。生薑一片。同煎服。大便秘者。加酒炒大黃一錢。

忍冬解毒湯 痘疹初起。大痲無慮。疤少榮潤。熱欠清和。防餘毒竊發。此湯主之。

金銀花

土貝母

甘菊

荊芥

牛蒡子

紅花

甘草

木通

連翹

地丁

右十味。外加胡桃煎服。若大便秘者。兼與四順清涼丸。

羚羊角飲 治餘毒不解。上攻眼目。生翳羞明。眩淚俱多。紅赤腫痛者。

羚羊角研

黃芩

黃芪生

草決明

車前子

升麻

防風

大黃

芒硝

右九味。水煎。

涼肝明目散 治痘後羞明者。

當歸

龍膽

川芎

蜜蒙花

柴胡

防風

黃連酒

右七味。各等分。雄豬肝煮湯煎服。一方加蟬退。

清胃瀉火湯 治口疳者。

連翹

桔梗

黃連

梔子

黃芩

玄參

升麻

生地

薄荷

甘草

葛根

右十一味。水煎服。或加犀角石膏。若大便秘者。加酒炒大黃。

甘露飲 治虛弱口疳者。

麥冬

天花粉

天門

茵陳

生地

熟地

枳殼

枇杷葉

石斛

黃芩

甘草

右十一味。水煎服。若欲作走馬疳者。宜清涼攻毒飲。

當歸桂枝湯 治痘後手足忽然拘攣。不能屈伸運轉者。

當歸酒

白芍酒

川芎

甘草

桂枝

黃芪

蒼朮製

黃柏酒

右八味。水煎服。如感寒骨節痛。加羌活防風。如氣少。加川烏。引經再加人參。

五加皮湯 治痘收之後。或面目虛浮。四肢腫滿者。

五加皮 蒼朮 桔梗 木通 防風 桑白皮 姜皮 猪苓 澤瀉

右九味。水煎服。

厚朴湯 治腹脹如鼓。目胞微腫者。

厚朴 陳皮 蒼朮 大腹皮 白茯苓 猪苓 木香

右七味。水煎服。傷於水濕者。加澤瀉滑石車前子。傷於食物者。加神麴山查三稜莪朮枳實。喘者。加葶藶杏仁。

虛腫者。萊菔丸治之。方見于後

四苓散 治痘中過服飲水。而癍後腫滿者。

白朮 茯苓 猪苓 澤瀉各等分

右四味。加燈心滑石水煎。

黃芪湯 治痘收之後。衛弱而汗出者。

人參 黃芪 黃連炒 甘草 桂枝

右五味。水煎服。

當歸湯 睡中汗出。寤則乾者。此湯主之。

黃芪 當歸 生地 麥門 白芍炒 甘草炙

右六味。用麩麥爲引。猪心以竹刀批開。煮湯溫服。

導赤解毒湯 痘後昏昏喜睡。連日不醒。口中喃喃自語。或睡而復醒。形如醉人妄語者。此方主之。

茯苓 木通 生地 麥門 山梔仁 人參 石膏 甘草節

右燈心引九味水煎。

化斑湯 治麻疹色紅及痘後斑丹者。

人參 知母 石膏 牛蒡子 連翹 升麻 地骨皮 淡竹葉 甘草 糯米

右十味煎服。一方加玄參地黃。

小柴胡加地黃湯 治赤火丹瘤其毒紅腫作痛者。

柴胡 人參 黃芩各三錢 甘草各二錢 生地黃 半夏各二錢

右六味生薑三片棗一枚水煎服。又治痘癰。

玄參化毒湯 治痘後赤火丹瘤者。

玄參 歸尾酒洗 紅花 連翹 石膏 赤芍 地骨皮 防風 荊芥 木通各等分

右十味加淡竹葉水煎服。

女子出痘用方

瀉肝散 治女子出痘發熱之時經水適斷。憎寒壯熱神識不清熱欲入血室者。

羌活六分 當歸錢一 山梔 龍膽各五分 川芎 防風各八分 大黃各三錢六分

右七味煎服。一方有木通柴胡黃芩無大黃。若從發始大便秘者宜四順清涼飲。

涼血四物湯 初發熱之時經水非期適來者宜急用之。止血發解痘瘡。

芍藥 當歸 生地 黃芩 紅花酒洗 黃連酒炒 連翹 牛蒡子炒 甘草

右九味水煎服。

柴胡四物湯 治初熱經水方斷而血分空虛邪毒乘虛侵衝脈者。

柴胡 人參 黃芩 當歸 川芎 生地

白芍 地骨 麥門 知母 淡竹葉

右十一味水一盞煎七分溫服。

當歸養心湯 治女子出痘經水忽行暴音不語者。

人參 當歸 麥門 甘草 升麻 生地黃各等分

右六味加燈心水煎服。

涼血解毒湯 治女子出痘經水非期當發熱時而至者。

當歸一錢二分 白芷五分 升麻四分 紫草一錢五分 紅花一錢

赤芍一錢 桔梗八分 連翹一錢 燈心二十根

右九味水煎重身者禁之。

轉元內托散 痘起發飽漿之時月事大來痘當起不起漿當灌不灌頂平形塌或白或黑陷者急宜以此方治之。

黃芪 人參 當歸 桂枝 木香 青皮 赤芍 大力子 川芎

右九味水煎服如虛者加熟附子。

安胎如聖散 孕婦出痘最要安胎此湯主之。

條芩 白朮 歸身 連翹 砂仁炒 枳殼

甘草 大腹皮 陳皮 桑樹上竿兒藤

右十味水煎服。

安胎飲 初熱既退諸證平準者此湯主之。

好人參 白朮 黃芩 熟地 川芎 當歸

芍藥 砂仁 紫蘇 陳皮 甘草

右十一味姜棗共水煎服。

安胎飲 治瘧出定後無餘證者。

人參 陳皮 大腹皮 白茯苓 砂仁 白芍藥 紫蘇 香附子 甘草

右九味外加糯米煎服。如有汗去紫蘇。加生黃芪。胎漏者加阿膠百草霜番紅花。

雜方

敗毒散 初發疑似之間用之無妨。

前胡 柴胡 獨活 天麻 地骨皮 薄荷 甘草

右七味生薑水煎服。

桂枝葛根湯 治感風寒表實無汗者。

葛根 桂枝 赤芍 升麻 防風 甘草各一錢

右加生薑三片。淡豆豉一錢煎服。寒月加麻黃。

參連湯 治發熱疑似之際發驚搐者。

沙參二分 黃連五分

右二味以沸湯煮散與本方交與之。

荊防敗毒散 發熱爲痘未真先用此湯探之。

防風 荊芥 羌活 獨活 柴胡 前胡 薄荷

人參 桔梗 枳殼 川芎 茯苓 甘草

右十三味生薑水煎服。

羌活湯 治痘瘡兼肝熱者。

羌活 川芎 防風 山梔 龍膽 當歸各等分 甘草半兩

右七味加薄荷淡竹葉煎。

連翹升麻湯 治身熱如火瘡勢稠密者。

連翹錢一 升麻 葛根 桔梗 甘草各七分 白芍五分 薄荷少 大力子錢一 木通八分

右九味加淡竹葉燈心煎服。

甘桔湯 治痘瘡首尾咽喉痛者。

甘草二錢 桔梗一錢

加黃炒大力子一錢水煎於本方之間兼服之。

利咽解毒湯 治前證。

山豆根

麥冬各一錢

玄參

桔梗各七錢

大力子

防風

甘草各五分

右七味。生薑水煎服。

涼膈散 治熱毒壅于上焦。胸膈煩悶壯熱者。

大黃 黃連

石膏

荊芥

地丁

玄參

當歸

甘草各等分

右八味。水煎服。

涼膈散 治上膈積熱。口舌生瘡煩渴者。

大黃 朴硝

甘草各等分

連翹一錢

梔子

黃芩

薄荷各二錢半

淡竹葉五片

右八味。水煎。入蜜溫服。

聖腸湯 治痘中間泄瀉不止者。

黃芪

白朮炒黃各一錢

山查七分

川芎二分

陳皮留白三分

升麻酒炒三分

肉果麝香浸去油一錢

右牙藥三枚。煎服。

一方 治鐵殼空痘 有一等當七八日間。充實飽滿挨摸不破者。不可認作好痘。以致後悔。宜用酒煮麻黃一錢。生附子一分。再加托裏之藥未變。令成爛痘。如此則屬可治。否則乾枯牢封如鑽石。必死。

保元神聖湯 治痘六七八九日漿不充滿。或水泡吸肉連皮不起者。

人參

黃連重炙三錢

當歸去尾酒洗三錢

肉桂五分鹽酒炒

真殭蠶去絲嘴炒二錢

防風

甘草五分

薄荷五分

丁子五分如塞眼

木香五分咬牙不加

右八味。水一鍾半。加糯米三十粒。煙草一十根。蓮心二十枚。煎至一二小盞。不拘時服。如痘灰白咬牙者。加重。

便煎過附子一二片。

加味連翹飲 卽於小連翹飲中加木通黃芩酒炒大力子炒蟬退各等分。

當歸連翹飲 治痘後牙齦腐爛口臭衝人者。

當歸 川芎 連翹 生地 防風 荊芥 白芷

羌活 黃芩 山梔 枳殼 甘草各等分 細辛少

右十三味水煎服或加石膏大黃犀角汁。

清上防風湯 治偏身痘痂悉落而頭面痂痕陷入肉中日久不脫或目睛半退未全愈者。

防風 荊芥 連翹 黃連 黃芩 薄荷

芎藭 白芷 桔梗 山梔仁 枳殼 甘草

右十二味水煎食後服入竹瀝或有目病者加木賊石決明。

黃連地黃湯 治痘後過三七日大渴腦消者。

黃連 生地 花粉 五味子 當歸 人參 葛根 茯苓 麥門去心 甘草各一

右十味加姜棗淡竹葉煎服。

水楊湯葛氏心法 治倒陷之夏方。

水楊卽忍冬藤也。春冬用枝秋夏用枝葉剉斷用長流水一大釜煎六七沸先將三分中一分置浴盆內以手試不甚熱亦不可太溫先服宜用湯藥然後浴洗漸漸添湯以痘起發光壯爲度不拘次數。

丸散部

牛黃鎮驚丸 治小兒一切急驚風。身體壯熱。多睡驚悸。手足搐逆。痰涎不利。人事不醒之症。

天竺黃 真物甚難得

膽星

白芍

青皮

黃芩

黃連

薄荷

桔梗

牛黃 近來和產物宜擇用

檳榔

甘草

大黃

天麻

陳皮

防風

各等分

右十五味。爲末。煉蜜丸之。生薑汁下之。

抱龍丸 治痘驚。

天竺黃 一兩

膽南星 二兩

辰砂 三錢

雄黃 三錢

右四味。爲末。煉蜜爲丸。如芡實大。燈心湯下之。

秘傳赤龍丹 治痘前後驚搐不醒。及鼻鼻之妙方。

人參

葛根 桔梗

茯苓

辰砂 各一兩

龍腦 一錢五分

菊絡石 酢浸末

犀角

木香 各二錢

玳瑁

丹麝香 各一錢二分

金箔

銀箔 十二枚

牛黃 二錢五分

香附子 一錢二分

右十六味。爲細末。以白蜜煉合。或以薑汁和勻用之。

參朮散 泄而黃青白。而痘色淡白者主之。

白朮 去蘆皮 炒一兩

人參

白茯苓 去皮

炒甘草 去皮

薏苡仁 炒熟

家蓮子 去心 炒

真神麝 炒

山查肉 各五分

肉豆蔻 麝香腰熟去細切細用 大紙包打去油四錢

訶子 炒取用 去核

廣陳皮 洗淨去脂 曬四錢

木香 三錢

砂仁 五分

右十三味。爲極細末。每用二錢。清米飲調。食前溫服。兒不肯服者。入稀粥內和服亦可也。

七味豆蔻丸 治虛滑泄瀉不止者。

木香 砂仁各五錢

赤石脂煨

白礬煨過名七錢

訶子肉

龍骨

肉豆蔻剉去油五錢半

右七味爲末。麝香丸。如粟米大。三歲者。五十丸。量大小加減。陳米湯送下。

辰砂益元散 治裏熱小便赤澀者。

滑石飛過六錢

甘草淨末一錢

辰砂二錢

右三味和勻。冷水調下一二匙。舊氏曰治霍亂熱毒火盛在言引飲本方去辰砂加龍腦少許即龍腦益元散

退火回生散要訣一名同生丹 治痘發之時。言語精神狂燥悶者。

滑石

辰砂各一錢

冰片三錢

右爲細末。冷水調服一分。睡片時許。必轉紅活。如狂妄甚者。加牛黃末三分。翁仲仁曰同生丹與本方治血熱枯澀

潔古白花蛇散 治痘黑陷不起者。

白花蛇二兩炙

大丁子三十粒

右二味共爲末。每服二分半。熱酒下。有神功。熱毒者忌用之。或以好酒一盞服。設曰龍眼肉五粒去核取肉投酒中一沸而服之最妙也

當歸丸 治初發四五日大便堅秘不通者。

當歸半斤

黃連一錢半

大黃二錢半

甘草炙一錢

紫草根三錢

右五味。先以當歸紫草根熬成膏。以餘三味研爲細末。以膏和爲丸。如胡椒大。三歲以下兒十九丸。七八歲兒二

十丸。食前糯米飲下。以利爲度。

藥散丸 痘後虛腫者。此丸主之。

萊菔炒五錢別研

厚朴水煎乾二分

白朮炒一兩

卷十 方選

一七五

右三味。爲末。浸湯爲蒸餅。陳皮湯送下。

奪命五毒丹 治痘陷倒靨。乾不起者有神驗。

月魄雞絲少許

吐月華牛黃二分

銀紅珠砂一錢

男王雄黃三分

梅精冰片二分

右五味。用獾豬尾血爲丸。如麻子大。薄荷湯下一丸。移時活動。按火毒入裏內攻心者。用之其功如神。

一粒金丹 治氣血弱塌陷倒靨將死者。

臘腦臍二

雅片三

冰片二

麝香一

原蠶蛾二

右翁氏分量如此。訣曰。如小劑則各以分爲定。量大劑則各以錢爲定。量共爲細末。以糊丸之。如梧桐子大。以金箔成衣。

兔糞丸 治痘入眼或生翳障者。

兔糞炒四兩

石決明煨一兩

草決明

木賊去節

白芍

防風各一錢

當歸五錢

穀精草二錢

右八味。爲末。蜜丸如菉豆大。三五十丸。荆芥湯送下。

金不換 治走馬疳。

人中白煨如法

枯礬各三錢

五倍子

鹽梅七個煨存性

白礬煨

細辛

胡黃連各一錢

雄黃

銅綠各五錢

右九味。吹之。或和胭脂水塗之亦可。

無價散 治黑陷欲死者。

用無病小兒糞。陰乾於臘月。便將銀罐二箇上下合定。鹽泥固封。火煨通紅。取出爲末。蜜水調服一錢。一方加麝香片腦少許。

龍腦安神丸 治痘中昏悶譫妄良方。

大辰砂錢一 龍腦各五 牛黃各五

右三味共研爲細末。取獺猪心血小猪尾尖血和如菉豆大。每服用一丸。新汲水化下。燈心湯亦可。

安神丸 治痘中昏悶心神不清者。

當歸身 黃連 麥門冬 白茯苓 甘草各半 朱砂一分 龍腦二分

右爲細末。湯浸蒸餅和獺猪心血搗勻丸。如黍米大。每服十九丸。燈心湯下。

牛黃清心丸 治心熱神昏者。

牛黃二分 辰砂一分 黃連五錢 黃芩 山梔仁各三 鬱金二

共研細末。臘雪調麵糊爲丸。如黍米大。每服七八丸。燈心湯送下。

四聖膏 七日內外有疔者點之。

珍珠五 豌豆錢 髮灰各 雄黃八 紫草根一錢 冰片三

右六味共爲細末。油胭脂調。剔破疔頭點之。查本有說去惡血之四字

玉鎖匙 治咽喉腫痛。飲食不入者。

朋砂錢一 朴硝五 僵蚕一 片腦五

右四味爲細末。以竹管吹之。

滅癰救苦散 爛痘如誤抓破者。用之傳貼最良。

蜜陀僧 滑石各二 白芷半

右三味。紙末。濕則乾搽之。乾則好白蜜調傅。

白龍膏 治爛痘及抓破者。

用乾牛糞久在風露中者。火煨成灰。取中心白者爲末。薄絹囊裹於瘡上撲之。

綿蜜散 治爛瘡。又身及肢節痞蝕瘡。膿水不乾者。蜜子不拘多少。將明礬末裝入。滿火上燒。令汁乾枯。爲末搽之。

之。

天水散 治痘乾燥而痛者。

白滑石_{四兩} 甘草_{一兩}

共爲細末。白湯調服。或用塗痘子甚佳。以蜜水調刷之。

敗草散 治爛痘及抓破不成痂者。用此鋪攤佳。以多受風露之氣。故能解痘瘡毒。如急則蕎麥粉亦可。

一方 象牙屑爲細末搽之。

又方 生赤豆爲細末。加辰砂少許。如桃花色而搽最妙。

消蝨丸 治首尾蝨蟲之要方。

白朮_黃 乾姜_黑 甘草_生 茯苓 烏梅_{各一錢}

黃連_蜜 胡黃連 雷丸_{各五分} 雄黃_{少許}

右細末糊丸。如麻子大。計兒之大小與之。自五粒至十粒二十粒。一日兩三度。白湯送下。

辨麻疹首尾用法

升麻葛根湯_{方見于痘門} 凡大人小兒先始發熱。不拘時服之。又檉河柳爲細末。加一錢調服亦可。

瀉白消毒飲 先以升葛之味發透之。若發熱咳嗽甚者。宜此湯。

桑白皮 地骨皮各三錢 牛蒡子研 荊芥穗 桔梗 甘草各一錢 浮萍晒乾二錢

右七味。爲粗末。水煎服。如毒熱甚者。檀河柳一錢。

翁氏極葉散一名獨聖散

檀河柳青茂時。採葉晒乾爲末。每服一二錢。茅根煎湯調下。或加煎湯中和勻服之。亦可。

繆氏清湯飲子 治麻疹之主方。

麥冬去心三錢 西河柳五分 玄參二錢 鼠粘子研炒 葛根各一錢五分 知母炒

蟬退 荊芥穗 薄荷各一錢 甘草一錢 竹葉三十

甚者加石膏五錢。冬米一撮。愈甚者。加黃芩黃柏黃連。

瀉白散 治發熱疹出咳嗽甚者。

桑白皮一兩炙黃 地骨皮一兩 甘草半兩炒 粳米百粒

右四味。水煎。加西河柳末。

化斑湯 治疹子已出。火熱不退色大紅者。

人參舌赤者白胎乾燥者去之 知母 石膏 甘草 連翹

升麻 牛蒡子 地骨 淡竹葉 糯米

右十味。水煎服。

消毒飲 治疹已出未出。胸膈粘痰。咽喉痛者。

大力子二兩 炒研

甘草炒半兩

荊芥二錢 五分

右三味水煎服。

人參養榮湯 治面色青晄白。疹子已出。色白榮血不足者。

人參去蘆

當歸

紅花

赤芍桂水

甘草

右五味水煎服。

繆氏竹葉石膏湯 疹現其色紫赤。而喘滿氣急者。早宜此湯。

石膏自一兩至五錢

知母自一錢至二錢

竹葉三十片 或百片

粳米

麥冬自三錢至五錢

加玄參薄荷二錢

西河柳兩許

右八味水煎。一方加當歸五錢。

翁氏大青湯 治疹色大紅。或微紫而血熱。或疹出毒火甚者。

大青

玄參

生地

地骨皮

荊芥穗

石膏

知母

木通

甘草各等分

淡萊竹十二枚

右十味水煎服。

大無比散 治疹已出。熱毒大甚。驚狂譫語引飲者。

桂府煨石飛通 大用

粉草一兩

辰砂飛通 三錢

雄黃飛通 一錢

右四味爲末。三五歲者服一錢。十歲者服二錢。

小無比散 治壯熱口渴。小水澀。大便秘。口氣熱。煩躁不寧。或焦紫或紅斑者。

桂府煨石 飛過

石膏 飛過

粉草

寒水石 各五錢

鬱金 細壯小者甘草湯煎乾為末七錢

右五味俱製淨末和勻。每五歲者服二錢。大人再加。冬月燈心湯下。夏月井水調下。如熱甚不解者。井水磨犀角汁調下。

裴氏涼血攻毒飲 疹已出現。大便三四日不通。煩渴。徹夜不眠。而躁亂不寧者。此湯主之。 方見于痘門

管氏六一散 發熱之時。疹欲出未出。口不渴者。但以檉河柳一錢。煎煎和六一散少許。頻頻與之。 方見于痘門

翁氏麻黃湯 治襲於風寒不發見者。

麻黃 去根節

升麻 牛蒡子炒

蟬退 洗淨去頭足

甘草 各一錢

右五味煩湯加石膏四錢。或加西河柳亦可。

七物升麻丸 治毒火甚于內。疹伏而不出。大便秘。

升麻

犀角

朴硝

梔子仁

大黃 各二兩

淡豆豉 炒

黃芩 二兩

右七味共為末。煉蜜丸如黍米大。凡覺四肢火熱。大便難。則服取微利乃止。

黃芩湯 治發熱吐利不止者。

黃芩 一錢五分

甘草 炙一錢

白芍藥 六錢

右三味加大棗二枚。水煎服。

加味黃芩湯 治自利甚。裏急後重者。

黃連

黃芩 各一錢半

甘草 七分

白芍 三錢

煨石末 三錢

右五味水煎服。血利加地榆紅花。

孫氏清熱導滯湯 治麻疹出有毒氣流注而成痼者。

黃連

條芩

白芍

枳殼炒

山楂肉各一錢

厚朴去皮蜜汁炒

青皮

檳榔各六分

當歸

甘草

牛蒡子

連翹各五分

右十二味水煎。紅多者加紅花三分。地榆五分。秘瀉甚者酒炒大黃一錢二分。疹毒甚者加檳榔五分。

養血化斑湯 疹色淡白。心血不足者。此湯主之。

當歸

生地

紅花

蟬退

人參各等分

右五味水一盞。生薑一片煎六分溫服。

繆氏極葉葛根湯 治疹子已出未出。陽毒太盛者。

葛根

前胡

荊芥

貝母

西河柳

知母

麥門

玄參

甘草

右九味水煎服。如天寒甚則痧毒鬱于內不得透發不寧者加製麻黃一錢。急發其汗。

繆氏三黃石膏湯 治疹出後煩渴者。

石膏三兩

知母一兩

麥門三兩

竹葉三百枚

黃柏

黃芩

黃連各五錢

檳榔一兩

右八味濃煎飲之。煩燥定而愈。

門冬清肺湯 治疹後咳嗽不止者。

天門冬去心

麥門冬去心

知母

貝母

桔梗

甘草

款冬花

杏仁去尖

牛蒡子

馬兜鈴

桑白皮

地骨皮

右十二味水煎服。如咳嗽不止咽喉痛者加石膏檳榔河柳。

人參養榮湯 治疹已收後氣血虛耗餘熱不退者。

人參 麥門冬 五味子 生地黃 歸身 知母 白芍 陳皮 甘草

右九味煎服。

柴胡麥門冬湯 治疹已收後大熱日久不退者。

柴胡五分 龍膽五分 麥門冬八分 甘草 人參 玄參各半錢

右六味水煎服。

柴胡四物湯 治餘炎未竭日久寒熱雜起欲變骨蒸者加犀角。方見于痘門

清熱除疳丸 治睡則揚睛口鼻氣冷手足厥逆微微瘰癧變成慢脾風者。

黃連 當歸各二錢 龍膽一錢五分 川芎一錢 青皮

陳皮各一錢五分 史君子一錢二分 乾蟾頭一錢 蘆薈一錢二分

右九味爲末神麩丸米湯下。

當歸養血湯 治渾身壯熱未至羸瘦但多搖掣煩躁者。

當歸 川芎 麥門 木通 淡竹葉 甘草 山梔子 燈心

右八味大便秘者加大黃。

黃連安神丸

卽於安神丸方內去麥門甘草龍膽加石菖根一錢五分全蠍七箇龍膽二錢製法同前硃砂爲衣。

俞氏馬鳴散 治走馬牙疳者。

人中白即溺底白重刮取用新瓦盛之火煨如鹽者五錢

馬鳴退即薑退紙火燒過二錢五分

五倍子二錢生用一錢入礬內燒

白礬二錢碎入五倍子一錢火煨過用

右四味爲極細末。先以米泔濃水攪口內貼。

翁氏化露丸

黃連五錢

川椒去閉目并目與子蒂妙去汗二錢

苦棟根白皮乾者二錢

右三味爲末。用烏梅七箇。艾湯浸去核。搗爛和丸。艾湯送下。

四順制蛔湯 痘已見至三四日。火熱未解。下脣純紅如石榴花。腹肚時痛。大便未通。小水赤澀。動氣伸胸助者。

蛔蟲也。此湯主之。

當歸

芍藥

大黃酒炒

鵝鴝菜各

甘草半

烏梅

地丁各

胡黃連

雄黃各少許

右水煎。溫服。臨欲飲時。加雄黃末。

升堂門生錄

自天明戊申始許入門至文化辛未教習諸業
者幾三百人悉錄之今後入門者當遵錄之

同寮之醫官十有餘人茲略姓名及每卷校合之門生亦然。

浪華	安治川元貞	勢州	村田	道哲	伊州	雲林院玄中
豐前	牧 仙龍	攝州	猪石	修敬	備前	葛城 正藏
攝州	佐佐木文仲	紀州	山嶺	治周	阿州	土井 計江
京都	北村 立造	河州	田 周藏		攝州	後藤 吉常
紀州	竹中 文卿	紀州	德田 道碩		紀州	番莖 又玄
和州	長井 隆民	尾州	後藤 立意		伊州	藤林 敬治
伊州	村田 多善	阿州	安藤 靜菴		讃州	森 周治
攝州	神吉 耕菴	紀州	德田 厚純		和州	稻村 喜壯
城州	山口 運説	攝州	僧 了觀		京都	高橋 元春
攝州	久保 一學	肥前	島田 順碩		備前	宮本 常伯
長州	菅 玄長	攝州	長尾 玄瑛		肥前	西岡 健順
防州	花 道濟	加州	端 真元		長州	齋藤 秀哲
備中	追藤 顯藏	丹波	笠城 尙圭		常州	高野 昌碩
防州	齋藤 方策	播州	邨上 元齡		城州	富原 周伯

播州	播州	播州	播州	播州	播州	播州	江州	丹州	播州	播州	播中	播州	播州	播州	播州	播州	播州
三木 養節	本郷 主善	村田 慶壽	生田 遠發	三木 導布	留主 真證	雲林院玄龍	市岡 意博	市川 丹齋	河野 泰藏	南木 左重	蟲明 幼安	圓 文哲	本郷 良藏	上田 玄珪	關 尙菴	圓尾 玄東	播州
播州	播州	播州	播州	播州	播州	紀州	信州	京都	播州	紀州	播中	播州	播州	播州	播州	播州	播州
内海 玄堂	田淵 淳節	高原 丹治	三宅 僊龍	八木 慶吾	田中 多助	竹中 彰民	堀内 桂仙	北尾 春輦	小野 愿堂	下邨 了菴	岡西 昌順	澤 周倫	岡本 理齋	岡本 文亮	八木 退藏	松尾 玄長	播州
下總	播州	播州	播州	播州	播州	播州	信州	下總	播州	播州	薩州	播州	播州	播州	播州	播州	播州
中里 長格	水守 三省	飯田 見龍	關 見理	井上 修齋	入江 宗栗	岡本 爲善	住山 友仙	近藤 玄菴	高見 新吾	加古 茂川	河村 宗雲	西脇 主禮	冲 勘解由	陰山 禮治	中根 元悅	和田 春堂	播州

下總	大浦	謙也	播州	齊藤	常菴	下總	立花	宗慎
播州	河村	祐甫	奥州	兒島	宗說	越前	早川	俊章
信州	赤羽	俊勝	三州	河村	傳達	肥前	芥川	祥甫
奥州	柴田	玄潤	下總	横山	宗元	豐後	仇藤	文伯
讃州	安堵	岱菴	讃州	長尾	元章	防州	中村	元隨
濃州	喜多尾	春園	常州	田中	順貞	武州	上田	伊織
豫州	中邨	秀朔	肥前	古賀	仲安	羽州	長坂	元高
播州	中根	元悅	奥州	中邨	流謙	奥州	島	松菴
遠州	田宮	秀伯	播州	辻元	李菴	奥州	館野	瑞元
豫州	菊山	玄溪	雲州	林	養仙	攝州	橋本	順積
備中	渡邊	養順	奥州	木村	桃菴	奥州	橋内	桃安
筑後	馬渡	銀拙	筑後	岡田	東慶	豐後	大野	徐菴
濃州	番田	玄隆	羽州	中島	北文	肥前	谷川	元禮
三州	河村	貞三	肥前	日高	元慥	奥州	正清	方菴
丹州	河合	杏菴	信州	澤邊	升純	播州	三浦	通暢
豐後	辻原	白節	長州	増野	柳軒	防州	山縣	玄孝
奥州	竹中	道穩	甲州	藤澤	龍意	防州	池田	瑞朔

武州	佐藤 景純	播州	猪崎 祐元	播州	坂井 模策
防州	桑原 玄仲	播州	布川 瑞益	播州	高須 富八
播州	土岐 千吉	播州	田中 卯朔	播州	莊野 八木
武州	山口 玄享	石州	井關 道益	京都	清水 源吾
豫州	菊山 玄溪	京都	山脇 玄智	京都	木村 玄菴
播州	坂井 仲	播州	高須 力馬	播州	永原 彌藏
播州	坂井 梨之助	播州	櫻井 衆甫	播州	内藤 千太郎
甲州	大柴 半右衛門	甲州	蘆澤 元理	甲州	石原 順碩
伊州	越知 晃純	甲州	廣瀬 恭平	甲州	田中 需馬
甲州	辻 岷平	甲州	前 升平	甲州	河野 泰次
河州	橋本 啓全	播州	石井 金圭	甲州	秋山 桂輔
甲州	加賀 美順成	甲州	飯田 格仙	甲州	飯田 格榮
甲州	上野 富太郎	武州	木村 玄安	武州	内山 善藏
豐後	北野 恕軒	播州	山田 安朴	播州	寶石 瑞得
筑後	春野 縣	筑後	清水 道祝	播州	岡本 温順
播州	森 隆見	防州	郡野 道憲	播州	岡本 昌菴
播州	芹田 昇達	甲州	牧野 宗平	甲州	島津 壽健

甲州	島津	主税	甲州	淺川	道藏	甲州	八代	健甫
甲州	内藤	丹下	甲州	武川	健元	甲州	花輪	春齋
甲州	高木	保齋	甲州	青柳	内基	甲州	小倉	由林
甲州	山内	喜内	甲州	田中	昌禎	武州	橋本	立道
安藝	笠坊	文珉	伊勢	高木	慎齋	奥州	岩淵	多仲
江戸	田中郁右衛門		奥州	竹中	道見	江戸	荻野	建邦
筑後	中山	玄榮	江戸	加藤	弦齋	防州	桑原	太淳
奥州	木邨	昇雲	奥州	續	周庵	奥州	大和	見水
奥州	木邨	雪庵	筑後	西原	省三	下總	山本	東周
備前	近藤	弘篤	備中	嶋瀬	剛篤	備中	岡	行淳
南都	仲	元益	山城	田村	又陸	石州	吉木	玄車
京都	井出	玄道	江戸	小杉	文伸	常陸	北城	尚綱
江戸	中川	順藏	筑後	櫻井	養安	筑後	淺田	有元

跋

痘科辨要既成矣。先生出示該曰。五十年之苦心精力。盡在此書。予其爲我咬魚。奮帝席之誤。余捧讀卒業。喟然嘆曰。夫自後漢建武中。南陽征虜。而此瘡染流中國。時謂之虜瘡。爾來歲彌盛。而世益盛。歷平今日。國無不傳之。國人無不患之人。其故何也。蓋自古戎狄猾夏。莫世無之。而今八埭昇平。四夷來王。北無蹶弓之警。南無飲馬之報。普天熙熙。頌聲載路。而其所憂。唯在乎疾厄。痘瘡最爲大厄。是無乃其猷悍猶惡之氣。不能發洩。結爲痘瘡。以瘳人焉歟。世醫觀其證一患。不再觸犯。而謂之胎毒。或觀闔鄉合村。一時傳運。而謂之癘氣。其說搏影捕風。俱未可謂得痘瘡之真理矣。錦橋池田先生。家傳明驗。獨立治痘之訣。舊矣。先生深志此術。一心專精。痘書是誦。僚丸秋森。固絕外慕。夙寐必於是。寢齋必於是。蓋五十年一日也。其術之妙。聲稱藉甚。布在世醫之口耳矣。先生嘗手製唇舌頭面圖。以授門人。或至校焉。書賈擬寫弔之。其爲世醫慕仰。如茲矣。今又著此書。議論沉實。考據精確。無一言非自親試獨得之胸。而流出者矣。此書一出。吾知世醫慕仰願見。而未得見者。一旦獲此乎。其喜不翅拱璧握珠。然後此之謂百代不腐之業矣。該辱先生之知。周旋倍遊。有年於茲。醫儒雖道不同乎。先生居恆推余以爲博洽。是書之成。又復俾余校之。所謂大海添一滴。泰山加一塊。奚能增減先生之書。且古不云乎。校書如掃落葉。掃盡隨落。況余疎懶。齒牙乎。古語信不誣矣。因書數言。寘諸卷尾。文化辛未秋九月丹波脇山該子郁識。